

თმარ არდაშელია

XX საუკუნის II ნახევრის
საერთაშორისო
ურთიერთობების საკითხები



327(09)+

UDC (უკ) 94(479.224) + 930.27(=946.113)
 _{ა - 982}

წინამდებარე ნაშრომში შესწავლილი და წარმოჩენილია XX საუკუნის საერთაშორისო ურთიერთობების ისტორიის უმნიშვნელოვანესი პრობლემები: ინდონეზიის, ტაივანის, კორეის, ახლო აღმოსავლეთის, კვიპროსის და ა.შ. კრიზისები, რომელთა გენეზისი და განვითარება „კვივი ომის“ პირობებში მიმდინარეობდა. ამ კრიზისებმა დიდი გავლენა იქონია XX საუკუნის II ნახევრის საერთაშორისო ურთიერთობების ფორმირებაზე.

ნაშრომი განკუთვნილია საერთაშორისო ურთიერთობების სპეციალობის სტუდენტებისა და დაინტერესებული მკითხველისათვის.

რედაქტორი: პროფესორი თეიმურაზ პაპასქირი

რეცენზენტი: პროფესორი ბონდო კუპატაძე

პროფესორი ელგუჯა ქავთარაძე

© ომარ არდამელია
ISBN 99940-62-34-4

შსსაპალო

31131

საერთაშორისო ურთიერთობების, როგორც მეცნიერების ჩამოყალიბება XX საუკუნეში მოხდა. წინა საუკუნეებში მას სხვადასხვა დისციპლინები შეისწავლიდნენ და წარმოაჩენდნენ. 1919 წელს საერთაშორისო ურთიერთობების კათედრა დაარსდა უელსის უნივერსიტეტში, დევიდ დევიზის ფინანსური მხარდაჭერით. XX საუკუნის 20-იანი წლების დასაწყისში ლონდონის ეკონომიკურ სკოლაში ნობელის პრემიის ლაურეატის ფილიპ ნოელ-ბეიკერის ინიციატივით ჩამოყალიბდა საერთაშორისო ურთიერთობების დეპარტამენტი. 1927 წელს კი კენედაში დაარსდა პირველი უნივერსიტეტი, რომელიც მთლიანად ემსახურებოდა საერთაშორისო ურთიერთობების შესწავლას. ამ უნივერსიტეტის მიზანი იყო ერთა ლიგისათვის მოემზადებინა სპეციალისტები. მიუხედავად იმისა, რომ შემდეგში საერთაშორისო ურთიერთობების შემსწავლელი სკოლები დაარსდა აზიასა და სამხრეთ ამერიკაშიც, დისციპლინის აკადემიურ ცენტრად დღეს მაინც ვეროპა და ჩრდილოეთ ამერიკა ითვლება.

საყოველთაოდ აღიარებულია, რომ საერთაშორისო ურთიერთობების ისტორიაში ვესტფალიის ზავი¹ წარ-

¹ვესტფალიის ზავი- ვესტფალიის ზავი (ახევ ვესტფალიის მშვიდობა) — სამშვიდობო შეთანხმება დადებული 1648 წლის 24 დეკემბერს მოუნსტერსა და ოსნაბრიუკში, რომელმაც ბოლო მოუღო ოცდაათწლიან ომს. როგორც წესი, ვესტფალიის მშვიდობა უწოდებენ სამშვიდობო ხელშეკრულებებს ხელმოწერილს კაიზერი ფრედიინანდ III-ის მიერ საფრანგეთსა და შვედეთთან.

5.00

ბიბლიოთეკა
LIBRARY

მოადგენს საკვანძო მოვლენას, საიდანაც დაიწყო თანამედროვე მსოფლიო პოლიტიკური სისტემის ჩამოყალიბება. მანამდე ევროპული შუასაუკუნეობრივი პოლიტიკური ხელისუფლების ორგანიზაცია დამყარებული იყო ბუნდოვნად განსაზღვრულ რელიგიურ იერარქიაზე. ვესტფალიის ზავმა დააფუძნა სუვერენიტეტის ცნება, რომელიც ნიშნავდა იმას, რომ სახელმწიფოს მმართველი არ აღიარებდა თავისზე მაღალ ან თავის სწორ ხელისუფალს, როგორც ქვეყნის შიგნით, ასევე ქვეყნის გარეთაც. ვესტფალიის ზავმა ხელი შეუწყო სახელმწიფოს აღმავლობას, დიპლომატიისა და არმიის ინსტიტუციონალიზაციას. კოლონიალიზმის შედეგად აღნიშნული სისტემა სხვა კონტინენტზეც

მათ მიერ ვეფელინგჰოფენთან წაგებული ბრძოლის შედეგად (1648 წლის 4-5 ივნისი). შეთანხმება შესაძლებელი გახდა სამშვიდობო კონგრესით, რომელიც მიუნსტერსა და ოსნაბრიუკში ჩატარდა 1643-49 წლებში, რომლის ზოგადი მიზანი ევროპაში მიმდინარე ომების ჩაცხრობა იყო, განსაკუთრებით კი ოცდაათწლიანი ომის. ვესტფალიის ზავით შედეგთმა მიიღო დასავლეთ პომერანია შტეტინის პორტით, აღმოსავლეთ პომერანიის გარკვეული ნაწილი, უფლება პომერანის ყურეზე ზღვისპირა ქალაქების ჩათვლით. შედეგთის ფაქტობრივი კონტროლის ქვეშ მოხვდა ჩრდილოეთ გერმანიის უმსხვილესი მდინარეების შესართავები. გარკვეული დროით შევეცა დიდ ევროპულ ზესახელმწიფოდ გადაიქცა, და მისი გავლენის ქვეშ მოექცა ბალტიის რეგიონი და გერმანული სახელმწიფოები. საფრანგეთმა მიიღო ელზასი (სტრასბურგის გარდა) და ზოგიერთი ქალაქის მფარველობა. პოლანდია აღიარებულ იქნა დამოუკიდებელ სახელმწიფოდ, ასევე აღიარეს შვეიცარიის *კანტონი*. ვესტფალიის ზავის შედეგად რელიგიურმა ფაქტორმა შეწყვიტა მნიშვნელოვანი როლის თამაში ევროპულ პოლიტიკაში.

გაურცვლდა. I და II მსოფლიო ომების შემდეგ საბოლოოდ ჩამოყალიბდა თანამედროვე საერთაშორისო სისტემა².

ახალმა ეპოქამ რადიკალურად განსხვავებული სისტემები, ცნებები და შეხედულებები მოიტანა, რაც ახალ ეტაპს წარმოადგენდა მსოფლიო პოლიტიკაში.

ახალ ეპოქაში ყველა ქვეყანა და ნაციონალური სახელმწიფო ჩართულია საერთაშორისო პოლიტიკაში და ქვეყნებს შორის ურთიერთობებში. დღეს ნაციონალური სახელმწიფო წამყვან როლს თამაშობს საერთაშორისო არენაზე. გარდა ამისა, ახალმა ეპოქამ დაასრულა ევროპული სახელმწიფოების დომინირებული როლი მსოფლიო პოლიტიკაში. აღნიშნული მოვლენა ლამის პირველი მსოფლიო ომის დაწყებამდე გაგრძელდა. ფაქტობრივად, ამ ომმა წერტილი დაუსვა ევროცენტრიზმს საერთაშორისო სისტემაში.

პირველი მსოფლიო ომის შემდეგ აშშ-ს ინიციატივით შეიქმნა საერთაშორისო ორგანიზაცია ერთა ლიგა (League of Nations), რომლის ძირითადი მიზანი იყო კონფლიქტების მშვიდობიანი მოგვარება და მსოფლიოში მშვიდობის მხარდაჭერისათვის ბრძოლა. მაგრამ პირველი მსოფლიო ომის შემდეგ შექმნილმა ვერსალ-ვაშინგტონის პოლიტიკურმა სისტემამ კრახი განიცადა, რადგან მსოფ-

² დაწვრ. იხილეთ: **Протопопов А.С., Козьменко В.М., Елманова Н.С.** История международных отношений и внешней политики России (1648-2000). Учебник для вузов /Под ред. А.С. Протопопова - М.: Аспект Пресс, 2001

ლიო ომის დასრულება ბევრი სახელმწიფოსათვის არ ნიშნავდა სტაბილიზაციის აუცილებლობას. გარდა ამისა, მსოფლიოს ერთ მეექვსედ ნაწილზე დამყარდა დანარჩენი მსოფლიოსათვის სრულიად უცხო სახელმწიფოებრივი სისტემა, რომელიც უცნობი და მიუღებელი აღმოჩნდა დანარჩენი მსოფლიოსა და საერთაშორისო პრაქტიკისათვის.

პირველი მსოფლიო ომისა და რუსეთში ოქტომბრის ცნობილი გადატრიალების შედეგად გამოწვეულმა კრიზისულმა მოვლენებმა მთელი ევროპა და შემდეგ მსოფლიო მოიცვა. ამ პერიოდის ევროპის ქვეყნებში პოლიტიკური მეცნიერებების განვითარებისათვის არახელსაყრელი პირობები შეიქმნა, ხოლო ბოლშევიკურ რუსეთში მეცნიერების ეს დარგი საერთოდ „აკრძალულ ხილს“ წარმოადგენდა.

XX საუკუნის 30-იან წლებში ევროპის ქვეყნებში გერმანიასა და იტალიაში ფაშიზმმა გაიმარჯვა. შესაბამისად ამ იდეოლოგიურმა მიმართულებამ დაიკავა წამყვანი და უმნიშვნელოვანესი ადგილი ამ ქვეყნების პოლიტიკურ მეცნიერებაში. რუსეთის უზარმაზარ სივრცეზე კი დიდი ხნით „რკინის ფარდა“ იქნა ჩამოფარებული. გაცილებით უფრო უარეს მდგომარეობაში იმყოფებოდა ე. წ. მოკავშირე რესპუბლიკები, ანუ ბოლშევიკური რუსეთის მიერ დაპყრობილი ქვეყნები.

XX საუკუნის 30-იან წლებში ევროპიდან მოხდა მეცნიერთა და მკვლევართა მასობრივი მიგრაცია ამერიკის

შეერთებულ შტატებში, სადაც თავისუფალი აზრის გამოხატვისათვის გაცილებით დიდი ახპარეხი არსებობდა. სწორედ ამ ფაქტმა განაპირობა, რომ პირველ და მეორე მსოფლიო ომს შორის პერიოდში აშშ-ში შეიქმნა პოლიტიკური მეცნიერებების, მათ შორის საერთაშორისო ურთიერთობების განვითარებისათვის ხელსაყრელი პირობები. პოლიტოლოგიური ცენტრები შეიქმნა აშშ-ს თითქმის ყველა უნივერსიტეტში, მათ შორის ლიდერის ფუნქციები იკისრა ჩიკაგოს სკოლამ, რომლის წამყვანი მეცნიერებები იყვნენ: ჩ. მერიემი, გ. ლახსუელი, გ. გოსნელი, ჩიკაგოს სკოლის დამსახურება ის იყო რომ ისინი კონკრეტულ ემპირიულ კვლევებზე დაყრდნობით აქმნიდნენ კვლევის მეთოდოლოგიასა და სამეცნიერო ბაზას.

XX საუკუნის II ნახევრის საერთაშორისო ურთიერთობებში მნიშვნელოვანი ადგილი უჭირავს საერთაშორისო ურთიერთობების ისტორიის უმნიშვნელოვანეს, საკვანძო საკითხებს, რომელთა შესწავლა პოლიტიკური თეორიების, მეთოდისა და მეთოდოლოგიის ჭრილში აუცილებელია თანამედროვე პოლიტოლოგიური კვლევების გააზრებისა და გაანალიზებისათვის.

წინამდებარე ნაშრომში წარმონეხილია XX საუკუნის II ნახევრის საერთაშორისო ურთიერთობების ცალკეული მნიშვნელოვანი საკითხები, რომლებმაც გარკვეული გავლენა მოახდინეს ეპოქის საერთაშორისო ურთიერთობების ფორმირებაზე, ხასიათსა და პოლიტიკურ პროცესებზე.

ნვენს მიერ განხილული იქნება ის ძირითადი პროცესები, რომლებიც საერთაშორისო არენაზე მიმდინარეობდა XX საუკუნის II ნახევარში, რომელთა ცოდნა, გააზრება და ანალიზი საშუალებას იძლევა უფრო სიღრმისეულად შევხედოთ დღევანდელ პოლიტიკურ მოვლენებს, ფაქტებსა და საერთაშორისო ურთიერთობებში მიმდინარე პროცესებს.

წინამდებარე ნაშრომი განკუთვნილია საერთაშორისო ურთიერთობების საბაკალურო პროგრამის სტუდენტებისა და საკითხით დაინტერესებული მკითხველისათვის.

თავი I.

საფრანგეთის პოლიტიკის ტრანსფორმაცია ინდო-ჩინეთის ძველების მიმართ XX საუკუნის 50-70-იან წლებში

ინდოჩინეთის ქვეყნები - ვიეტნამი, კამბოჯა და ლაოსი XIX საუკუნის ბოლოსა და XX საუკუნის დასაწყისიდან საფრანგეთის კოლონიები იყვნენ და მეორე მსოფლიო ომის დამთავრებამდე დარჩნენ ამ ქვეყნის გავლენის სფეროდ³. მეორე მსოფლიო ომის შემდეგ შექმნილმა პოლიტიკურმა ვითარებამ და ახალმა მსოფლიო წესრიგმა ინდოჩინეთის ქვეყნებში მძლავრი ბიჭვი მისცა ეროვნულ-განმათავისუფლებელ მოძრაობას, რომლის შედეგად რეგიონში ახალი სახელმწიფოები ჩამოყალიბდა. შექმნილ საერთაშორისო ვითარებაში საფრანგეთის ხელისუფლების მცდელობა შეენარჩუნებინა თავისი გავლენა ამ ქვეყნებში, საბოლოოდ კრახით დასრულდა, რადგან ამ რეგიონში საკუთარი გეოპოლიტიკური, სტრატეგიული და იდეოლოგიური ინტერესების განსახორციელებლად ძალ-ღონეს არ იშურებდა „კომუნისტური ჩინეთი“, რომელსაც ზურგს უმაგრებდა ასევე „კომუნისტური რუსეთის იმპერია-საბჭოთა კავშირი“. მეორე მსოფლიო ომში დახუსტებულ საფრანგეთს არ შეეძლო წინ აღდგომოდა ჩინეთისა და საბჭოთა კავშირის მზარდ პოლიტიკურ ინტერესებს, რაც

³ Керов В.Л. Французская колонизация островов Индийского океана: XVII-XVIII вв. М., 1990;

საბოლოოდ ინდონეზიაში კომუნიზმის იდეოლოგიის დანერგვა და ინდონეზიის საკუთარ გეოპოლიტიკურ და სტრატეგიულ დასაყრდენად გადაქცევას ისახავდა მიზნად.

XX საუკუნის 50-იანი წლებიდან მოყოლებული ვიდრე 70-იან წლებამდე საფრანგეთის საგარეო პოლიტიკური კურსი ინდონეზიის ქვეყნების მიმართ ევოლუციურად განვითარდა და დიდი ცვლილებები განიცადა. მიუხედავად იმისა, რომ საფრანგეთის ხელისუფლებისა და მისი პრეზიდენტის - შარლ დე გოლის⁴ ახალი პოლიტიკური კურსი საბოლოოდ მიმართული იყო რეგიონში საფრანგეთის პოლიტიკური გავლენის შენარჩუნებისაკენ, მასში მაინც აისახა ფრანგული პოლიტიკური კულტურისა და საზოგადოებრივი აზროვნების საოცარი დაწინაურებისა და განვითარების მაღალი დონე. შარლ დე გოლის ეპოქაში ფრანგულმა საზოგადოებრივ-პოლიტიკურმა აზრმა არაერთი მსგავსი პოლიტიკა შვა, რომელმაც ფრანგულ კოლონიებს თავისუფლება და განვითარების დამოუკიდებელი შესაძლებლობა მისცა.⁵

⁴ შარლ დე გოლი – შარლ დე გოლი (1895-1970) საფრანგეთის სამხედრო და სახელმწიფო მოღვაწე. საფრანგეთის პრეზიდენტი 1958-1969 წლებში

⁵ ამის კარგი მაგალითია ალჟირის საკითხი. იხილეთ: *ო. არდაშელია*, ალჟირის კრიზისი და შარლ დე გოლის პოლიტიკა, *ქთაეთის შვილის სახელობის საქართველოს საისტორიო საზოგადოება, აფხაზეთის ორგანიზაციის წელიწადი „საისტორიო ძიებანი“*, № VI, თბ. 2003. გვ. 283-296;

მეორე მსოფლიო ომის შემდეგ ჩამოყალიბდა ახალი მსოფლიო წესრიგი, რომელმაც შეცვალა საერთაშორისო ურთიერთობები და მნიშვნელოვანწილად შეცვალა მსოფლიო გეოპოლიტიკურ ძალთა ბალანსი. აღნიშნულმა მოვლენებმა დიდი კოლონიური სახელმწიფოები-საფრანგეთი, ინგლისი და სხვები აიძულა კოლონიების მიმართ გაეტარებინათ უფრო მოქნილი და შედარებით ღიბერალური პოლიტიკა, რომელიც საშუალებას მისცემდა მათ შეენარჩუნებინათ ეკონომიკური, კულტურული და პოლიტიკური გავლენა ამ ქვეყნებზე. საფრანგეთისა და ინგლისის პოლიტიკური ინტერესებიდან გამომდინარე, ამ ქვეყნების პოლიტიკურ წრეებში კოლონიების მიმართ შემუშავებული იქნა ახლებური პოლიტიკა, რომელიც საშუალებას მისცემდა მათ ამ ქვეყნებში აქტიურ პოლიტიკურ მოთამაშეებად დარჩენილიყვნენ.

XIX საუკუნის 60-იანი წლებიდან ინდონინეთის კოლონიზაციის საკითხს დიდი ადგილი ეკავა საფრანგეთის კოლონიურ პოლიტიკაში, ხოლო მას შემდეგ რაც ეს განხორციელდა, ფრანგული კაპიტალი მაქსიმალურად ცდილობდა ამ ქვეყნების ეკონომიკური რესურსების ათვისებას. რეგიონში საფრანგეთის მიერ გაზრდილი სამრეწველო კაპიტალის ხიდივე ნათლად მიუთითებდა ინდონინეთის ქვეყნების მნიშვნელობასა და როლზე სა-

ფრანგეთის ეკონომიკისთვის⁶. მეორე მსოფლიო ომის დროს საფრანგეთის დამარცხებამ და ვიშის მთავრობის⁷ მოღალატურმა მოქმედებამ საერთაშორისო არენაზე საფრანგეთის პოლიტიკური და მორალური პრესტიჟი შეარყია. ფრანგი პოლიტიკოსებისა და სამხედროების ნაწილმა ლონდონში შექმნა საფრანგეთის წინააღმდეგობის კომიტეტი, რომელიც დევნილი მთავრობის როლს ასრულებდა და რომლის სათავეში გენერალი შარლ დე გოლი იდგა. კოლონიების საკითხი ყოველთვის მნიშვნელოვანი იყო ფრანგი პოლიტიკოსებისათვის, მითუმეტეს ომის პირობებში, როდესაც დამარცხებული საფრანგეთი კოლონიების რესურსების იმედად დარჩა. შარლ დე გოლის არაერთხელ აღუნიშნავს, რომ საფრანგეთის კოლონიური იმპერიის შენარჩუნება „საშუალებას მისცემდა ფრანგებს გაეგრძელებინათ ომი გერმანიის წინააღმდეგ მოკავშირეებთან ერთად, რაც მათი ავტორიტეტის შენარჩუნებისათვის აუცილებელი იყო“ – მას ესმოდა, რომ კოლონიებში გაუღების შენარჩუნება მოითხოვდა საფრანგეთის კოლონიების სტატუსის შეცვლას და მათთვის მეტი შიდა ავტონომიის მინიჭებას. შარლ დე გოლის ეს მოხაზუბა აის-

⁶საყურადღებოა, რომ ინდოჩინეთის ქვეყნებში საფრანგეთის კაპიტალდაბანდებამ მეორე მსოფლიო ომის წინ 10 მილიარდი ფრანკი შეადგინა.

⁷ვიშის მთავრობა – საფრანგეთის მთავრობის სახელწოდება მეორე მსოფლიო ომის წლებში. სახელწოდება მიიღო საკურორტო ქალაქ ვიშის სახელის მიხედვით. წარმოადგენდა კოლაბორაციონალისტურ მთავრობას, რომელიც აქტიურად თანამშრომლობდა გერმანულ ოკუპანტებთან.

ახა ბრაზავილის⁸ 1944 წლის კონფერენციისა და საფრანგეთის დროებითი მთავრობის დეკლარაციაში 1945 წლის 24 მარტს⁹.

მეორე მსოფლიო ომმა დაასუსტა საფრანგეთის ეკონომიკური და სამხედრო პოტენციალი, რაც ამერიკის შეერთებული შტატებისათვის აღმოჩნდა საბაბი დღის წესრიგში დაეყენებინა საფრანგეთის კოლონიებზე თავისი კონტროლის დამყარების საკითხი. რუზველტის¹⁰ სიტყვებით, რომ ვთქვათ „საფრანგეთის ინდონინეთი - ეს ყველაზე ცუდად მართვადი ტერიტორიაა მთელ სამხრეთ-აღმოსავლეთ აზიაში“.¹¹ უფრო მეტიც ქაიროს 1943¹² წლის კონ-

⁸ ბრაზავილის კონფერენცია - ჩატარდა 1944 წლის იანვარ-თებერვალში ბრაზავილში, აფრიკის ფრანგული კოლონიების მონაწილეობით. კონფერენციამ გადაწყვეტილება მიიღო შეცვლილიყო ომის შემდეგ საფრანგეთის ხელისუფლების დამოკიდებულება კოლონიების მიმართ, ანუ მომხდარიყო იმპერიული პოლიტიკის რეფორმირება.

⁹ La France d'outre-mer (1930-1960): témoignages d'administrateurs et de magistrates. Paris, 2003; Арзакания, М. Де Голль и реформа государственного устройства Франции // Отечественные записки. - 2004. - № 2. - С. 409 - 417.

¹⁰ ფრანკლინ დელანო რუზველტი (1882-1945) - აშშ-ის 32-ე პრეზიდენტი 1933-45 წლებში. დემოკრატიული პარტიიდან. ის ერთადერთი ამერიკელი პრეზიდენტია, რომელიც ორ ვადაზე მეტად იქნა არჩეული პრეზიდენტად. დასახელებულია აშშ-ის სამ უდიდეს პრეზიდენტთა შორის. ითვლება თანამედრ + ოვე ამერიკული ღიბურალიზმის ფუძემდებლად დიდი დეპრესიის წლებში რუზველტმა შეიმუშავა ახალი პოლიტიკა, რომლის მიზანი იყო უმუშევართა დასაქმება, ქვეყნის ეკონომიკის აღდგენა და რეფორმები ეკონომიკაში. მან შეიმუშავა ქვეყნის უსაფრთხოების ახალი ხისტიკა, რომელსაც „უოლ სტრიტის რეგულაციას“ უწოდებენ. მეორე მსოფლიო ომის დროს „დიდი სამეულის“ ერთ-ერთი წევრი.

¹¹ Рузвельт Элиот. Его глазами. М. 1947. с. 78.

ფერენციის დროს რუსველტმა პრიატულ საუბარში ჩან კაი შისთან¹³ (ჩინეთის მაშინდელი პრეზიდენტი) განაცხადა, რომ „საფრანგეთი არ მიიღებს უფლებას დაბრუნდეს ინდოჩინეთში“. გარდა ამისა იმავე კონფერენციაზე ჩერჩილმა¹⁴ და რუსველტმა ჩან-კაი-შისთან მოილაპარაკეს, რომ ინდოჩინეთი მე-16 პარალელზე გაყოფოდა ჩინელებსა და ინგლისელებს შორის (მაშინდელი ჩინეთის გომინდანის მთავრობა მეორე მსოფლიო ომის დროს მოკავშირეების მხარეზე გამოდიოდა). მოგვიანებით პოტსდამის 1945 წლის კონფერენციაზე ამერიკელები და ინგლისელები სხვა საკითხებთან ერთად შეთანხმდნენ ინდოჩინეთის გაყოფაზე, მაგრამ ამ გეგმებს ასრულება არ ეწერა, რადგან

¹² ქაიროს 1943 წლის კონფერენცია - მეორე მსოფლიო ომის მსვლელობის დროს აშშ-ს პრეზიდენტი ფრანკლინ რუსველტი, ბრიტანეთის პრემიერ-მინისტრი უინსტონ ჩერჩილი, და ჩინეთის დიდური ჩან კაი ში შეხვდნენ ერთმანეთს ქაიროში, ეგვიპტეში, რათა განეხილათ იაპონიის წინააღმდეგ მიმართული სამხედრო ღონისძიებები.

¹³ ჩან კაი ში - 1887-1975 წწ. გომინდანის ადმინისტრაციის ხელმძღვანელი კუნძულ ტაივანზე, რომელიც 1949 წელს მთო ძე დუნმა ჩამოაგდო. გენერალისიმუსი გახდა 1928 წელს, რომელიც ჩინეთის გამაერთიანებელი ჩრდილოეთის დაშქრობისათვის მიიღო.

¹⁴ უინსტონ ჩერჩილი - სერ უინსტონ ლეონარდ სპენსერ ჩერჩილი (1874-1865) - ინგლისელი სახელმწიფო მოღვაწე, გაერთიანებული სამფოს პრემიერ მინისტრი 1940-1945 წლებსა და 1951-1955 წლებში; მეორე მსოფლიო ომის დროს იყო „დიდი სამეულის“ ერთ-ერთი წევრი. 1953 წელს გახდა ნობელის პრემიის ლაურეატი ლიტერატურის დარგში. ჩერჩილი გამოირჩეოდა ორატორიული ხელოვნებით.

ნრდილოეთ ვიეტნამის ლიდერმა ხო-ში-მინმა¹⁵ 1945 წლის 2 სექტემბერს ვიეტნამი დამოუკიდებელ სახელწიფოდ გამოაცხადა, უფრო ადრე იმავე წლის მარტში კამბოჯამ გამოაცხადა დამოუკიდებლობა, ხოლო 12 ოქტომბერს ჩამოგდებული იქნა ლაოსის მეფე, რომელიც ომის დროს იაპონელებთან თანამშრომლობდა. ასე, რომ ინდოჩინეთის ქვეყნებმა კარგად ისარგებლეს იმ პოლიტიკური მომენტით, რომელიც ამ დროს შეიქმნა: მეორე მსოფლიო ომში იაპონელების დამარცხებითა და საფრანგეთის უკიდურესი დასუსტებით.

საფრანგეთის მცდელობა მეორე მსოფლიო ომის შემდეგ აღედგინა თავისი კოლონიური მმართველობა ინდოჩინეთში ომის დამთავრებისთანავე გამოჩნდა, რადგან ფრანგებმა 1945 წლის 6 სექტემბერს სამხრეთ ვიეტნამში საომარი მოქმედებები ქ. საიგონში დაიწყეს (საიგონი სამხრეთ ვიეტნამის ეკონომიკური და პოლიტიკური ცენტრი იყო), ვიეტნამელების მიერ შექმნილი ადგილობრივი ხელისუფლება დაამხეს და დროებითი რეჟიმი შექმნეს. საფრანგეთის ხელისუფლება აცხადებდა, რომ მათ მიერ განხორციელებული აქციის საბაბი იყო იაპონელების საჯარისო ნაწილების განიარაღება, რომლებიც ჯერ კიდევ

¹⁵ხო-ში-მინი (1890 19. 05. – 1969 3. 09.) – ვიეტნამის სახელმწიფო და პოლიტიკური მღვდელმთავარი. ნამდვილი სახელი და გვარი ხგუენ ტატ თანი. ვიეტნამის დემოკრატიული რესპუბლიკის (ნრ. ვიეტნამის) პრეზიდენტი 1946-1969 წლებში. პარადღელურად პრემიერ-მინისტრი 1946-1955 წლებში.

იმყოფებოდნენ სამხრეთ ვიეტნამში. საგულისხმოა ის ფაქტი, რომ თვით საფრანგეთის მმართველ წრეებში არ არსებობდა ერთიანი აზრი ინდოჩინეთის პრობლემების მოსაგვარებლად. მაგალითად, საფრანგეთის წარმომადგენელი ვიეტნამში სენტინი თავის მოხსენებებში მთავრობის წევრების წინაშე პირდაპირ აღნიშნავდა, რომ „საჭიროა მოლაპარაკება ადგილობრივ პოლიტიკურ ძალებთან, რომელთა გარეშეც ვერაფერი ვერ გადაწყდება“ სამწუხაროდ, მისი ეს მოსაზრება მაშინ არ გაიზიარეს. ფაქტობრივად, ვიეტნამის ომის ფრანგული პერიოდი იწყება 1946 წლის 23 ნოემბერს, როდესაც ფრანგებმა ცეცხლი გაუხსნეს ქ. ჰაიფონს და შეეცადნენ მის ხელში ჩაგდებას¹⁶.

როგორც ზემოთ აღვნიშნეთ ამ პერიოდის სამხრეთ – აღმოსავლეთ აზიის პოლიტიკური მდგომარეობის შეფასება წარმოუდგენელია ჩინეთის გარეშე, რადგან XX საუკუნის 40-იან წლებში ინდოჩინეთის გეოპოლიტიკურ არეალში ჩამოყალიბდა მძლავრი, ახალი ტიპის იდეოლოგიის მატარებელი სახელმწიფო, ჩინეთის სახალხო რესპუბლიკა,

¹⁶ჯერ კიდევ 1945 წლის ოქტომბერში ინდოჩინეთში ფრანგებმა გადასხეს შეარადებული ძალები და შექდეს ღაოსის, კამბოჯისა და სამხრეთ ვიეტნამის დაკავება. ფრანგებმა მოლაპარაკება სცადეს ჩრდილოეთ ვიეტნამის კომუნისტ ლიდერთან ხო ში მინთან და მას გუბერნატორობას დაპირდნენ, მაგრამ ხო ში მინმა უარი განაცხადა. 1946 წელს ფრანგებმა ჩრდილოეთ ვიეტნამის ქალაქ ჰაიფონში დესანტი გადასხეს და აიღეს ჰაიფონი, პანოი და სხვა ქალაქები. 1950 წელს ხო ში მინის ხელისუფლება სცნო ჩინეთმა და საბჭოთა კავშირმა, რამაც კიდევ უფრო გაართულა საფრანგეთის მდგომარეობა.

31131

რომელიც საბჭოთა კავშირთან ერთად ცდილობდა თავისი ქვეყნის დამყარებას აზიის მთელ კონტინენტზე. სწორედ ამით აიხსნება ამერიკელების ჩარევა ინდოჩინეთის საქმეებში, რადგან ისინი კარგად ხედავდნენ, რომ საფრანგეთს არ ძალუძდა აღდგომოდა წინ იმ საფრთხეს, რომელიც კომუნისტური ჩინეთიდან მოდიოდა. იმ პერიოდის ცნობილი მკვლევარი ა. გროსერი წერდა, რომ „1950 წლიდან ინდოჩინეთის ომი გახდა ელემენტი მსოფლიო დაპირისპირებისა და ამერიკელთა ჩარევა გამოწვეული იყო მათი ანტიკომუნისტური შეხედულებებით.¹⁷“

1946-1954 წლებში საფრანგეთის სამხედრო - ექსპედიციური კორპუსის მოქმედება ინდოჩინეთის ნახევარკუნძულზე სრული კრახით დასრულდა, რადგან არც ფინანსური და არც სამხედრო თვალსაზრისით ფრანგებს არ გააჩნდათ ის რესურსები, რომელიც მათ გამარჯვებამდე მიიყვანდა. ამას დამატა საფრანგეთში არსებული დაძაბული შიდაპოლიტიკური ვითარება, რომელიც საშუალებას არ აძლევდა მას უფრო აქტიური ღონისძიებები განეხორციელებინა ინდოჩინეთის ქვეყნების მიმართ. 1951 წელს ინდოჩინეთში ფრანგულ არმიას ხელმძღვანელობდა ფრანგი გენერალი ჟან მარი დე ლატრ დე ტასინი¹⁸. მან შექმნა თავდაცითი ხაზი

¹⁷ Черкасов П. П. Франция и Индокитай. М. 1976. с. 123.

¹⁸ ჟან ტასინი - ჟან ჟოზეფ მარი გაბრიელ დე ლატრ დე ტასინი ფრანგი მხედართმთავარი, არმიის გენერალი. მონაწილეობდა პირველ და მეორე მსოფლიო ომებში, იბრძოდა გერმანელების წინააღმდეგ, მაგრამ საფრანგეთის დაკავების შემდეგ გერმანელებმა დააკავეს და 10 წლის პატიმრობა მიუხაჯეს. 1943 წელს

პანოსა და წითელი მდინარის დელტის დასაცავად, მობილური რაზმები პარტიზანების წინააღმდეგ საბრძოლველად და ა.შ. დე ლატრის მიერ განხორციელებულმა ღწიხიებებმა ფრანგებს წარმატებები მოუტანა, მაგრამ 1951 წლის შემოდგომაზე ფრანგი გენერალი დააუადდა და ინდოჩინეთი დატოვა. ორი თვის შემდეგ იგი გარდაიცვალა და მისი ადგილი ინდოჩინეთში დაიკავა რაულ სალანმა.¹⁹, რომელმაც შეძლო გაემაგრებინა ფრანგული არმიის პოზიციები ინდოჩინეთში. ინდოჩინეთის ომი ფრანგულ საზოგადოებაში ძალზე არაპოპულარული იყო.

აშშ ხედავდა, რომ საფრანგეთი უძლური იყო შეეჩერებინა „კომუნისტური საფრთხე“ ინდოჩინეთის ნახევარკუნძულზე, სწორედ, ამ მომენტიდან იწყება

ციხიდან გაიქცა და მონაწილეობდა წინააღმდეგობის მოძრაობაში. შარლ დე გოლის თანამებრძოლი. იყო პირველი ფრანგული არმიის სულისჩამდგმელი, რომელმაც მოკავშირების არმიებს შორის პირველმა გადაღახა რეინი. 1945 წლის 8 მაისს საფრანგეთის სახელით ხელი მოაწერა გერმანიის კაპიტულაციის აქტს. 1952 წელს, სიკვდილის შემდეგ მიენიჭა საფრანგეთის მარშალის ტიტული.

¹⁹რაულ სალანი - რაულ ალბინ დუი სალანი (1899-1984) – ფრანგი მხედართმთავარი. არმიის გენერალი, მონაწილეობდა პირველ და მეორე მსოფლიო ომებში. ხელმძღვანელობდა ფრანგულ არმიას ინდოჩინეთსა (1952 – 1953 წწ) და ალჟირში. შექმნა იატაკქვეშა ტერორისტული ორგანიზაცია, რომლის მიზანი იყო არ დაეშვა ალჟირის ჩამოშორება საფრანგეთისაგან. 1962 წელს გაასამართლეს და ჩამუდამო პატიმრობა მოუხაჯეს. დღესაც დიდი პოპულარობით სარგებლობის ფრანგებს შორის, რომლებმაც მის საპატივცემულოდ „რაულ სალანის შეგობართა ასოციაცია“ შექმნეს. იხილეთ: ო. არდაშელია, ალჟირის კრიზისი და შარლ დე გოლის პოლიტიკა, წელიწადუული „სახისტორიო ძიებანი, თბ. 2003. № 6. გვ. 183-195

ამერიკელების აქტიური ჩარევა ინდონეზიის ქვეყნების საქმეებში.

აშშ-ს ჩარევა ინდონეზიის ქვეყნების საქმეებში განპირობებული იყო რამდენიმე მიზეზით: 1. ამერიკის შეერთებული შტატები ცდილობდა თვითონ დამკვიდრებულიყო ამ რეგიონში; 2. კომუნისტური იდეოლოგიის დამკვიდრება ჩინეთში საფრთხეს უქმნიდა აშშ-ს ინტერესებს მთელი წყნარი ოკეანის ქვეყნების აუზში, მათ შორის ინდონეზოში; 3. აშშ-ს მიერ ინდონეზიის ქვეყნებში აქტიური კონფრონტაციის დაწყება გამოწვეული იყო „კომუნიზმის შეკავების“ დოქტრინის²⁰ შემუშავებით, რომლის თანახმად (ტრუმენისეული დოქტრინა) კომუნიზმის შეკავება უნდა მომხდარიყო მთელი მსოფლიოს მასშტაბით; 4. მსოფლიო ომის შემდეგ აშშ გახდა მეორე სუპერსახელმწიფო, რომელმაც, თავის მოკავშირეებთან ერთად, თავის თავზე აიღო ახალი გეოპოლიტიკური წესრიგის დამყარების პასუხისმგებლობა. ამ ნაბიჯისკენ ამერიკელებს მეორე მსოფლიო ომის შემდეგ ევროპის სახელმწიფოებში შექმნილმა პოლიტიკურმა სურათმა უბიძგა. ისინი ხელავდნენ, რომ მეორე მსოფლიო ომგადახდილ „ძველ“ ევროპულ „იმპერიებს“ (საფრანგეთი, ინგლისი) თავიანთი ეკონომი-

²⁰ კომუნიზმის შეკავების დოქტრინა – ამერიკის შეერთებული შტატების პოლიტიკის წარმართველი პრინციპი მეორე მსოფლიო ომის შემდეგ, რომელიც მიმართული იყო საბჭოთა კავშირისა და მისი იდეოლოგიის გავლენის გავრცელების წინააღმდეგ. 1947 წლის მარტში აშშ-ს პრეზიდენტმა კარლ ტრუმენმა "შეკავების დოქტრინა" გამოაცხადა.

ური და პოლიტიკური მდგომარეობიდან გამომდინარე, უკვე არ შეუძლოთ სუპერსახელმწიფოს როლის თამაში²¹.

საფრანგეთის მარცხი ინდოჩინეთში გამოწვეული იყო იმითაც, რომ ფრანგებს, ამერიკელებთან შედარებით, განსხვავებული ხედვა ჰქონდათ ინდოჩინეთის ქვეყნების სტატუსზე. საფრანგეთი მზად იყო მიეცა მათთვის შეზღუდული სუვერენიტეტი ე. წ. ინდოჩინეთის კავშირის შემადგენლობაში,²² მაშინ როდესაც ამერიკელები მოითხოვდნენ მათთვის სრული სუვერენიტეტის გადაცემას იმ პირობით, რომ ამ ქვეყნებში მოვიდოდნენ პროამერიკულად განწყობილი პოლიტიკური ძალები.

საფრანგეთის მცდელობა სამხედრო მეთოდებით გადაეწყვიტა ინდოჩინეთის საკითხი დიენფიბუში დასამარდა, როდესაც 1954 წლის 7 მაისს ვიეტნამის ჯარებმა სამთვიანი აღყის შემდეგ გენერალ ზიაპის მეთაურობით გაანადგურეს საფრანგეთის ექსპედიციური კორპუსი, რამაც უდიდესი როლი ითამაშა ომის დამთავრებაში²³.

ინდოჩინეთის საკითხი არ იყო მოწვევტილი იმ პოლიტიკური მოვლენებს, რომლის ეპიცენტრი შორეული აღმოსავლეთი იყო. ინდოჩინეთისა და კორეის 1950-1953

²¹ Parker L.K. French colonies in the Americas. New York, 2003

²² ინდოჩინეთის კავშირი – საფრანგეთის კოლონიების გაერთიანება XX ს დასაწისში. საფრანგეთის კონსტიტუციის მიხედვით (III–IV რესპუბლიკის პერიოდში) ამ კავშირში შემაჯავდ კოლონიებს ჰქონდათ შინაგანი ავტონომია

²³ Новейшая история Франции. М. 1989. с. 6

წლების მოვლენები ქვეყნის 1954 წლის კონფერენციის²⁴ მსჯელობის საგანი გახდა, სადაც დაინტერესებული მხარეები ცდილობდნენ გადაეწყვიტათ ის საკითხები, რომელიც მსოფლიო საზოგადოებას ინდოჩინეთთან მიმართებაში, აფელეკებდა.

ქვეყნის კონფერენციაზე მონაწილეობდა დიდი ბრიტანეთის, სსრკ-ს, საფრანგეთისა და ჩინეთის სახალხო რესპუბლიკის საგარეო საქმეთა მინისტრები, რომლებმაც განიხილეს კორეასა და ინდოჩინეთში მშვიდობის საკითხები. კორეის საკითხის განხილვისას კონფერენციაზე აგრეთვე დაშვებული იქნენ კორეის სახალხო დემოკრატიული რესპუბლიკა, სამხრეთ კორეა და კორეაში გაეროს ეგიდით ჩატარებული ოპერაციის მონაწილე 12 ქვეყანა. მართალია კორეის საკითხთან დაკავშირებით კონფერენციაზე შეთანხმება არ იქნა მიღებული, მაგრამ შედარებით უფრო წარმატებულად მიმდინარეობდა ინდოჩინეთის საკითხის განხილვა, რომელშიც მონაწილეობის უფლება მიეცათ აგრეთვე ვიეტნამის დემოკრატიულ რე-

²⁴ ქვეყნის კონფერენცია – გაიმართა 1954 წლის 16 აპრილიდან 1954 წლის 21 ივლისის ჩათვლით. აშშ-ს, დიდი ბრიტანეთის, სსრკ-ს, საფრანგეთისა და ჩინეთის სახალხო რესპუბლიკის საგარეო საქმეთა მინისტრების მონაწილეობით. მოწვეული იქნა ბერლინის თათბირის გადაწყვეტილების თანახმად, კორეასა და ინდოჩინეთში მშვიდობის საკითხების განსახილველად. კორეის საკითხის განხილვისას კონფერენციაზე დაშვებული იქნა კსდრ, სამხრეთ კორეა და კორეაში გაეროს ეგიდით ჩატარებული ოპერაციის მონაწილე 12 ქვეყანა: ავსტრალია, ახალი ზელანდია, ბელგია, ეთიოპია, თურქეთი, კანადა, კოლუმბია, ლუქსემბურგი, ფილიპინების, ნიდერლანდი, საბრძნეთი, ტაილანდი.

საუბლიკას, სამხრეთ ვიეტნამს, ლაოსს და კამბოჯას. 20-21 ივლისს ხელმოწერილი იქნა შეთანხმებები, რომლებმაც ბოლო მოუღეს ვიეტნამში, ლაოსსა და კამბოჯაში მიმდინარე ომს. ფრანგული დელეგაცია, რომელსაც მენდეს ფრანსი²⁵ ხელმძღვანელობდა იძულებული გახდა მთელ რიგ დათმობებზე წასულიყო. საფრანგეთმა ვალდებულება აიღო უცნო ვიეტნამის, ლაოსისა და კამბოჯის დამოუკიდებლობა, სუვერენიტეტი, ერთიანობა და ტერიტორიული მთლიანობა. ვიეტნამში საომარი მოქმედებების შეწყვეტის შესახებ მიღწეული შეთანხმების თანახმად დაწესდა დროებითი სადერმაკაციო ხაზი მე-17 პარალელის მახლობლად და განსაზღვრული იქნა მეომარ მხარეთა ძალების ამ ხაზიდან გაყვანის ვადები.

ლაოსისა და კამბოჯის თაობაზე ხელმოწერილი ანალოგიური შეთანხმების თანახმად ამ ქვეყნების ტერიტორიები უნდა დაეტოვებინათ საფრანგეთის კავშირის ძალებსა და ვიეტნამელთა შენაერთებს, ხოლო ეროვნულ-განმათავისუფლებელი მოძრაობის პატრეტ-ლაოს წინააღმდეგობის ძალები უნდა გაეყვანათ. ლაოსისა და კამბოჯის

²⁵ მენდეს ფრანსი - ფრანგი მემარცხენე - ცენტრისტი. დაიბადა 1907 წლის 11 იანვარს პარიზში, გარდაიცვალა 1982 წლის 18 ოქტომბერს პარიზში. მენდეს ფრანსს ეკავა მნიშვნელოვანი სახელმწიფო პოსტები მესამე და მეოთხე რესპუბლიკის დროს. იგი იყო რადიკალთა პარტიის წევრი, შესაბამისად, 1954 წელს საფრანგეთის მინისტრთა კაბინეტის ლიდერი გახდა. მან სამშვიდობო ხელშეკრულება ინდოჩინეთთან დადო და დაიწყო პროცესი მაროკოსა და ალჟირის დამოუკიდებლობის ცნობისათვის.

ტერიტორიაზე აიკრძალა სხვა სახელმწიფოთა სამხედრო ბაზების შექმნა, საკუთრივ ეს სახელმწიფოები კი არ უნდა შესულიყვნენ რომელიმე სამხედრო ბლოკში²⁶.

სამხედრო საკითხების განხილვის გარდა, უნევეაში მიღწეული იქნა შეთანხმებები ლაოსის, ვიეტნამისა და კამბოჯის პოლიტიკური მოწყობის შესახებ. გადწედა, რომ 1955 წელს ლაოსსა და კამბოჯაში, ხოლო 1956 წელს ვიეტნამში ჩატარდებოდა საყოველთაო თავისუფალი არჩევნები ინდოჩინეთის სახელმწიფოების დამოუკიდებლობის, სუვერენიტეტის, ტერიტორიული მთლიანობისა და საშინაო საქმეებში ჩაურევლობის პრინციპების საფუძველზე. ინდოჩინეთის საკითხზე მიღწეული შეთანხმებების პირობების შესრულებაზე კონტროლის გასაწევად უნევის კონფერენციაზე შეიქმნა საერთაშორისო კომისია ინდოეთის (თავმჯდომარე), კანადისა და პოლონეთის წარმომადგენლების შემადგენლობით.

აღსანიშნავია ის ფაქტი, რომ უნევის კონფერენციის მიერ მიღებული სამხედრო მუხლები ვიეტნამში საომარი მოქმედებების შეწყვეტის შესახებ განსაზღვრულ დროში განხორციელდა. 1955-1957 წლებში შესრულდა ლაოსისა და კამბოჯის პოლიტიკური მოწყობის საკითხებიც. მაგრამ ვიეტნამში არჩევნების ჩატარება შეუძლებელი აღმოჩნდა, რადგან ქვეყნის შიგნით არსებობდა დიდი პოლიტიკური

²⁶ Лякс М. Женевские соглашения 1954 г. об Индокитае, М. 1956, с. 23, 24

დაპირისპირება. ვუტანამი ფაქტობრივად ორ დიდ ბანაკად იქცა. ერთი ბანაკის უკან საბჭოთა კავშირი და ჩინეთი იდგნენ, ხოლო მეორე ბანაკს მხარს უჭერდა ამერიკის შეერთებული შტატები.

ფაქტობრივად, ვენევის შეთანხმებამ საფრანგეთი აიძულა დაეტოვებინა ინდოჩინეთის ნახევარკუნძული, მაგრამ ეს მოვლენა განპირობებული იყო არა მარტო საერთაშორისო ძალების ზემოქმედებით, არამედ საფრანგეთის შიდა პოლიტიკური ვითარებით. XX საუკუნის 50-იანი წლებიდან აღვირმა დაიწყო ბრძოლა საფრანგეთის კოლონიური რეჟიმის წინააღმდეგ²⁷. ბუნებრივია, საფრანგეთის ხელისუფლებას არც სამხედრო და არც პოლიტიკური რესურსები გააჩნდა ერთდოულად მოეკვარებინა ინდოჩინეთისა და აღვირის პოლიტიკური კრიზისები.

ვენევის შეთანხმებით არ დამთავრებულა ინდოჩინეთის საკითხი XX საუკუნის საერთაშორისო ურთიერთობებში. XX საუკუნის 50-იანი წლების მიწურულს ინდოჩინეთის ქვეყნების ისტორიაში დაიწყო პოლიტიკური ბრძოლის ახალი ეტაპი, როდესაც ამერიკის შეერთებულმა შტატებმა, თავისი გეოსტრატეგიული მიზნებიდან გამომდინარე „კომუნიზმის შეკაეების“ დოქტრინის განხორციელება დაიწყო. როგორც ზემოთ აღვნიშნეთ ეს დოქტრინა ითვალისწინებდა კომუნიზმის საფრთხისაგან დაეცვა ინდო-

²⁷ აღნიშნულ საკითხზე იხილეთ: ო. არდაშელია, აღვირის კრიზისი და შარლ დე გოლის პოლიტიკა, გვ. 283-295.

ჩინეთის ქვეყნები. აღნიშნული საფრთხე პირველ რიგში მომდინარეობდა ჩინეთის სახალხო რესპუბლიკისა და საბჭოთა კავშირისაგან. ჩინეთს, ბუნებრივია, საკუთარი გეოსტრატეგიული ინტერესები გააჩნდა ამ რეგიონში, რასაც თვალნათლივ ხედავდა აშშ-ს დიპლომატია და ცდილობდა წინ აღდგომოდა ჩინეთისა და სსრკ-ს პოლიტიკას სამხრეთ-აღმოსავლეთ აზიის ქვეყნებში.

სამხრეთ-აღმოსავლეთ აზიაში შექმნილი ახალი პოლიტიკური ვითარების საფუძველზე საფრანგეთის ხელისუფლებამ გენერალ შარლ დე გოლის ხელმძღვანელობით შეიმუშავა საფრანგეთის ახალი საგარეო პოლიტიკა, რომელიც ძირითადად საფრანგეთის ყოფილი კოლონიების მიმართ განხორციელდა.

საფრანგეთი ნატოს წევრის სახელმწიფო იყო და დამოკიდებული იყო აშშ-ს ფინანსურ დახმარებაზე, იძულებული იყო თავის პოზიციები შეეთანხმებინა აშშ-თვის, რაც შარლ დე გოლის აზრით აკნინებდა საფრანგეთის სუვერენიტეტს და ხდიდა მას მეორეხარისხოვან სახელმწიფოდ ევროპაში. საფრანგეთის წინაშე იდგა მძიმე ეკონომიური საკითხებიც, რაც საშუალებას არ აძლევდა მას აქტიური მონაწილეობა ეუფილიყო მსოფლიო პოლიტიკურ არენაზე. ამ ვითარების გათვალისწინებით შარლ დე გოლმა საგარეო პოლიტიკის მთვარი აქცენტები გადაიტანა ე. წ. მესამე

ქვეყნებზე²⁸. საფრანგეთის ახალი პოლიტიკა ინდოჩინეთში მისი აზრით უნდა ყოფილიყო მოქნილი და ეფექტური. რა იყო ამ პოლიტიკის ძირითადი აზრი? იმ გარემოებიდან გამომდინარე, რომ ინდოჩინეთის ქვეყნებს საფრანგეთთან ურთიერთობის ასწლიანი ისტორია ჰქონდათ და ფრანგები კარგად იცნობდნენ იქაურ პოლიტიკურ ვითარებას, საჭირო იყო ინდივიდუალური მიდგომა ყველა პრობლემური საკითხისადმი. საფრანგეთისათვის მნიშვნელოვანი იყო დაეხმებინა ყოფილი კოლონიური ქვეყნებისთვის, რომ საფრანგეთის ხელისუფლება ცდილობდა ადგილობრივ ხელისუფლებასთან ერთად გადაეწყვიტა ის პოლიტიკური პრობლემები, რომელიც მათთვის აქტუალური იყო. ინდოჩინეთის პრობლემა არ იყო მარტო რომელიმე ერთი სახელმწიფოს, ან ცალკეული სახელმწიფოების პრობლემა, ის იქცა იმ დროისთვის გლობალურ პრობლემად, რომელშიც კონცენტრირებული იყო ყველა ის ეკონომიური, პოლიტიკური და იდეოლოგიური ცვლილებები, რომელიც მოხდა ინდოჩინეთის ქვეყნებში მეორე მსოფლიო ომის შემდეგ.

XX საუკუნის 50-იან წლებში ინდოჩინეთიდან საფრანგეთის წასვლა არ ნიშნავდა იმას, რომ ის არ შეეცდებოდა კვლავ დაბრუნებულიყო ამ რეგიონში. საფრანგეთის

²⁸ ეს იყო საფრანგეთის საგარეო პოლიტიკის ერთ-ერთი ძირითადი მიმართულება. შარლ დე გოლს ჰქონდა თავისი ხედვა და მიმართულება ევროპული პრობლემებისადმი, რომელიც მან განახორციელა და რომელიც მიზნად ისახავდა საფრანგეთის სუვერენიტეტის ამადლებას.

მაშინდელი პოლიტიკა გათვლილი იყო ინდოჩინეთის ქვეყნებში შეესუსტებინა აშშ-ის გავლენა, რომელსაც ის მონოპოლიურად განაგებდა 60-იანი წლების დასაწყისიდან. როდესაც შარლ დე გოლს აშშ-ს პრეზიდენტმა ჯონ კენედიმ²⁹ 1961 წელს ვაშინგტონში შეხვედრისას გაანდო, რომ ამერიკელები იწყებდნენ ფართომასშტაბიან სამხედრო მოქმედებას ვიეტნამში მას უპასუხა, რომ თქვენი ასეთი მოქმედება არაფერს არ მოიტანს, რადგან შეუძლებელია გაღვივებული ერების შეკავება რომლებიც იბრძვიან დამოუკიდებლობისათვის...³⁰.

როგორც ზემოთ აღვნიშნეთ, საფრანგეთის ახალი პოლიტიკა ინდოჩინეთში გამოისატებოდა მის „ნეიტრალიზაციაში“, ანუ მისგან იმ ქვეყნების ჩამოშორებას, რომლებიც სამომავლოდ არ გახდებოდნენ ახალი პოლიტიკური პრობლემის მიზეზი³¹. საფრანგეთის პოლიტიკის ახალი ხედვა ინდოჩინეთისადმი შარლ დე გოლმა ჩამოაყალიბა ვიეტნამის პრეზიდენტის ხო-ში-მინისადმი გაგზავნილ წერილში და 1966 წლის 13 აპრილს ლაოსის მეფესთან შეხვედრის დროს პარიზში. ვიეტნამის გაერთიანების შემდეგ დე გოლი აქცენტს აკეთებდა მის ნეიტრალურ სახელმწი-

²⁹ ჯონ ფიცჯერალდ კენედი - დაიბადა 1917 წლის 29 მაისს გარდაიცვალა 1963 წლის 22 ნოემბერს. აშშ-ს 35-ე პრეზიდენტი 1961-1963 წლებში. აშშ-ს ყველაზე ახალგაზრდა და ურთადერთი კათოლიკე პრეზიდენტი.

³⁰ Голль Шарль Де . мемуары М. 1972. с.

³¹ ჩვენი აზრით ასეთი ხედვა ცოტა არ იყოს იდეალისტური იყო, მაგრამ იმ დროისთვის საკმაოდ ნოვატორული, რომელმაც დადებითი როლი ითამაშა ვიეტნამის ომის დასთავრებაში.

ყოდ გამოცხადებაზე და საერთოდ ინდოჩინეთის ქვეყნების ნეიტრალიტეტზე (პრობლემის არსიც სწორედ ამაში იყო, რომ იმ შემთხვევაში თუ აშშ წავიდოდა ინდოჩინეთიდან ვინ შეავსებდა ამ ვაკუუმს? რა იდეოლოგიის და პოლიტიკური კურსის მატარებლები იქნებოდნენ ეს ქვეყნები? და ა.შ. ანუ არსებობდა დიდი საფრთხე, რომ ეს ვაკუუმი „კომუნისტურ“ ჩინეთსა და საბჭოთა კავშირს ამოეცხოთ). საფრანგეთი ამ საკითხების გადაწყვეტაში აქტიური შეამავალის როლს კისრულობდა. ერთის მხრივ ასეთი ამპლუა საშუალებას აძლევდა უფრო აქტიური გამხდარიყო მისი როლი საერთაშორისო პრობლემების მოწესრიგებაში და მეორე მხრივ რამდენადაც ეს შესაძლებელი იყო შეემცირებინა გავლენიანი სახელწიფოების როლი³². იმისათვის რომ საფრანგეთს შეესრულებინა თავისი მისია კონფლიქტის მოგაგარების საქმეში საჭირო იყო აქტიური პოზიცია, რომელიც გამოიხატებოდა აშშ-ს კრიტიკით, რაც ბუნებრივია არ მოსწონდათ ამერიკელებს. 60-იანი წლების ბოლოს ნათელი გახდა, რომ აშშ ვერ შეინარჩუნებდა თავის პოზიციას ინდოჩინეთში და რომ მასაც სჭირდებოდა შეამავალი დიპლომატიური ზონდაკისთვის დაინტერესებულ მხარეებთან (პირველ რიგში ჩრდილოეთ ვიეტნამთან) თუ ადრე ამერიკის შეერთებულ შტატებში საფრანგეთს აკ-

³² ინდოჩინეთის ქვეყნებიდან ორი მონარქია იყო კამბოჯა და ლაოსი, რომლებიც საფრანგეთს აღიქვამდნენ, როგორ მოკავშირეს პრობლემის მოგაგარების საქმეში. გახათვალისწინებელია ისიც, რომ საფრანგეთს იმ დროისთვის თავისი ეკონომიკური ინტერესები გააჩნდა ამ ქვეყნებში.

რიტიკებდნენ ინდოჩინეთში მისი პოლიტიკის გამო (40-50-იანი წლები), ახლა უკვე საფრანგეთი იყო ამ ამპლუაში. საფრანგეთის ასეთმა პოზიციამ გაზარდა მისი ავტორიტეტი კონფლიქტის მოგვარების საქმეში და კრიზისის სრულფასოვანი მონაწილე გახდა.

შარლ დე გოლის გადადგომის შემდეგ, საფრანგეთის მომდევნო პრეზიდენტებმა ჟორჟ პომპიდუმ და ჟისკარ დე სტენმა შეინარჩუნეს შარლ დე გოლის მიერ შემუშავებული პოლიტიკა საფრანგეთის ყოფილი მეტროპოლიების მიმართ, მაგრამ ტაქტიკური მოსახრებებიდან გამომდინარე აშშ-ს კრიტიკა ნაკლები ინტენსივობით გამოიჩნეოდა, თუმცა ეს გასაგებიც იყო. ნიქსონის ახალი პოლიტიკა ითვალისწინებდა აშშ-ს ვიეტნამიდან წასვლას, რაც გამოწვეული იყო მისი არაპოპულარობით ამ რეგიონში. ასეთ შემთხვევაში საფრანგეთმა თავის თავზე აიღო არამარტო ინდოჩინეთის ქვეყნებთან, არამედ ჩინეთთან ურთიერთობების მოწესრიგება, რათა მოემზადებინა ნიადაგი აშშ-ჩინეთის ურთიერთობების აღდგენისათვის, რომელიც საბოლოოდ ორ ქვეყანას შორის დიპლომატიური ურთიერთობების აღდგენით დასრულდა.

საფრანგეთის შუამავლობამ თავის ნაყოფი გამოიღო და მიღწეული იქნა კომპრომისული ფორმულა ცეცხლის შეწყვეტის შესახებ ვიეტნამში. ხელშეკრულება დაიდო 1973 წლის 27 იანვარს პარიზში. მაშინდელი საფრანგეთის საგარეო საქმეთა მინისტრის შუმანის თქმით: ეს საფრანგეთისთვის მეტად მნიშვნელოვანი იყო, რადგან კონ-

ფლიქტის მოგვარების საქმეში გარკვეული წვლილი საფრანგეთსაც მიუძღვის³³. პარიზის ხელშეკრულებამ ფრანგულ დიპლომატიას საბოლოოდ გაუხსნა ხელ-ფეხი ინდოჩინეთის რეგიონში. პირველი რაც გააკეთა საფრანგეთმა იყო დიპლომატიური ურთიერთობების სრული აღდგენა ჩრდილოეთ ვიეტნამთან და სამხრეთ ვიეტნამთან. დამყარდა კონტაქტები სამხრეთ ვიეტნამში მოქმედ პარტიზანულ მოძრაობასთან (რომლის უკან ჩრდილოეთ ვიეტნამი იდგა). სამხრეთ ვიეტნამის საკითხი მნიშვნელოვანი იყო ფრანგებისთვის, რადგან ფრანგებს სწორედ აქ კქონდათ ყველაზე მეტო ეკონომიური ინტერესები. პარიზის შეთანხმება სცნობდა ორივე ვიეტნამის არსებობას (ეს აშშ მოთხოვნა იყო), მაგრამ რანდენად იყო საიგონის რეჟიმი მყარი ეს მხოლოდ დროის საქმე იყო. ორი წლის შემდეგ, 1975 წელს, საიგონი დაეცა და ვიეტნამი გაერთიანდა. ერთის მხრივ, ეს იყო ქვეყნის განვითარების კანონზომიერება, რაც ვიეტნამში მიმდინარე 30 წლიან ომს უნდა მოჰყოლოდა. ხოლო მეორე მხრივ სამრეთ-აღმოსავლეთ აზიის ქვეყნებში აშშ-ს გავლენა საგრძნობლად შესუსტდა. აღნიშნული მოვლენების საფუძველზე, საფრანგეთმა შეძლო გარკვეული გავლენის შენარჩუნება ინდოჩინეთის ქვეყნებში, რაც შარლ დე გოლის ახალი საგარეო პოლიტიკური კურსის ნაყოფი იყო.

ამრიგად, საფრანგეთის პოლიტიკა ინდოჩინეთის ქვეყნების მიმართ XX საუკუნის 50-70-იან წლებში ცვალებადი და ევოლუციური ხასიათისა იყო. თუ მეორე მსოფ-

³³ ციტი აღებულია: www.francaices.doc.org

ლიო ომამდე და მეორე მსოფლიო ომის მიმდინარეობის დროს ფრანგული პოლიტიკა მკაცრი და დაუნდობელი იყო თავისი კოლონიების მიმართ ინდონინეთის ქვეყნებში, მეორე მსოფლიო ომის შემდეგ საფრანგეთმა ვერ შეძლო თავისი პოლიტიკური გავლენის შენარჩუნება ამ რეგიონში, რაც ნაწილობრივ გამოწვეული იყო სამხრეთ აღმოსავლეთ აზიაში სხვა ქვეყნების გეოსტრატეგიული ინტერესების გათვალისწინებითა და თავად საფრანგეთის დასუსტებით. ფაქტობრივად მეორე მსოფლიო ომიდან საფრანგეთი პოლიტიკურად და სამხედრო-ეკონომიკური თვალსაზრისით დასუსტებული გამოვიდა. ასეთ პირობებში, ბუნებრივია მას საშუალება არ ჰქონდა შეენარჩუნებინა თავისი გავლენა ყოფილ კოლონიებში. ამას ზედ დაემატა საბჭოთა კავშირის, ჩინეთისა და აშშ-ს ინტერესები რეგიონში და ბრძოლა აშშ-სა და ჩინეთ-საბჭოთა კავშირის ალიანსს შორის რეგიონში გაბატონებისათვის.

სამხრეთ-აღმოსავლეთ აზიაში, კერძოდ, ინდონინეთის ნახევარკუნძულზე შექმნილ საერთაშორისო ვითარებაში, საფრანგეთი იძულებული გახდა უკან დაეხია და დათანხმებულიყო ქენევის შეთანხმებებს, რის შედეგად რეგიონი მთლიანად აშშ-ს გავლენის სფეროდ დარჩა. თუმცა ჩინეთი და საბჭოთა კავშირი კვლავ ცდილობდნენ თავიანთი ინტერესების შენარჩუნებას ამ ქვეყნებში.

XX საუკუნის 60-იან წლებში ვიეტნამში განვითარებულმა მოვლენებმა აშშ აიძულა წამოსულიყო ვიეტნამიდან, რაც საფუძველი გახდა საფრანგეთის ახალი საგა-

რეო პოლიტიკური კურსის გატარებისა საერთაშორისო ურთიერთობებში და კერძოდ, ინდონეზიის ქვეყნების მიმართ. ეს პოლიტიკური კურსი ძირითადად ითვალისწინებდა ახლებურ მიდგომას ამ ქვეყნების მიმართ, მათი პოლიტიკური სუვერენიტეტისა და დამოუკიდებლობისადმი პატივისცემის ხაზგასმასა და პოლიტიკური „ნეიტრალიზაციის“ ხაკითხს.

XX საუკუნის 60-70-იან წლებში საფრანგეთმა თავისი ახალი პოლიტიკური კურსის წყალობით შეძლო თავისი ავტორიტეტი აღედგინა საერთაშორისო ურთიერთობებში და გარეგნული პოლიტიკური გავლენის ფონი შეინარჩუნა ინდონეზიის ნახევარკუნძილზეც.

ტაივანის პრობლემა - პოლიტიკური პარალელები³⁴

კუნძული ტაივანი³⁵ (ფორმოზა) თავისი ისტორიული წარსულით კონტინენტალური ჩინეთის ნაწილია. მისი დღევანდელი პოლიტიკური სტატუსი საერთაშორისო ურთიერთობების მკვლევართა დიდ ინტერესს იწვევს, რადგან ამ რეგიონის უახლესი ისტორია დაკავშირებულია მეორე მსოფლიო ომის შემდგომ მომხდარ პოლიტიკურ ცვლილებებთან, რის შედეგად რადიკალურად შეიცვალა ტაივანის პოლიტიკური და ეკონომიკური მდგომარეობა.

ბოლო დროს 15 წლის მანძილზე საქართველოს ისტორიული მხარეების - აფხაზეთის და ცხინვალის გარშემო განვითარებულმა მოვლენებმა გარკვეული ასოციაციები გამოიწვია ტაივანის პოლიტიკურ და სამართლებრივ სტატუსთან. გარკვეული პოლიტიკური წრეები კარგა ხანია აღაპარაკდნენ აფხაზეთთან მიმართებაში ტაივანის მოდელის გამოყენებაზე, რომელმაც საშუალება უნდა მისცეს რუსეთს

³⁴ მოხსენება წაკითხულია 2008 წლის 6 ივნისს სოხუმის სახელმწიფო უნივერსიტეტის აკადემიური პერსონალის სამეცნიერო კონფერენციაზე. 2008 წლის აგვისტოს ომის შემდეგ რუსეთმა შეცვალა დამოკიდებულება საკითხისადმი და დამოუკიდებელა?!!! სახელმწიფოებად ცნო საქართველოს სახელმწიფოს ისტორიული ტერიტორიები - აფხაზეთი და ცხინვალის რეგიონი (ე.წ. სამხრეთ ოსეთი).

³⁵ ტაივანი მდებარეობს წყნარ ოკეანეში ჩინეთის აღმოსავლეთ ნაპირთან და გამოყოფილია მისგან ტაივანის სრუტით. ფართობი 36 ათასი კვ. კმ. მოსახლეობა - 23 მილიონი. დედაქალაქი ქ. ტაიბეი.

პირდაპირი კონტროლი დააწესოს საქართველოს ამ ისტორიულ რეგიონზე, როდესაც რუსეთის პოლიტიკურმა წრეებმა ეს იდეა წამოიწიეს, ექსპერტთა ერთმა ნაწილმა მაშინვე გამოთქვა მოსაზრება, რომ საკითხის ასე დაყენება არასწორია. რადგან ტაივანის ისტორიულ წარსულს, დღევანდელ მის სტატუსსა და აფხაზეთის პრობლემას ერთმანეთთან არავითარი კავშირი არ აქვს, გარდა მოხვეწებითი მსგავსებისა.

აფხაზეთისა და ცხინვალის საკითხის გააქტიურება რუსეთის მხრიდან გამოწვეულია საქართველოს ნატოში გაწევრიანების პერსპექტივით, რაც მოსკოვის დიდ გაღიზიანებას იწვევს. რუსეთის მხრიდან საქართველოზე ზემოქმედების ერთ-ერთი ყველაზე აქტიური და ქმედითი ბერკეტი სწორედ ამ რეგიონების საკითხია, რომლის შეერთება თუ არა, მათზე პირდაპირი პროტექტორატის დამყარების მცდელობა დიდი ხანია რუსული პოლიტიკური წრეების ოცნებას წარმოადგენს. სწორედ ამიტომაც არის, რომ კრემლი ცდილობს XX საუკუნის საერთაშორისო ურთიერთობების პრაქტიკაში მოიძიოს ისეთი პრეცედენტები, რომელიც დაეხმარება თავისი პროტექტორატი დაამყაროს საქართველოს ამ ორ ისტორიულ რეგიონზე. ასეთ ვითარებაში წამოიწია ტაივანის მოდელმა, რომლის საშუალებითაც რუსეთი შეეცდება გაამართლოს თავისი პოლიტიკური

და სამხედრო ნაბიჯები აფხაზეთსა და სამაჩაბლოში³⁶. პარალელურად, აღნიშნული მოდელი მას დაეხმარება საქართველოზე მოახდინოს პირდაპირი გავლენა, რათა იყოლიოს იგი მუდმივი ზეწოლის ქვეშ.

რუსეთი სარგებლობს ბუნდოვანი სამართლებრივი სტატუსის მქონე ქვეყნების (მათ რიცხვს მიეკუთვნება ტაივანი, ჩრდილოეთ კვიპროსი, კოსოვო) არსებობით და ცდილობს მსგავსი მოდელი გაავრცელოს მისთვის საინტერესო რეგიონებზეც. სამართლიანობა მოითხოვს აღინიშნოს, რომ ასეთი ქვეყნები არის ცივი ომის რელიქტი, რომელმაც განაპირობა ამ პოლიტიკური წარმონაქმნების არსებობა. ასეთი ქვეყნების სამართლებრივ სტატუსს საერთაშორისო თანამეგობრობა სკეპტიკურად უყურებს, რადგან ადრე თუ გვიან ისინი ამა თუ იმ პოლიტიკური სტატუსით ძირითადი პოლიტიკური სუბიექტების (კონტინენტალური ჩინეთი, სამხრეთ კვიპროსი, სერბია) ნაწილი გახდებიან და დღის წესრიგიდან მოიხსნება მსგავსი პრობლემები.

მიუხედავდ ამისა, როგორც ჩანს რუსეთს სურს რაღაც დროის განმავლობაში შეინარჩუნოს კონტროლი საქართველოს ამ რეგიონებზე, რადგან მისი ხელიდან გაშ-

³⁶2008 წლის მაისში უკრაინის მთავრობამ განაცხადა, რომ რუსეთის შავი ზღვის ფლოტმა 2017 წელს უნდა დატოვოს ხევასტოპოლი, რაც კიდევ უფრო აძლიერებს რუსეთის ინტერესს აფხაზეთის შავი ზღვის 250 კილომეტრიანი ზოლის მიმართ, რადგან სევასტოპოლის დაკარგვის შემთხვევაში ეს უკანასკნელი, ფაქტობრივად, კარგავს კონტროლს შავ ზღვაზე. ეს კი იქნება ერთგვარი კომპენსაცია რუსეთისთვის.

ვება საბოლოოდ დააკარგვინებს ზემოქმედების საშუალებას ჩვენს ქვეყანაზე და სამხრეთ კავკასიაში მიმდინარე პროცესებზე.

ტაივანის პრობლემის წარმოშობა გამოწვეული იყო, ერთი მხრივ პოლიტიკური იდეოლოგიით, ხოლო მეორე მხრივ სამხრეთ-აღმოსავლეთ აზიაში მიმდინარე პოლიტიკური მოვლენებით მეორე მსაოფლო ომის დასრულების შემდეგ. ტაივანის პრობლემა ორ ქვეყანას შორის ყოველთვის იყო დინამიური პროცესი, რომელიც დამოკიდებული იყო აშშ-სა და ჩინეთის საგარეო პოლიტიკის კურსთან XX საუკუნის 50-90-იან წლებში. ჩინეთის ეკონომიურმა რეფორმებმა და მისმა გადაქცევამ წამყვან განვითარებულ სახელმწიფოდ ერთმანეთს დაუახლოვა აშშ და ჩინეთი, რამაც კიდევ უფრო დიდი ბიძგი მისცა ტაივანისა და ჩინეთის დიალოგს მომავალი გაერთიანების საკითხებზე. აფხაზეთის საკითხს ტაივანის პრობლემასთან მართლაც მოხვეწებითი მხგავსება ახასიათებს, რადგან ორივე პრობლემა განსხვავებულ ისტორიულ პირობებსა და პოლიტიკურ სიტუაციაში წარმოიშვა. ისტორიული ფაქტების, პოლიტიკური მოვლენების და დოკუმენტური მასალების ურთიერთშეჯერების საფუძველზე ეს მომენტები განსაკუთრებით მკვეთრად ჩანს. რაც კიდევ ერთხელ გვინფენებს, რომ ყველა პოლიტიკურ პრობლემას მხოლოდ მისთვის დამახასიათებელი ინდივიდუალურობა გააჩნია.

ვინაიდან ტაივანის და აფხაზეთის პრობლემატიკა სხვადასხვა პოლიტიკურ გარემოებებში წარმოიშვა, მათ დიამეტრალურად განსხვავებული იდეოლოგიური და პოლიტიკური საფუძველი გააჩნია. კერძოდ, თუ ტაივანის მმართველი წრეები არ სცობდნენ ჩინეთის კომუნისტურ რეჟიმს და ტაივანს მიიხნევდნენ, როგორც ჩინეთის ლეგიტიმური მთავრობისაგან დროებით თავშესაფარს. ამავე დროს ტაივანის ხელისუფლება მაშინდელი საერთაშორისო თანამეგობრობის მიერ ნაწილობრივ აღიარებული იყო. რაც შეეხება აფხაზეთის პრობლემას იგი საბჭოთა კავშირის ე. წ. „ნაციონალური პოლიტიკის“ შედეგად წარმოიშვა. აღნიშნული პოლიტიკა სრულიად მოწყვეტილი იყო ისტორიულ წარსულს და თანამედროვე რეალებს. ტაივანის მართველი წრეები თავიანთ პოლიტიკურ განცხადებებში ხაზს უსვამდნენ, რომ ტაივანი არის ჩინეთის განუყოფელი ნაწილი და მისი გამოყოფა არის დროებითი მოვლენა გამოწვეული პოლიტიკური და იდეოლოგიური შეუთავსებლობით. აფხაზეთი (აფსუა) სეპარატისტული ძალები პირიქით აცხადებენ, რომ აფხაზეთი არ არის საქართველოს ნაწილი და იგი წარმოადგენს ცალკე ისტორიის მქონე ქვეყანას, რომელსაც ლამის 12 საუკუნოვანი სახელმწიფოებრიობის ისტორია აქვს!!! აფხაზი პოლიტიკოსების აზრით, აფხაზეთის პოლიტიკური მომავალი დაკავშირებულია მხოლოდ რუსეთთან, რომელმაც პრესპექტივაში უნდა მოახდინოს მისი ჩართვა რუსულ სახელმწიფო-

ბრივ სივრცეში, ხოლო დამოუკიდებლობა წარმოდგენილი უნდა იყოს მისი ავტონომიით. აქედან გამომდინარე, საუბარი ტაივანის მოდელზე აფხაზეთსა და რუსეთს შორის სრულიად მოკლებულია ყოველგვარ საფუძველს, რადგან განსხვავებულია კონლიქტის წარმოშობის, როგორც პოლიტიკური და ეკონომიკური, ასევე ისტორიული რეალიები.

ტაივანის პრობლემა მოყოლებული XX საუკუნის 40-იანი წლებიდან საერთაშორისო ურთიერთობების მკვლევართა ყურადღების ცენტრში იყო. ეს გამოწვეული იყო ამერიკის შეერთებულ შტატებსა და ჩინეთს შორის გაფლენის ხვეროებისათვის ბრძოლით. ჩინეთის ხელისუფლებასი კომუნისტების მოსვლის შემდეგ ცენტრალურ და სამხრეთ-აღმოსავლეთ აზიაში კომუნისტური იდეოლოგიის გავრცელებისათვის ხელსაყრელი პირობები შეიქმნა. იმავე პერიოდში კომუნისტური რეჟიმები ჩამოყალიბდა აღმოსავლეთ ევროპის ქვეყნებშიც. ბუნებრივია, ასეთ პირობებში ამერიკის შეერთებული შტატები და ევროპის წამყვანი ქვეყნების მცდელობა მიმართული იყო როგორმე შეეკავებინათ კომუნისტური იდეოლოგიის სწრაფი ექსპორტი და გავრცელება.³⁷

³⁷ აღნიშნული მოვლენა ნაწილობრივ გამოწვეული იყო მეორე მსოფლიო ომში გერმანია-საბჭოთა კავშირის ფრონტზე საბჭოეთის გამარჯვებით, რამაც მეორე მსოფლიო ომის შემდეგ კომუნისტური იდეოლოგიის მიმართ ეთიოპიური დამოკიდებულების ჩამოყალიბებას შეუწყო ხელი.

ამ ნიადაგზე, XX საუკუნის 50-იან წლებში აშშ-ში ჩამოყალიბდა „კომუნიზმის შეკავების“ სამხედრო პოლიტიკური დოქტრინა³⁸, რომელიც მიმართული იყო საბჭოთა კავშირის ოდოლოგიური გავლენის გაურცვლების წინააღმდეგ. ამ დროს სამხედრო კონფორტაციას სამხრეთ-აღმოსავლეთ აზიის რეგიონში განსაკუთრებით მძაფრი ხასიათი ჰქონდა. საკითხის შესწავლისას ჩვენ შევეცადეთ ტაივანის ისტორიაზე, მის პოლიტიკურ კურსზე მოგვეპოვებინა გარკვეული ხასიოთის მასალები, რომელიც ნათელს მოჰფენდა, ერთი მხრივ აშშ-სა და ჩინეთის დამოკიდებულებას ტაივანის პრობლემისადმი, ხოლო მეორე მხრივ, თვით ტაივანის პოლიტიკური წრეების დამოკიდებულებას იმ პრობლემებისადმი, რომელიც ამ ნახევრად აღიარებული ქვეყნის წინაშე იდგა. ტაივანისა და აფხაზეთის პრობლემატიკის შესახებ ჩვენს მიერ დამუშავებული ლიტერატურა დაყვავით რამდენიმე ჯგუფად: *1. საცნობარო, 2. დოკუმენტური, 3. მემუარული, 4. კვლევითი.*

საცნობარო ლიტერატურა წარმოდგენილია სხვადასხვა ხაზის ბუკლეტებითა და ინტერნეტ მასალებით, სადაც უმეტესწილად მოცემულია სტატისტიკური და ეკონომიური ხასიოთის მასალები, რომლებმაც ზოგადი ხაზის წარმოდგენა მოგვცა ტაივანის ისტორიაზე, მის ეკონომიკასა და გეო-

³⁸ ამ იდეის ავტორი რეალურად იყო ინგლისის პრემიერი უინსტონ ჩერჩილი, მაგრამ პოლიტიკურად იგი აშშ-ს პრეზიდენტის პარი ტრუმენის მიერ იქნა განხორციელებული და მას სამხედრო პოლიტიკური დოქტრინის ხაზე მიხცა.

პოლიტიკურ მდგომარეობაზე აღნიშნული ინფორმაციის საფუძველზე საშუალება მოგვეცა გავცნობოდით ტაივანის, ამ კუნძულოვანი ქვეყნის, უახლოეს წარსულსა და დღევანდელობას.³⁹

ჩვენთვის უფრო მნიშვნელოვანი იყო დოკუმენტური ხასიათის ლიტერატურის შესწავლა, რომელიც განთავსებულია სხვადასხვა ინტერნეტ საიტებზე და და სხვადასხვა ავტორების გამოკვლევებში. განსაკუთრებით ფართოდ არის წარმოდგენილი ასეთი სახის დოკუმენტაცია საიტზე Taiwan Documents Project⁴⁰, სადაც წარმოდგენილია სხვადასხვა სახის ინფორმაცია, რომელიც შეეხება ტაივანის ისტორიის სხვადასხვა ეტაპებს დაწყებული ჩინეთსა და იაპონიას შორის დადებული *სიმონოხეის* (1895 წ) ხელშეკრულებით, *ჯაიროსა* (1943წ) და *პოტსდამის* (1945წ) დეკლარაციებითა და დამთავრებული ტაივანის კონსტიტუციით. აქ დიდ ყურადღება ეთმობა აშშ - ტაივანის 1954 წლის ხელშეკრულებას, რომელიც ტაივანის პრობლემას სხვადასხვა კუთხით შეეხო.

საინტერესოა ცალკეული ამერიკელი პოლიტიკოსების შეხედულებები, რომელთა შეფასება ეხება არამარტო ტაივანისა და ჩინეთის პრობლემატიკას, არამედ მაშინდელი

³⁹ ქართულ ენაზე ჩვენს მიერ მოძიებული იქნა მხოლოდ ერთი ბროშურა, რომელიც გამოცემულია 1998 წელს. უმეტეს წილად ზოგადი ცნობების მოსაპოვებლად ვეყრდნობით ინტერნეტ გამოცემას www.wikipedia.net, www.taivan.com, www.taivan.org.

⁴⁰ <http://nevtaiwan.virtualave.net>

საერთაშორისო ურთიერთობების ურთულეს და უმნიშვნელოვანეს საკითხებსაც.⁴¹ განსაკუთრებული ინტერესით მოვეყიდეთ იმ მეცნიერული სახის გამოკვლევებს, რომლებიც ბოლო 30 წლის განმავლობაში გამოვიდა, მათში სხვადასხვა კუთხით არის შეფასებული ტაივანის პრობლემის იმდროინდელი და დღევანდელი მდგომარეობა.⁴² ძალიან ბევრი ავტორი ტაივანის პრობლემას განიხილავს ჩინეთ-აშშ-ს ურთიერთობების კონტექსტში, რაც უფრო ფართოს ხდის კვლევის არეალს. მართალია, ჩვენი მიზანი არ იყო წარმოგვედგინა ტაივანის გარშემო არსებული ყველა შეფასება, მაგრამ ჩვენს მიერ გამოყენებული ლიტერატურა საზს უხვამს და კიდევ ერთხელ მიუთითებს ტაივანის საკითხის სიმძიმესა და მასშტაბურობაზე მაშინდელ საერთაშორისო ურთიერთობებში. რაც შეეხება თემის კონტექსტში აფხაზეთის პრობლემის წარმოჩენას, ჩვენ ვყვრდნობით, როგორც ქართველი, ასევე აფხაზი და სხვა

⁴¹ **Truman H.** Years of trial and hope. Garden City, New York 1956. **Kissinger H.** White House years. Boston: Little Brown and Company, 1979; **Kerr G.** Formosa betrayed. Boston: Houghton Mifflin, 1965

⁴² **Барышников В.Н., Гончаров С.Н.** К вопросу о воссоединении Тайваня с КНР // Проблемы Дальнего Востока, 1984, №3. С. 76-87; **Васильев Н.В., Мироненков Е.Г.** Тайваньский фактор в американо-китайских отношениях // Проблемы Дальнего Востока, 1985, №2. С. 58-64; **Петухов В.** США против воссоединения Тайваня с КНР // Азия и Африка сегодня, 1988; **Цветков И. А.** Политика США по отношению к таиванской проблеме 1949-1999 М. 2000. **Tucker N.** Taiwan, Hong Kong, and the United States, 1945-1992 : uncertain friendships. New York : Maxwell Macmillan International, 1994 და ა.შ

ავტორების შეფასებებს⁴³. რომელიც ფაქტოლოგიურ მახლასთან ერთად საშუალებას გვაძლევს ერთმანეთს შევუდაროთ ტაივანისა და აფხაზეთის პრობლემატიკა და გამოვიტანოთ დასკვნა, შეიძლება თუ არა ეს ორი ურთულესი საკითხი ერთნაირ პოლიტიკურ ჭრილში გადაიჭრას.

აღნიშნული საკითხი შეიძლება განვიხილოთ პოლიტიკური რელიზმის თეორიის ჭრილში, რომელიც ფაქტობრივად დომინანტურ თეორიას წარმოადგენს საერთაშორისო ურთიერთობებში. მასში გამოყოფენ ორ მიმდინარეობას თავდაცვით და თავდასხმით რეალიზმს, რომელიც თავისთავად არის საერთაშორისო პოლიტიკის სტრუქტურული თეორია⁴⁴. თავდაცვითი რეალიზმი შემთხვევაში სახელმწიფოთა მთავარი მიზანია ძალის შენარჩუნება და არა გაზრდა, ხოლო თავდასხმითი რეალიზმი პირიქით საპირისპიროს ამტკიცებს, რომ არ არსებობს სტატუს-კვო სახელმწიფოები. უმეტესწილად ამ თეორიებს თავდასხმისა და თავდაცვის ბალანსსაც უწოდებენ.

აქედან ტაივანისა და აფხაზეთის საკითხის ერთიან პოლიტიკურ ჭრილში გააზრება, რომ არ შეიძლება ამასე იხიცი მიუთითებს, რომ აღნიშნულ საკითხები არ შეიძლება

⁴³ აფხაზეთის ლაბირინთი, ავტორთა კოლექტივი, თბ. 1999, ზ. პაპასქირი. ნარკვევები აფხაზეთის ისტორიიდან ტ. I–II, თბ. 2007.

აფხაზეთის საკითხი ოფიციალურ დოკუმენტებში თბ. 2000. გაეროს რეზოლუციები აფხაზეთის საკითხზე. გ. ა. ზ. 24 საათი

С. Лакоба, Очерки политической истории Абхазии. Сух. 1990. **В. Хатба**, Агрессия Грузии и международное право. Сух. 1995.

⁴⁴

ერთი და იგივე პოლიტიკური თეორიის საშუალებით განვიხილოთ.

ტაივანის პრობლემატიკას შეიძლება მივუსადაგოთ თავდაცვითი პოლიტიკური თეორია, რადგან იგი თავს იცავდა ჩინეთის კომუნისტური რეჟიმის იდეოლოგიური და სამხედრო ზეწოლისაგან და ამავე დროს თავადაც ცდილობდა აშშ-ს დახმარებით გავლენა მოეხდინა ჩინეთის პოლიტიკურ რეჟიმზე.

აფხაზეთის პრობლემატიკა თავდასხმითი პოლიტიკური თეორიის ჭრილში უნდა განვიხილოთ, რადგან რუსეთის მხრიდან აფხაზეთის საკითხის მოხერხებელი გამოყენებით აშკარად ჩანს სამხედრო და პოლიტიკური ზეწოლის მექანიზმების გამოყენება საქართველოს დამოუკიდებელი პოლიტიკური კურსის წინააღმდეგ.⁴⁵

ტაივანის პრობლემა ჩინეთის სახალხო რესპუბლიკის და აშშ-ის პოლიტიკაში. საერთაშორისო ურთიერთობების დღის წესრიგში ტაივანის პრობლემა პირველად ჩინეთ-იაპონიის ომის შემდეგ 1894 წელს დადგა. აღნიშნული ომის დამთავრების შემდეგ 1895 წლის სიმონოსეკის ხელშეკრულების თანახმად ტაივანი უკუადო სარგებლობაში იაპონიას გადაეცა.⁴⁶ მეორე მსოფლიო ომის მსვლელობის დროს ჩინეთის მთავრობამ ტაივანის, როგორც მისი სახ-

⁴⁵ 2008 წლის აგვისტოს ომმა ცხადყო, რომ რუსეთმა რეალურად განახორციელა თავისი მიზანი საქართველოს ტერიტორიული მთლიანობის დარღვევისათვის.

⁴⁶ . <http://nevtaiwan.virtualave.net>

ელმწიფოს განუყოფელი ნაწილის უკან დაბრუნების საკითხი დააყენა. ეს მოთხოვნები აისახა კიდევ ქაიროს 1943 წლის და პოტსდამის 1945 წლის კონფერენციების დეკლარაციებში.⁴⁷ 1945 წელს ჩინეთიდან იაპონელების განდევნის შემდეგ ქვეყანაში შიდაპოლიტიკური სიტუაცია გამწვავდა, რაც გამოწვეული იყო შიდაპოლიტიკური დაპირისპირებით ჩან კაი შის გომინდანის მთავრობასა და მათ ძე ღუნის⁴⁸ კომუნისტურ ძალებს შორის. ეს დაპირისპირება გადაიზარდა სამოქალაქო ომში (1945-1949წწ), რომელიც კუნძულ ტაივანზე გომინდანის მთავრობის გაქცევით დასრულდა და რომელიც ჩან კაი შის აზრით, უნდა ყოფილიყო კომუნისტური ძალების შეკავების ბოლო ზღვარი ჩინეთის ტერიტორიაზე. გარდა ამისა, ჩან კაი ში მიიჩნევდა, რომ სწორედ ის და მისი მომხრეები წარმოადგენდნენ ჩინეთის ლეგიტიმურ მთავრობას საერთაშორისო თანამეგობრობაში და რომ მათ ძე ღუნის კომუნისტურმა ძალებმა მოახდინეს ხელისუფლების ძალადობრივი გზით ჩაგდება და უზურპაცია საბჭოთა კავშირის დახმარებით. იმ პერიოდში ყველას მიაჩნდა, რომ ტაივანის პრობლემა რამდენიმე წელში ჩინეთის სახალხო რესპუბლიკის სასარგებლოდ გადაწყდებოდა და რომ ჩან - კაი - ში

⁴⁷ ჩინეთის მიერ ტაივანის მოთხოვნის დაბრუნება მის სახელმწიფოებრივ სიერცხეში ეფუძნებოდა ატლანტიკური ქარტიის (1941) დეკლარაციას, რომლის მიხედვით მოკავშირეები აღუთქვამდნენ ყველა დამარცხებულ სახელმწიფოს მთავრობებს მათი სახელმწიფოებრივი სუვერენიტეტის აღდგენას მათ ისტორიულ ტერიტორიაზე გამარჯვების შემდეგ.

⁴⁸ მათ ძე ღუნი - ჩინეთის კომუნისტური მმართველი

ვერ შეძლებდა ტაივანის შენარჩუნებას, მაგრამ მოხდა პირიქით. რისი მიზეზიც იყო მაშინდელ საერთაშორისო ურთიერთობებში მიმდინარე პოლიტიკური მოვლენები:

1. ცივი ომის დაწყება აშშ-სა და კომუნისტური ბლოკის ქვეყნებს შორის;
2. კორეის კონფლიქტი 1950-1954 წლებში;
3. პარი ტრუმენის ანტიკომუნისტური კურსი და კომუნიზმის შეკავების დოქტრინა;
4. აშშ-ს მიერ ტაივანისდამი, როგორც სტრატეგიული მნიშვნელობის მქონე პუნქტისათვის გაზრდილი ყურადღება მეორე მსოფლიო ომის დროს;
5. დიდი ხნის პოლიტიკური ურთიერთობა გომინდანის რეჟიმსა და აშშ-ს პოლიტიკურ წრეებს შორის⁴⁹.

კორეის ომმა კიდევ უფრო გაზარდა აშშ-ის ინტერესი ამ კუნძულის მიმართ, რაც გამოიხატა ორ ქვეყნას შორის დადებული 1954 წლის ხელშეკრულებაში, რომელშიც აშშ ვალდებულია იღებდა დაეცვა ტაივანი კონტინენტალური ჩინეთის აგრესიისაგან.⁵⁰ რა თქმა უნდა, აშშ-ს კარგად ესმოდა, რომ ჩინეთის სახალხო რესპუბლიკისადმი დამოკიდებულება (დიპლომატიური ურთიერთობის გაწვევტა

⁴⁹Мироненков Е.Г. Тайваньский фактор в американо-китайских отношениях // Проблемы Дальнего Востока. №2. С. 58-64; Цветков И. А. Политика США по отношению к тайванской проблеме 1949-1999 ст.7. Tucker N. Taiwan, Hong Kong, and the United States, 1945-1992 p. 32

⁵⁰<http://nevtaiwan.virtualave.net> Truman H. Years of trial and hope. p. 339 ტრუმენი თავის მემუარებში აღნიშნავს, რომ კორეაში განვითარებულმა მოვლენებმა აიძულა აშშ დაემყარებინა მჭიდრო სამხედრო – პოლიტიკური ურთიერთობა ტაივანის რეჟიმთან, რითაც კარგად ისარგებლა ჩან-კაი-შიმ.

1949 წ. მისი არ დაშვება გაეროში და. შ). პრობლემებს შეუქმნიდა, მაგრამ შექმნილი რეალური პოლიტიკური სიტუაციიდან გამომდინარე, სხვა გამოსავალი არ ჰქონდა, რასაც აშშ-ს მაშინდელი პრეზიდენტი პარი ტრუმენი⁵¹ აღიარებს კიდევ თავის მემუარებში⁵². აშშ-ში ანტიკომუნისტური განწყობა იმდენად დიდი იყო, რომ სამხრეთ-აღმოსავლეთ აზიიდან მომდინარე კომუნისტური საფრთხე უფრო მნიშვნელოვანი იყო, ვიდრე დიალოგი კომუნისტური ჩინეთის ლიდერებთან. გარდა ამისა, ტაივანის პრობლემა სწორედ დაკავშირებული იყო ჩინეთის პოლიტიკურ სივრცეში ორი ურთიერთსაწინააღმდეგო პოლუსის ჩამოყალიბებასთან, რომლებიც პრეტენზიას აცხადებდნენ ყოფილიყვნენ ჩინეთის ნაციონალური სუვერენიტეტის წარმომადგენლები, ხოლო აშშ-ს ჩარევამ ამ დავაში მოახდინა ურთიერთობების ერთგვარი ინტერნაციონალიზაცია, რაც ტაივანის თვითგადარჩენისათვის აუცილებელი პირობა იყო⁵³.

ტაივანის პრობლემა საკმაოდ ფართო და მრავალფეროვანია. ბუნებრივია, ჩვენ ვერ შევხებით ყველა იმ პრობლემას, რომელიც წარმოიშვა ტაივანის გამო ჩინეთსა და აშშ-ს შორის. ჩვენი მიზანია აქცენტი გადაკეთოთ იმ სა-

⁵¹ პარი ტრუმენი (1884-1972) - აშშ-ს 33-ე პრეზიდენტი დემოკრატიული პარტიიდან. 1945 წელს აირჩიეს აშშ-ს ვიცე-პრეზიდენტად: ფრანკლინ რუზველტის გარდაცვალების შემდეგ. 1945 წლის 12 აპრილს, აშშ-ს კონსტიტუციის თანახმად, დაიკავა აშშ-ს პრეზიდენტის თანამდებობა. 1948 წელს არჩეული იქნა მეორე ვადით.

⁵² Truman H. op.cit გვ. 330-333

⁵³ Цветков И. А. Политика США. . გვ. . 35

კითხვებზე, რომელიც აუცილებელია აზიის პრობლე-
მასთან შესაძლო პარალელებისათვის. კერძოდ, როგორ
ხდებოდა ტაივანის პრობლემის ევოლუცია აშშ-სა და
ჩინეთის ურთიერთობებში?, რადგან ტაივანის ანტიკომუ-
ნისტური რეჟიმის არსებობა გახდა საბოლოო
განხეთქილების ვაშლი ჩინეთსა და აშშ-ს შორის. აღ-
ნიშნული პრობლემა ხელს უშლიდა ამ ორი ქვეყნის
ურთიერთობების ნორმალიზაციას XX საუკუნის 70-იანი
წლების დასაწყისამდე.

მეორე მსოფლიო ომის შემდგომი არასტაბილური საერ-
თაშორისო ვითარება, ჩამოყალიბების პროცესში მყოფი
სამხედრო-პოლიტიკური დოქტრინის შემუშავება აშშ-ის
მიერ, ტაივანის მმართველ წრეებს საშუალებას აძლევდა
გარკვეული ზეგავლენა მოეხდინათ აშშ-ს პოლიტიკაზე
ტაივანის მიმართ. კერძოდ, მათი ზეწოლის შედეგად აშშ-ის
კონგრესმა 1948 წელს მიიღო გადაწყვეტილება⁵⁴, რომლის
მიხედვითაც აშშ გადასცემდა ტაიბეის 131 სამხედრო
ხომალდს, რომლის ღირებულება შეადგენდა 141 მილ-
დონარს. ასევე დახმარებას კპირდებოდა არმიის რეორ-
განიზაციაში, მოუხედავად ამისა, ხანამ არ დაიწყო კორეის
კონფლიქტი (1950) აშშ – ში სკეპტიკურად უყურებდნენ
ტაივანის პოლიტიკურ მომავალს. შემდგომში ტაივან – აშშ-ს
ურთიერთობებმა რამდენიმე ეტაპი განვილო. ამ ურთიერთ-
ობებში შეიძლება გამოიყოს სამი პერიოდი: I. 1950-1954
წლები, II. 1954-1960 წლები, III. 1960-1978 წლები.

⁵⁴ <http://nevtaiwan.virtualave.net>

მიუხედავად ტაივანთან მჭიდრო სამხედრო- პოლიტიკური თანამშრომლობისა აშშ-ში ყოველთვის ცდილობდნენ ზედმეტად არ გაეღიზიანებინათ ჩინეთი, რადგან კარგად ესმოდათ, რომ თუ ისინი შეძლებდნენ ჩინეთის ჩამოცილებას საბჭოთა კავშირისაგან, შეძლებდნენ უფრო აქტიურად ეწარმოებინათ თავიანთი პოლიტიკა სამხრეთ-აღმოსავლეთ აზიასა და წყნარი ოკეანის ქვეყნებში. XX საუკუნის 60-იან წლებში გარდატეხის პროცესი დაიწყო აშშ-სა და ჩინეთის ურთიერთობებში. ეს კარგად აისახა კიდევ ტაივანის მიმართ განხორციელებულ პოლიტიკაში. აშშ-ს კარგად ესმოდათ, რომ ტაივანის დიპლომატიურ აღიარებას ნეგატიურად შეხედებოდნენ, როგორც ჩინეთში, ასევე აშშ-ს მოკავშირეები, ამიტომ აქცენტი გააკეთდა მის ეკონომიკურ რეაბილიტაციაზე, რისთვისაც 1951-1965 წლებში 1.7 მილიარდი დოლარი დაიხარჯა და რომელმაც საფუძველი დაუდო ტაივანის „ეკონომიურ სასწაულს“⁵⁵. აშშ-ს ასეთი დამოკიდებულება გამოწვეული იყო იმითაც, რომ მას არ ხურდა 1953-1956 წლების კრიზისი გამეორებულიყო, რომლის დროსაც საქმე სამხედრო კონფრონტაციამდე მივიდა.⁵⁶

⁵⁵ [http:// nevtaiwan. virtualave. net](http://nevtaiwan.virtualave.net)

⁵⁶ ჩინეთის სახალხო რესპუბლიკამ ტაივანის მახლობლად მდებარე რამდენიმე კუნძულზე 1953-1956წწ მიიტანა საარტილერიო იერიში, რომელმაც აიძულა აშშ ტაივანის სრუტეში შეეყვანა აშშ 6 ფლოტი. ეიზენჰაუერის კაბინეტის ზოგიერთი წევრი იმ შემთხვევაში თუ ჩინეთი გააგრძელებდა მცდელობას ტაივანზე სამხედრო ოპერაციი ჩატარებისა მოითხოვდ ტაქტიკური ბირთვული იარაღის გამოყენებას ჩინეთის სახალხო რესპუბლიკის მიმართ.

ჩინეთ-აშშ-ს ურთიერთობებში იყო კიდევ ერთი მნიშვნელოვანი საკითხი, რომელიც ძაბავდა ვითარებას ორ ქვეყანას შორის. ეს იყო გაეროში ჩინეთის ადგილი, რომელიც 1945 წლიდან ტაივანს ეკავა⁵⁷ და ჩინეთს თითქმის ოცი წელიწადი დასჭირდა, რათა კუთვნილი ადგილი დაეკავებინა გაეროში (1971). ეს მოხდა მას შემდეგ, რაც აშშ-მ ჩინეთთან აღადგინა დიპლომატიური ურთიერთობა და ამით, ფაქტობრივად, აღიარა ჩინეთის სახალხო რესპუბლიკის როლი და ადგილი საერთაშორისო ურთიერთობებში⁵⁸. ტაივანის საკითხის შემდგომი პერიოდი ჩინეთ – ტაივანის შორის დიპლომატიურ თუ სხვა სახის ურთიერთობებში გამოიხატა, რომელიც დაიწყო პოლიტიკური არენიდან მათ ძე-დუნის და ჩან კაი-შის წახელის შემდეგ, თუ ადრე აქცენტი კეთდებოდა ორივე მხრიდან სამხედრო ძალის გამოყენებაზე. შემდგომში უპირატესობა მიენიჭა პოლიტიკურ დიალოგს, რომელიც უფრო ეფექტური აღმოჩნდა ვიდრე სამხედრო კონფრონტაცია.

აფხაზეთის და ტაივანის პოლიტიკური ასპექტები. ტაივანის სამართლებრივი და პოლიტიკური მდგომარეობა განსხვავდება ე. წ. სეპარატისტული წარმონაქმნებისაგან.

⁵⁷ ეს ფაქტი გამოწვეული იყო იმით, რომ გაეროს შექმნის დეკლარაციას ხელი მოაწერა ჩან-კაი-შის მთავრობამ, ხოლო აშშ-ს არ სურდა ჩინეთის სახალხო რესპუბლიკის მიღება გაეროში რადგან ეს გააძლიერებდა საბჭოთა კავშირის პოზიციებს.

⁵⁸ ამ პერიოდისთვის ჩინეთს უკვე გააჩნდა ბირთვული იარაღი და მისი არ დაშვება გაეროში მნიშვნელოვნად ამცირებდა მსოფლიოში უსაფრთხოების საკითხებს, და სხვა გარემოებები გახდა მისი კუთვნილი ადგილის დაკავებისა ტაივანის მავიერად.

თუ სეპარატიზმი არის გარკვეული ტერიტორიის განცალკევება ეთნიკური ნიშნის მიხედვით დამოუკიდებლობის მოთხოვნით, ტაივანს რომელიც 60 წელია არსებობს, როგორც ჩინეთის რესპუბლიკა, 1950 წლის კონსტიტუციაში უწერია, რომ რომ ტაივანი არის დროებითი სამყოფელი ჩინეთის რესპუბლიკის დევნილი მთავრობისა, რომელიც მატერიკზე დაბრუნების შემდეგ განაგრძობს თავის საქმიანობას პეკინში⁵⁹. სამართლებრივი თვალსაზრისით ტაივანის მთავრობა არის გომინდანის მთავრობის სამართალმემკვიდრე, რომელიც 1919 წელს შექმნა ჩინეთის ეროვნულ-განმათავისუფლებელი მოძრაობის ლიდერმა სუნ იატ სენმა.⁶⁰ მისი ხიკვიდლის შემდეგ კი ქვეყანას სათავეში გენერალი ჩან - კაი - ში ჩაუდგა. კონტინენტალური ჩინეთის მთავრობას სცნობდა საერთაშორისო თანამეგობრობა და ის ერთა ლიგის წევრი⁶¹ იყო. XX საუკუნის 30-იან წლებში ჩინეთი იაპონიის აგრესიის მსხვერპლი გახდა, ოკუპირებული იქნა მანჯურიის ნაწილი, ხოლო ქვეყნის ჩრდილოეთ ნაწილს აკონტროლებდნენ ჩინელი კომუნისტები მათ - ძე ღუნის მეთაურობით. ასე, რომ ჩან კაი შის მთავრობას მძიმე პირობებში უხდებოდა მუშაობა. ქვეყ-

⁵⁹ <http://nevtaiwan.virtualave.net>

⁶⁰ სუნ იატსენი, დაიბადა 1866 წლის 12. ნოემბერს გარდაიცვალა 1925 წლის 12 მარტი. - ჩინელი რევოლუციონერი, გომინდანის პარტიის დამაარსებელი, ერთ-ერთი ყველაზე პატივდებული პოლიტიკოსი ჩინეთში. 1940 წელს სუნ იატსენმა ხიკვიდლის შემდეგ მიიღო „ერის მამის“ ტიტული.

⁶¹ ერთა ლიგა

ანა ერთი მხრივ სამოქალაქო ომის პირობებში იყო, მეორე მხრივ ის გახდა იაპონიის აგრესიის იყო. მიუხედავად ასეთი პოლიტიკური ფონისა ჩინეთი წარმოადგენდა ანგარიშგასაწევ ძალას საერთაშორისო პოლიტიკაში. მეორე მსოფლიო ომის დასრულების შემდეგ ჩინეთის ისტორიაში გადაწყვეტი მომენტი დადგა. ჩინეთის კომუნისტური ძალები ცდილობდნენ ხელთ ეგდოთ ძალაუფლება და ქვეყანაში კომუნისტური რეჟიმი დაემყარებინათ. დაპირისპირება კომუნისტებსა და გომინდანელებს შორის უკანასკნელის დამარცხებით დამთავრდა, ჩან-კაი-ში და მისი მომხრეები კუნძულზე გადავიდნენ. ტაივანი მოიაზრებოდა, როგორც უკანასკნელი ზღუდე წინააღმდეგობისა⁶². კუნძულზე გადასვლის შემდეგ ჩან-კაი-შიმ დაიწყო სახელმწიფო და ადმინისტრაციული სტრუქტურების შექმნა. თავის გამოსვლებში მოსახლეობის წინაშე ის ხაზს უსვამდა, რომ ტაივანი არის დროებითი თავშესაფარი დევნილი მთავრობისა და რომ ახლო მომავალში დაიწყება განმათავისუფლებელი ბრძოლა კონტინენტალური ჩინეთის განთავისუფლებისა კომუნისტებისაგან. სამართლებრივი თვალსაზრისით გომინდანის მთავრობა მართლაც იყო მსხვერპლი კომუნისტური ძალებისა, რომლის უკან საბჭოთა კავშირი

⁶² ჩინეთის ისტორიაში იყო მსგავსი მოვლენა, როდესაც მონგოლების მიერ ჩინეთის დაპყრობის დროს XIII ს. ჩინეთის მართლმადიდებელი დინასტიის წარმომადგენლები თავს აფარებდნენ ჩინეთის ზღვაში მდებარე კუნძულებს და ფლოტის მეშვეობით თავს ეხმოდნენ დაპყრობილ მონგოლებს ქვეყნის სამხრეთში.

იგა. მიუხედავად პირადად ჩან კაი შისადმი უარყოფითი განწყობილებისა⁶³ დასავლეთის სახელმწიფოები მასში ხედავდნენ კომუნისტური იდეოლოგიის მსხვერპლს, არამარტო აზიაში, არამედ ევროპაში, ბრძოლა იმ ფუნდამენტალური ღირებულებების წინააღმდეგ, რომელზეც დაფუძნებულია დასავლური დემოკრატია. ბევრი სახელმწიფო ჩან კაი შის სცნობდა, როგორც ჩინეთის წარმომადგენელს საერთაშორისო ურთიერთობებში, გარდა ამისა კონფრონტაციის პირიბებში დასავლეთსა და აღმოსავლეთს შორის ის მნიშვნელოვანი რგოლი გახდა აშშ-ს პოლიტიკის განხორციელებისა აღმოსავლეთ აზიაში. ჩან კაი ში იმავდრულად საერთაშორისო ურთიერთობებში ცნობადი პოლიტიკური ფიგურა იყო, რომელიც შეძლებისდაგვარად ცდილობდა დაეცვა ჩინეთის ინტერესები საერთაშორისო არენაზე. ჩან კაი ში გარკვეული ავტორიტეტით ხარგობლობდა ე.წ. მესამე ქვეყნებში, სადაც ხელისუფლებაში მოხული რეჟიმები ეჭვის თვალთ უყურებდნენ ჩინეთის სახალხო რესპუბლიკის მცდელობას მათვის თავს მოეხვია ყაზარმული კომუნიზმის მოდელი.

ტაივანის რეჟიმი აფხაზი სეპარატისტებისაგან განსხვავებით არასდროს თვლიდა თავს ცალკე სახელმწიფოდ და მისი ლიდერები ყოველთვის ხაზს უსვამდნენ, რომ ტაივანი არის ჩინეთის ნაწილი და პოლიტიკურმა გარემოებებმა აიძულა ისინი დროებით გამოეყოფოდნენ მას.

⁶³ ის ისეთივე დიქტატორი იყო, როგორც მათ ძე-დუნი

დღეს ჩინეთის მთავრობის ძირითადი კურსი ტაივანის მიმართ არის „მშვიდობიანი გაერთიანება, ერთი სახელმწიფო-ორი წეობა“, რომელიც შემდეგ მომენტებს ითვალისწინებს: 1) მსოფლიოში არის ერთი ჩინეთი და ტაივანი არის მისი განუყოფელი ნაწილი. 2) ერთი ჩინეთის ფარგლებში-სოციალიზმი კონტინენტზე და კაპიტალიზმი ტაივანზე იარსებებენ და ერთად განვითარდებიან ხანგრძლივი დროის განმავლობაში, ერთი მეორეს არ გაანადგურებს და გაერთიანების შემდეგ ტაივანზე არ შეიცვლება ცხოვრების წესი. 3) თვითმმართველობის მაღალი დონე. გაერთიანების შემდეგ ტაივანი გახდება განსაკუთრებული ადმინისტრაციული რაიონი, რომელსაც სხვა რაიონებთან შედარებით ფართო უფლებები ექნება. მას მიეცემა ადმინისტრაციული, საკანონმდებლო და დამოუკიდებელი სასამართლო თავისუფლება, ასევე ექნება უფლება, თვითონ გამოიტანოს საბოლოო სასამართლო გადაწყვეტილება და უცხო სახელმწიფოებთან გააფორმოს საეკონომიკური და კულტურული შეთანხმებები. ტაივანს შეიძლება ჰქონდეს თავისი არმია. მის წარმომადგენლებს უფლება აქვთ მონაწილეობა მიიღონ საერთო სახელმწიფოებრივ საქმეებში; 4) მშვიდობიანი მოლაპარაკებები. ჩინეთის გაერთიანება უნდა მოხდეს მშვიდობიანი მოლაპარაკებების გზით, რადგან სრუტის ორივე მხარეს ჩინელები ცხოვრობენ.⁶⁴

⁶⁴ The One China Principle and Taiwan Issue. The Taiwan Affairs office and

მიუხედავად დამაბულობისა, კონტინენტალურ ჩინეთის სახალხო რესპუბლიკასა და ტაივანის ჩინეთის რესპუბლიკას შორის ყოველთვის არსებობდა მცდელობა ურთიერთობის დარეგულირებისა. ამ ორი პოლიტიკური სუბიექტის ურთიერთობის ისტორია მეორე მსოფლიო ომის შემდეგ პირობითად სამ პერიოდად შეიძლება დავეყოთ: 1. 1949-1978 წლები - სამხედრო კონფრონტაცია, 2. 1978-1986 წლები - სამშვიდობო კონფრონტაცია, 3. 1987 წლიდან არაოფიციალური კონტაქტები. ჩინეთის გაერთიანების პროცესის დასრულება იდეოლოგიურ საკითხებთან არის დაკავშირებული. ტაივანელები ჯერჯერობით უარყოფენ „ერთი სახელმწიფო-ორი სისტემის“ იდეას, რომელიც ჩინეთის სახალხო რესპუბლიკის რეფორმატორმა დენ სიაო პინმა წამოაყენა.⁶⁵ თავის მხრივ, ტაივანელებმა წამოაყენეს „ეროვნული გაერთიანების პროგრამა“, რაც მათი მხრიდან მიხნეულია ჩინეთის ერთიანობის აღდგენის საფუძვლად. ამ პროგრამის მიხედვით გათვალისწინებულია ტაივანისა და კონტინენტალური „ჩინეთის გაერთიანება თავისუფალი დემოკრატიული და აყვავებული ქვეყნის სახით გონიერების, მშვიდობის, თანასწორობისა და თანაზიარობის საფუძ-

the information office of the State council People Republic of China. February, 2000. ციტირებულია: დ. გუგუშვილი, შანხაის კომუნიკე, ქართული დიპლომატია, წელიწდეული, 312. თბ. 2005. გვ. 330. იხილეთ აგრეთვე ვებ-გვერდი: <http://www.2facts.com/archive/search/1971103700.asp>

⁶⁵ კონკრეტულად და მაკაოსთან მიმართებაში ეს დებულება სრულიად საკმარისი აღმოჩნდა, რომ მათ შეენარჩუნებინათ თავიანთი ეკონომიკური და პოლიტიკური ავტონომია.

ველზე". მისი ავტორების წარმოდგენით ჩინეთის ერთიანობა უნდა განხორციელდეს სამ ეტაპად: *აკონტაქტები და ურთიერთგაცვლა, ბურთიერთნდობა და თანამშრომლობა* *ბ) კონსულტაციები და გაერთიანება*. ყოველ შემდგომ ეტაპზე გადასვლა უნდა განხორციელდეს სათანადო პირობების მომწიფების შედეგად. ამ გეგმის მიხედვით, ორივე მხარე ჯერჯერობით პირველ ეტაპზეა, თუმცა ურთიერთობათა მრავალ ასპექტში უკვე დაწყებულია მეორე ეტაპი. უფრო მეტიც, 1991 წლიდან პეკინში შექმნა „ტაივანის სრუტის განვითარების ასოციაცია“, ხოლო სინგაპურში შედგა ამ ორგანიზაციის ხელმძღვანელების შეხვედრა. 1999 წელს ტაიბეის და პეკინის წარმომადგენლებს შორის პირველი პირდაპირი კონტაქტები შედგა, რაც ორივე მხარისთვის მოლაპარაკების პროცესის დაწყების საწინდარი გახდა. მოლაპარაკებები დღესაც ინტენსიურად მიმდინარეობს.

რა მდგომარეობაა ამ მხრივ ქართულ - აფხაზურ ურთიერთობებში ?

ისევე როგორც ტაივანი არის ჩინეთის კულტურის და ისტორიის ნაწილი აფხაზეთი და ცხინვალის რეგიონიც არის საქართველოს ისტორიული რეგიონები და განუყოფელი ნაწილი. ტაივანისაგან განსხვავებით ეს რეგიონები არასდროს ყოფილა რომელიმე სხვა ქვეყნის კოლონია. პირიქით ის ყოველთვის შედიოდა ქართულ პოლიტიკურ და კულტურულ სივრცეში, მიუხედავად იმისა, რომ გვიან შუასაუ-

კუნეებში აფხაზეთში ვერ ხორციელდებოდა საქართველოს სახელმწიფოებრივი ხელისუფლების ადმინისტრირება (პოლიტიკური დაშლილობის გამო), ის მაინც საქართველოს სახელმწიფოებრიობის განუყოფელი ნაწილი იყო. ტაივანისა და აფხაზეთის პრობლემებს შორის მსგავსება მდგომარეობს იმაში, რომ 1894 წლამდე ტაივანი ჩინეთის ერთ-ერთი პროვინცია იყო, ხოლო აფხაზეთი საბჭოთა ხელისუფლების დამყარებამდე საქართველოს დემოკრატიული რესპუბლიკის შემადგებლობაში პოლიტიკური ავტონომიის სტატუსით შედიოდა.⁶⁶ მას შემდეგ, რაც საბჭოთა რუსეთმა 1921 წლის თებერვალში მოახერხა საქართველოს დემოკრატიული რესპუბლიკის ანექსია და დაპყრობა, რუსულმა პროპაგანდისტულმა მანქანამ მუშაობა დაიწყო აფხაზეთის საქართველოდან ჩამოცილების იდეოლოგიური საფუძვლების მოსამზადებლად. XX საუკუნის 30-40-იან წლებში, მოსკოვის წაქეზებით, ადგილობრივი პოლიტიკური ელიტა ცდილობდა აფხაზეთს განსაკუთრებული სტატუსი პქონოდა. სუპარატისტული ტენდენციები განსაკუთრებით გაძლიერდა XX საუკუნის 50-60-იან წლებში, ხოლო 80-იანი წლების ბოლოს მან აფხაზი მოსახლეობის ნაწილში რადიკალური ხასიათი მიიღო, რაც დაკავშირებული იყო საბჭოთა კავშირში დაწეებულ ე. წ. „გლასტნოსტისა“ და „პერესტროიკის“ პოლიტიკასთან. ამ დროს რუსეთში მიზანმიმართულად დაიწყო სტალინის პოლიტიკის კრიტიკა,

⁶⁶ხ. პაპასკირი, აფხაზეთის ისტორიის ნარკვევები. ტ. II. გვ. 58

რაც ხშირად ქართველი ხალხის ღანძღვასა და მისი ეროვნული ცნობიერების შეღახვისაკენ იყო მიმართული. საქმე იქამდე მივიდა, რომ ზოგიერთი რუსი ავტორი 1937 წლის პოლიტიკურ რეპრესიებს ქართველი ხალხის დანაშაულად აცხადებდა (თითქოსდა საქართველოს ეს საშინელი ტრაგედია არ შეხებოდა). რუსეთში წამოწყებულ ამ დიდ ანტიქართულ კამპანიას მოჰყვა ზოგიერთი აფხაზი მწერლისა და „სახელმწიფო“ პარტიული მუშაკის ანტიქართული გამოსვლები (მაგ. ფაზილ ისკანდერი, ალექსეი გოგუა, კონსტანტინე ოზგანი და ა. შ.) პრალელურად საქართველოში გაძლიერდა ეროვნულ-განმათავისუფლებელი მოძრაობა, რომელიც მიზნად ისახავდა საქართველოს დამოუკიდებლობის აღდგენას. ასეთ პირობებში რუსეთი შეეცადა აფხაზეთისა და ე.წ. სამხრეთ ოსეთის ავტონომიური სტატუსის მქონე რეგიონების საშუალებით პოლიტიკური ზეგავლენა მოეხდინა საქართველოზე და შეენარჩუნებინა აქ თავისი კონტროლი. ჯერ კიდევ საბჭოთა კავშირის დაშლამდე, რუსულმა პროპაგანდისტულმა მანქანამ აფხაზეთსა და ცხინვალის რეგიონში რამდენჯერმე სცადა კონფლიქტის ესკალაცია. საბჭოთა კავშირის დაშლამ დიდი კატაკლიზმები გამოიწვია ყოფილი საბჭოთა კავშირის სივრცეზე, მათ შორის საქართველოში. 1991-1992 წლებში მოსკოვის წაქეზებით დაწყებულმა სამოქალაქო დაპირისპირებამ თბილისში აფხაზ სეპარატისტებს იმედი ჩაუხახა აფხაზეთის საქართველოდან ჩამოცილებისა და

რუსეთის შემადგენლობაში შესვლის შესახებ. 1992 წელს აფხაზეთის უმაღლესი საბჭოს სესიამ ხმათა უმცირესობით (და რამდენიმე სხვა ეროვნების ქართველი დეპუტატის გარეშე) აფხაზეთის დამოუკიდებლობა გამოაცხადა, რასაც მოყვა 1992 წლის 14 აგვისტოს დროებითი სამხედრო საბჭოს მიერ საჯარისო შენაერთების შეყვანა აფხაზეთის ტერიტორიაზე. ასე დაიწყო ომი აფხაზეთში, რომელშიც ჩართული იყო რუსული სამხედრო შენაერთები და იგი აფხაზეთიდან 300 000 ქართველისა და სხვა ეროვნების მქონე ადამიანების (მათ შორის აფხაზების) გამოდევნით დასრულდა⁶⁷.

როგორც ვხედავთ, ტაივანსა და აფხაზეთში განვითარებული მოვლენები ძლიერ განსხვავდება ერთმანეთისაგან. აფხაზი სეპარატისტები თავიდან მოითხოვდნენ რუსეთთან შეერთებას, ხოლო შემდეგ შეცვალეს მოთხოვნა და დამოუკიდებლობა გამოაცხადეს. ამის არც სამართლებრივი და არც პოლიტიკური საფუძველი არ არსებობს. ჩინეთის დევნილი მთაერობა (ტაივანი) კი პირიქით, ყოველთვის აყენებდა ქვეყნის გაერთიანების საკითხს იდეოლოგიური და პოლიტიკური ბარიერების მოხსნის შემდეგ, ამ პროცესს მხოლოდ აშშ-სა და კომუნისტური ძალების კონფორმაცციამ შეუშალა ხელი. არის კიდევ რამდენიმე ასპექტი, რომელიც შეუძლებელს ხდის

⁶⁷ ზ. პაპასქირი. აფხაზეთის ისტორიის ნარკვევები. ტ. II. გვ. 368; აფხაზეთის ლაბორინთი, გვ. 69

ტაივანის მოდელის გამოყენებას აფხაზეთის მიმართ. არც ერთ სახელმწიფოს და მათ შორის აშშ-ს არ დაუყენებია საკითხი ტაივანზე რაიმე ფორმით პროტექტორატის დამყარებისა. მიუხედავდ იმისა, რომ ტაივანის რეჟიმი დამოკიდებული იყო აშშ-ს სამხედრო და ფინანსურ დახმარებაზე მათ, როგორც ჩინეთის სახელწიფოებრიობის ელემენტის მატარებლებმა შეინარჩუნეს ტაივანის-ჩინეთის რესპუბლიკის სუვერენიტეტი და ანგარიშგასაწვევი პოლიტიკური ძალა გახადეს სამხრეთ-აღმოსავლეთ აზიაში. ტაივანი 1971 წლამდე იყო გაეროს წევრი სახელმწიფო და დღესაც არის რიგი საერთაშორისო თუ რეგიონალური ორგანიზაციის წევრი. ანუ ის არის ნახევრად აღიარებული პოლიტიკური ერთეული და მიუხედავად ამისა, მზად არის ყველა შემთხმობილი პირობის შესრულების შემდეგ, გაერთიანდეს ჩინეთის კონტინენტალურ ნაწილთან. ამის მომხრეა აშშ-ც. აფხაზეთის დღევანდელი დე ფაქტო ხელისუფლება, პირიქით, მართვადი არის რუსეთიდან და მარიონეტის როლს ასრულებს. გარდა ამისა, არც ჩინეთმა და არც ტაივანმა არ დაუშვა ურთიერთობების ინტერნაციონალიზაცია. ეს საკითხი (კონფლიქტის ინტერნაციონალიზაციის) საერთოდ მნიშვნელოვანია კონფლიქტის მონაწილე მხარეებს შორის, რადგან ის იწვევს დამოკიდებულებას სხვა ქვეყნების პოლიტიკაზე, რაც მნიშვნელოვნად უშლის ხელს ურთიერთობის ნორმალიზაციას.

სოხუმის სეპარატისტულ რეჟიმს არ აქვს გათვითცნობიერებული კიდევ ერთი მნიშვნელოვანი დეტალი. დღეს მისი მოსახლეობის უმრავლესობას (მიუხედავად იმისა, რომ იქედან გამოდევნილია ქართული მოსახლეობის უდიდესი ნაწილი) სხვა ეროვნების ხალხები შეადგენს და აფხაზები მაინც უმცირესობაში არიან. დღესდღეობით ამ დემოგრაფიული დისბალანსის შევსებას ცდილობენ სომხები, რამაც შესაძლებელია (ამის ნიშნები უკვე არსებობს კიდევც), გამოიწვიოს კონფლიქტი იქ მცხოვრებ აფხაზებსა და სომხებს შორის⁶⁸. ტაივანში ამის პრობლემა არ არსებობს, რადგან მოსახლეობა მონონაციონალურია, რაც გამორიცხავს შიდა ეთნიკურ დაპირისპირებას.

პოლიტიკური ფონი, რომელშიც დღესდღეობით არსებობს სოხუმის სეპარატისტული რეჟიმი თავისი მეთოდებით და ფორმებით აბსოლუტურად ანტიდემოკრატიული და რასისტულია. მათი ლიდერების იდეოლოგია ფაშისტური იდეების ელემენტებს შეიცავენ, რაც დასავლეთისათვის სრულიად მიუღებელია⁶⁹.

განსხვავებით ტაივანისაგან, რომელსაც ფართო კულტურული და ეკონომიკური ხასიათის კონტაქტები აქვს მსოფლიოს სხვადასხვა ქვეყნებთან, აფხაზი სეპარატისტები

⁶⁸ აღხანიშნავია, რომ 2008 წლის აგვისტოს თმის შემდეგ, რუსეთი დობიერებს სომხურ მოსახლეობას აფხაზეთში.

⁶⁹ სოხუმის რეჟიმის წარმომადგენლები პირდაპირ აცხადებენ, რომ ქართველების ადგილი არახოდეს არ იქნება აფხაზეთში და თუ იქნება უკეთეს შემთხვევაში, როგორც სამუშაო ძალა.

მოკლებული არიან ასეთ საშუალებას, რაც ამცირებს მათ მიმართ შანსებს რაღაცა სახის ცნობადობაზე საერთაშორისო ურთიერთობებში. ბოლო დროს განვითარებულმა მოვლენებმა, კოსოვოს აღიარებასთან დაკავშირებით, მოსკოვს საბაბი მისცა ალაპარაკებულიყო სეპარატისტული წარმონაქმნების ცალმხრივ აღიარებაზე⁷⁰, რაც პერსპექტივაში რუსეთისათვის უფრო საზიანოა, რადგან მის ფედერაციაში ოცამდე ავტონომია არსებობს და მოვლენების ასე განვითარება საშიშ პრეცედენტს ამ ავტონომიების პოლიტიკური სტატუსის გაფართოებისათვის.

რუსეთის პოზიცია აფხაზეთისა და ცხინვალის რეგიონის მიმართ მიბმულია საქართველოს სურვილთან უსაფრთხოების მიზნით შევიდეს ნატოში. საგულისხმოა, რომ ჩვენი სწრაფვა ამ ორგანიზაციაში გაწევრიანებისაკენ სწორედ რუსეთის მიერ განხორციელებულმა ქმედებებმა გამოიწვია, რაც კიდევ ერთხელ ამტკიცებს თეზას, რომ რუსეთს ნეოსაბჭოური პოლიტიკა გააჩნია, რითაც ცდილობს გავლენის შენარჩუნებას ამ რეგიონში. უკანასკნელ ხანს, ბუქარესტის სამიტის შემდეგ განვითარებული მოვლენების ფონზე ღიად გამოჩნდა, რომ რუსეთი აპირებს საქართველოს ამ რეგიონის პირდაპირ ანექსიას⁷¹.

⁷⁰2008 წლის აგვისტოს ომმა რუსეთს ხელ-ფეხი გაუხსნა ეს მიზანი განხორციელებისა.

⁷¹როგორც ზემოთ აღვნიშნეთ, ეს უკვე დადასტურდა 2008 წლის აგვისტოს ომის შემდეგ განვითარებულმა მოვლენებმა.

აფხაზეთის და ტაივანის ეკონომიური განვითარების მოდელი. ტაივანმა თავისი არსებობის პირველივე წლებიდან მიზნად დაისახა განვითარებული ეკონომიკის შექმნა და იგი სამხრეთ-აღმოსავლეთ აზიის ქვეყნებს შორის ერთ-ერთი პირველთაგანი იყო, რომელმაც ეს გააკეთა. რა თქმა უნდა, ეს პროცესი რიგ შემთხვევაში დამოკიდებული იყო, როგორც საგარეო ფაქტორებთან, ასევე ადგილობრივი ხელისუფლების მცდელობასთან შეექმნა ისეთი სახის ეკონომიკა რომელიც ერთი მხრივ დაასაქმებდა მოსახლეობას, ხოლო მეორე მხრივ სრულად გამოიყენებდა საბაზრო ეკონომიკის უპირატესობას.

აშშ-მა ჯერ კიდევ 50-იანი წლების დასაწყისში აქტიურად დაიწყო ტაივანის ეკონომიკის რეფორმირება, რამაც თავისი შედეგი გამოიღო და 60-იანი წლების დასაწყისში ტაივანი სწრაფად განვითარებადი სახელმწიფო გახდა, რომელმაც ისეთი დარგების განვითარება დაიწყო, რომელიც ყველაზე პერსპექტიული აღმოჩნდა. კერძოდ მანქანათმშენებლობის, ელექტრონიკის, ქიმიური წარმოების და ა.შ. რა თქმა უნდა, ამას ხელი შეუწყო აშშ-ს მიერ ტაივანისათვის გასაღების ბაზრის გახსნამაც, რაც თავისთავად დიდი სტიმული იყო. ტაივანის ეკონომიკური განვითარება აშშ-ს პოლიტიკის გაგრძელება იყო, რომელიც მიზნად ისახავდა ეხვეწებინა აშშ-ს პოლიტიკური და ეკონომიკური დოქტრინის უპირატესობა კონტინენტალური ჩინეთის ყაზარმული ცხოვრების წესისგან. ორ ქვეყანას შორის იდეოლოგიურმა მეტოქეობამ

ეკონომიკის სფეროში გადაინაცვლა. დენ ხიათ პინმა, რომელიც ჩინეთის რეფორმატორად ითვლება, სწორედ ტაივანისგან აიღო განვითარების ეკონომიური მოდელი, რომელიც მიუხადავა მისი მმართველობის ფორმას. დღეს ტაივანი ერთ-ერთი წამყვანი ქვეყანაა მსოფლიოში, რომლის შემოსავალი ერთ-სულ მოსახლეზე 20-25 ათას დოლარს შეადგენს და ფაქტობრივად უტოლდება ისეთი ეკონომიკური მონსტრების მანვენებელს, როგორიც არის იაპონია, კორეა, აშშ.⁷²

განსხვავებით ტაივანისაგან, აფხაზეთის ეკონომიკა, მიუხედავად თავისი 20 წლიანი „დამოუკიდებლობისა“, არათუ განვითარდა, არამედ სრულიად მოიშალა. ამას თავისი მიზეზები აქვს: პირველ რიგში არ არსებობს ეკონომიკური იდეოლოგია, რომელიც დაფუძნებული იქნება ამა თუ იმ ეკონომიკურ თეორიას, რაც აუცილებელი პირობაა ეკონომიური განვითარებისათვის. არ არსებობს ინვესტიციების დაცვის მექანიზმისათვის აუცილებელი საკანონმდებლო ბაზა. და ბოლოს, ბიუროკრატიული აპარატის პასიურობა. 1995 წლიდან შემოდებული ეკონომიკური ბლოკადა აფხაზეთის მიმართ მხოლოდ ფორმალურ ხასიათს ატარებდა, რაც მხოლოდ აფხაზეთის ბიუროკრატიის უნიათობის გამართლების საშუალებაა. მოსახლეობის სიმწირემ და ინვესტიციების შიშმა, რომ აფხაზეთში ინვესტიციები ხარისკო საქმეა და არ გააჩნია არავითარი საერთაშორისო

⁷² www.taiwan.org

გარანტიები, დიდი როლი ითამაშა დღევანდელ ეკონომიკურ დისბალანსზე.

ეკონომიკური სანქციების მოხსნამ რუსეთის მხრიდან თითქოს სტიმული უნდა მისცეს აფხაზეთის ეკონომიკურ განვითარებას, მაგრამ საეჭვოა, რადგან ამისათვის საჭიროა მთელი რიგი რეფორმების გატარება, რომლისთვისაც მოსახლეობა და მთი უფრო სეპარატისტული დე ფაქტო ხელისუფლება, მზად არ არის. ერთადერთი სტიმულატორი მათი ეკონომიკისა რომელიც რეალურად ფუნქციონირებს არის სოფლის მეურნეობის პროდუქციის გატანა რუსეთის ბაზარზე, მაგრამ პროდუქციის დაბალი ხარისხის გამო ამას დიდი გავლენა არ აქვს მოსახლეობის შემოსავლებზე.⁷³ ტაივანის ეკონომიკა კი XXI საუკუნის ეკონომიკა და აფხაზეთი ცალკე ვერასოდეს შეძლებს მსგავსი ეკონომიკური მაჩვენებლის შექმნას. ამის გაკეთება შესაძლებელია მხოლოდ იმ შემთხვევაში თუ საბოლოოდ დარეგულირდება ეს კონფლიქტი და ყველა ბარიერი მოიხსნება საბაზრო ეკონომიკის განვითარებისთვის.

ამრიგად ტაივანისა და აფხაზეთის საკითხის იბტორიული და პოლიტიკური ასპექტების შედარება-შეხვედრა ცხადყოფს, რომ ამ ორ პოლიტიკურ პრობლემას მოხვეწებითი პარალელები გააჩნია, რადგან მათი წარმოშობისა და განვითარების მიზეზები ერთმანეთისაგან მკვეთრად

⁷³ აფხაზეთის შემოსავალმა 2008 წელს შეადგინა ოფიციალური მონაცემებით 25 მილიონი დოლარი შეადგინა www.abkhazia.ru

განსხვავებულია. ტაივანის შემთხვევაში საქმე გვაქვს ჩინეთის გომინდანის ლეგიტიმური ხელისუფლების არსებობის გახანგრძლივებასთან კუნძულზე, ხოლო აფხაზეთში პირიქით უცხო ქვეყნის მიერ სეპარატისტულად განწყობილი მოსახლეობის ერთ ნაწილზე დაყრდნობით ადგილი აქვს საქართველოს ტერიტორიის ანექსიის პირდაპირ მცდელობას. შესაბამისად, ტაივანის მოდელის შედარება, ან გამოყენება აფხაზეთში მიუღებელია, რადგან ტაივანში აშშ-ს მხრიდან ადგილი კქონდა იდეოლოგიურად განსხვავებული ჩინეთის ლეგიტიმური ხელისუფლების მხარდაჭერას, ხოლო აფხაზეთის შემთხვევაში, რუსეთის მხრიდან ადგილი აქვს სეპარატისტული რეჟიმისადმი მხარდაჭერას, რეგიონში რუსეთის პოლიტიკური გავლენის შენარჩუნების მიზნით.

ზეწოდის საშუალება ჩინეთსა და საბჭოთა კავშირზე. აქედან გამომდინარე, მისი როლი და ადგილი აშშ-ს საგარეო პოლიტიკაში მნიშვნელოვანწილად განსაზღვრული იყო მისი მისი გეოპოლიტიკური და სტრატეგიული მდებარეობით. კორეის ეკონომიკურმა აღმავლობამ კიდევ უფრო გაამყარა ამ ქვეყნის მნიშვნელობა აშშ-ს საგარეო პოლიტიკაში, როგორც შორეულ აღმოსავლეთში, ასევე სამხრეთ - აღმოსავლეთ აზიაში

სსრკ-ს მხრიდან წარმოებული კომუნიზმის ექსპორტის პოლიტიკა გახდა პირველი გამოცდა ახალი გეოპოლიტიკური გეგმისა, რომელიც შემუშავებული იქნა აშშ-ს პრეზიდენტ ჰარი ტრუმენის დროს და ითვალისწინებდა „კომუნიზმის შეკავებას“ მის მთელ პერიმეტრზე. ამ გეგმის შედეგი იყო ის, რომ გამწვავდა კონფრონტაცია ზემოთხსენებულ ორ იდეოლოგიურ ბანაკს შორის და წარმოიშვა ლოკალური ომების დიდი საფრთხე მსოფლიოს სხვადასხვა წერტილებში. მათ შორის კორეაში, რომელსაც მოჰყვა ამ ქვეყნის ორად გაყოფის დაკანონება. ფართომასშტაბიანი ომი კორეაში 1950-1954 წლებში მიმდინარეობდა, როცა მის სამხრეთ ნაწილში ბირთვული იარაღი განათავსეს, რითაც აშშ ზეწოლას ახდენდა კომუნისტურ ჩრდილოეთ კორეასა და ჩინეთზე.

კორეის ადგილი და როლი საერთაშორისო პოლიტიკაში მეორე მსოფლიო ომის დასრულების შემდეგ. წინააღმდეგობების წარმოშობა სამხრეთ-აღმოსავლეთ აზიაში და-

კავშირებულია ორი იდეოლოგიურად დაპირისპირებული ძალის ინტერესთა შეჯახებით. ერთი მხრივ საბჭოთა კავშირი და ჩინეთი და მეორე მხრივ აშშ და მისი პარტნიორები. საბჭოთა კავშირისა და ჩინეთის მიერ წარმოებული კომუნიზმის ექსპორტის პოლიტიკა და პარი ტრუმენის „კომუნიზმის შეკავების“ დოქტრინა გახდა ამოხაველი წერტილი მწვავე ლოკალური კონფლიქტისა ამ რეგიონში, სადაც პირველად გამოიცადა იდეოლოგიურად დაპირისპირებული ორი ბანაკის პოლიტიკური და სამხედრო შესაძლებლობები.

საყურადღებოა ის ფაქტი, რომ ამერიკის შეერთებული შტატების რეაქცია ამ რეგიონში მიმდინარე პოლიტიკურ მოვლენებზე არ იქნებოდა ასეთი მწვავე, საბჭოთა კავშირის ჩარევით რომ არ მომხდარიყო კომუნისტური რეჟიმების ჩამოყალიბება ჩინეთსა და ჩრდილოეთ კორეაში.

ეს მოვლენები აშშ-ს მიერ აღქმული იქნა, როგორც მცდელობა კომუნისტური იდეოლოგიის გავრცელებისათვის აზიაში, რაც შემდგომში დამლუკველი იქნებოდა დასავლეთის დემოკრატიული ღირებულებებისათვის.

1953 წელს სტალინის გარდაცვალების შემდეგ ჩინეთის ხელმძღვანელობამ სცადა შეემცირებინა საბჭოთა გავლენა სამხრეთ აღმოსავლეთ აზიის რეგიონის ქვეყნებზე. ბუნებრივია, კომუნისტურ ჩინეთს სურდა იმ მისიის კვლავ აღდგენა, რომელიც მას საუკუნეების მანძილზე ჰქონდა სამხრეთ - აღმოსავლეთ აზიაში. უნდა აღინიშნოს, რომ

წრდილოეთ კორეის რეჟიმი მაშინაც და დღესაც ჩინეთ-ზეა დამოკიდებული, როგორც პოლიტიკური, ასევე ეკონომიკური თვალსაზრისით.

აშშ-ის პოლიტიკა კორეის ნახევრკუნძულზე 1950-1970-იან წლებში. XX საუკუნის 50-იან წლებში აშშ-ს სსრკ-სა და ჩინეთის პოლიტიკური დაპირისპირების ფონზე კორეის ადგილზე ჩამოყალიბდა ორი განსხვავებული პოლიტიკურ – ეკონომიკური სისტემის მქონე სახელმწიფო. წრდილოეთით კომუნისტური კორეა და სამხრეთ კორეა. XX საუკუნის 50-60-იანი წლების პირველი ნახევარი ყველაზე მწვავე პერიოდია იდეოლოგიურად დაპირისპირებულ ბანაკებს შორის. ამ დროს სამხრეთ – აღმოსავლეთ აზიის კიდევ ერთ რეგიონში ინდოჩინეთში მოხდა ვითარების ესკალაცია, რამაც ამერიკის შეერთებული შტატები აიძულა ატომური იარაღი განეღაგებინა სამხრეთ კორეაში. ეს მოვლენები მიმართული იყო კომუნისტური ჩინეთის პოლიტიკური გავლენის შესუსტებისაკენ. ამერიკის შეერთებული შტატები შეეცადა ამ ნაბიჯით დროებით დაებალანსებინა ვითარება სამხრეთ-აღმოსავლეთ აზიაში, რათა არ დაეშვა კომუნისტური იდეოლოგიის შემდგომი გავრცელება და გაფართოების შესაძლებლობები. გარდა ამისა, ამერიკის შეერთებული შტატების წინაშე ამ დროს სხვა სახის ამოცანებიც. იდგა, კერძოდ, ეკონომიკური სახის ამოცანა, რომელიც ითვალისწინებდა სამხრეთ კორეაში ისეთი ეკონომიკური მოდელის შექმნას, რომელიც სამხრეთ-აღმოსავლეთ აზიისა და დან-

არჩენ ქვეყნებს საბაზრო ეკონომიკის უპირატესობას დაანახებდა სოციალისტურ ეკონომიკურ პრინციპებთან შედარებით.

ბუნებრივია, ამერიკის შეერთებულმა შტატებმა ეს პოლიტიკა გაატარა დიდი ინვესტიციების გაღების ხარჯზე, რომელმაც სამხრეთ კორეაში დიდი ეკონომიკური აღმავლობა გამოიწვია.

რიჩარდ ნიქსონის ახალი საგარეო პოლიტიკური კურსი და კორეის საკითხი 1969-1974 წლებში. XX საუკუნის 60-იანი წლების მიწურულსა და 70-იანი წლების დასაწყისში ამერიკის შეერთებული შტატების მიერ შემუშავებული იქნა ახალი საგარეო პოლიტიკური კურსი. ეს კურსი ძირითადად, შემუშავდა კორეის საკითხთან მიმართებაში. ვიეტნამის ომის მოსალოდნელმა უარყოფითმა შედეგებმა, ანტიამერიკულმა განწყობილებამ მთელ მსოფლიოში, ფინანსური რესურსების შემცირებამ და ბოლოს 1969 წელს რიჩარდ ნიქსონის⁷⁵ გაპრეზიდენტებამ გამოიწვია აშშ-ს საგარეო კურსის მნიშვნელოვანი კორექცია. ნიქსონის ადმინისტრაცია ცდილობდა გაესწორებინა ამერიკული პოლიტიკის „ახიური გადახრა“ და აქცენტი გაეკეთებინა ჩინეთთან დაახლოებაზე, რომელიც მოხსნიდა დაძაბულობას ამ რე-

⁷⁵ რიჩარდ მილტონ ნიქსონი, 1913-1994 წწ - ამერიკის შეერთებული შტატების 37-ე პრეზიდენტი რესპუბლიკური პარტიიდან 1969-1974 წლებში. ამერიკის ერთადერთი პრეზიდენტი, რომელიც თანამდებობიდან გადადგა (ცნობილი „უოთერგეიტის სკანდალის“ შემდეგ. 1953-1961 წლებში დუაიტ ეისენჰაუერის პრეზიდენტობის დროს მას ვიცე-პრეზიდენტის თანამდებობა ეკავა.

გიონში და საშუალებას მისცემდა ყურადღება გადაეტანა სხვა საკითხებზე.

ისტორიული ფაქტების სათანადო პოლიტიკურიანალიზის საფუძველზე მივიღივართ იმ დასკვნამდე, რომ ნიქსონის ახალმა საგარეო-პოლიტიკურმა დოქტრინამ საგრძნობლად შეცვალა აშშ-ს საგარეო პოლიტიკური კურსი. მისი არსიც მდგომარეობდა იმაში, რომ თუ ადრე აშშ უპირობოდ იღებდა თავის თავზე ამა თუ იმ ქვეყნის უსაფრთხოების დაცვას, ახალი დებულების თანახმად, აშშ დაეხმარებოდა ყველა მოკავშირეს იმ შემთხვევაში, თუ ამ ქვეყნის უსაფრთხოება მნიშვნელოვანი იყო აშშ-ს უსაფრთხოებისათვის და მას დაემუქრებოდა „ატომური იარაღის მქონე“ სხვა სახელმწიფო (ასეთი ბევრი არ იყო მაშინ), ამ შემთხვევაში აშშ მას გადააფარებდა „ატომურ ფარს“, ხოლო სხვა სახის აგრესიული ქმედებების დროს ასეთ ქვეყანას ის მხოლოდ ეკონომიკურ და სამხედრო დახმარებას გაუწევდა, მაგრამ არა ცოცხალი ძალით⁷⁶.

ამ პოლიტიკის არსი კორეის მიმართ მდგომარეობდა იმაში, რომ სამხრეთ კორეას თავის თავზე უნდა აეღო თავდაცვითი ფუნქციები, რაც ერთი მხრივ მანკუნებელი იყო, რომ დღის წესრიგიდან ჩინეთის საკითხი მოიხსნა, ხოლო მეორე მხრივ სამხრეთ კორეის სიძლიერეზე მეტყველებდა. რა თქმა უნდა, ასეთ შემთხვევაში ჩვენ გვერდს

⁷⁶Международные отношения в Южной, Юго-Восточной Азии и на Дальнем Востоке (1945-1962гг) М. 1978.

ვერ აეუკლით ისეთ საკითხს, როგორც იყო აშშ-ს პოზიცია ორი კორეის გაერთიანების შესახებ და მათ შორის სამშვიდობო ხელშეკრულების (დღესაც ეს ქვეყნები დროებითი ზავის პირობებში იმყოფებიან) დადების საკითხს. კორეა ის ქვეყანა აღმოჩნდა, სადაც ყველაზე მეტად გამოჩნდა აშშ-ს აზიური პოლიტიკის ძლიერი და სუსტი მხარეები.

ამრიგად, გამომდინარე აშშ-ის პოლიტიკური და ეკონომიკური შესაძლებლობიდან, მეორე მსოფლიო ომის შემდეგ, მას თავის თავზე უნდა აეღო და აიღო კიდევ ლიდერის როლი დასავლეთის ქვეყნების მხრიდან. მისი პოლიტიკა – სამხრეთ-აღმოსავლეთ აზიაში, ერთი მხრივ იყო გამოძახილი ძველი კოლონიური პოლიტიკისა და მეორეს მხრივ პრაგმატული პოლიტიკური გათვლებისა. აშშ-ს კორეულ პოლიტიკაში მიზანი არამარტო ეს ქვეყანა იყო არამედ კომუნისტური ჩინეთი და მისი იზოლაციის მცდელობა დიდი აზიური პოლიტიკიდან. აშშ-ს საგარეო პოლიტიკის საბოლოო შედეგი იყო ისეთი ბუფერის (და ეს სამხრეთ კორეა უნდა ყოფილიყო) შექმნა, რომელიც გაანეიტრალებდა იმ პერიოდში სამხედრო დაპირისპირებას ორ ძირითად სამხედრო პოლიტიკურ ბლოკს შორის⁷⁷.

⁷⁷ Киссинджер Г. Дипломатия. М. 1997. გვ. 204

თაზო IV

1973 წლის ახლო აღმოსავლეთის კონფლიქტი აშშ-სა და საბჭოთა კავშირის ურთიერთობებში

ახლო აღმოსავლეთი ისტორიულად მრავალი სახელმწიფოს ინტერესთა გადაკვეთის არეალი იყო. ამ რეგიონში ისრაელის სახელმწიფოს შექმნით საფუძველი დაედო კონფლიქტს, რომელიც დღემდე გრძელდება მუსლიმანურ სამყაროსა და ისრაელის სახელმწიფოს შორის. 1973 წლის კონფლიქტი ერთ-ერთი მორიგი პრობლემა იყო XX საუკუნის II ნახევრის მსოფლიო პოლიტიკაში, რომელმაც დიდი როლი ითამაშა შემდგომი პერიოდის საერთაშორისო ურთიერთობების ფორმირებაზე.

ახლო აღმოსავლეთი ენერგო რესურსების მსოფლიო მარაგით პირველ ადგილზეა მსოფლიოში, ბუნებრივია რომ ეს აშშ-ს, რუსეთისა და დასავლეთის ქვეყნების მხრიდან არამარტო პოლიტიკურ, არამედ ეკონომიკურ დაინტერესებაც იწვევს. დაწეებული XIX საუკუნიდან ეს რეგიონი დასავლეთის გაყვების სფეროდ ითვლებოდა. არაბებსა და ებრაელებს შორის არსებული პოლიტიკურ დაპირისპირებას, როგორც რელიგიური, ასევე ეკონომიკური ფესვები აქვს. ამას დაემატა არაბთა ტერიტორიების ანექსია XX საუკუნის 50-60-იან წლებში და იერუსალიმისა და პალეს-

ტინის პრობლემა, რომელმაც საბოლოოდ ჩიხში შეიყვანა კონფლიქტის მოგვარების გზები.

ეგვიპტის ხელისუფლებაში აბდელ ნასერის⁷⁸ მოხელის შემდეგ კონფლიქტი არაბულ სამყაროსა და ისრაელს შორის კიდევ უფრო გამწვავდა. 1967 წლის ომში⁷⁹ არაბულ სამყაროსა და ისრაელს შორის, ეგვიპტე დამარცხებული გამოვიდა, რადგან მან სინას ნახევარკუნძული დაკარგა. ბუნებრივია, ეგვიპტე ემზადებოდა რევანშისათვის, რათა დაკარგული ტერიტორიები დაებრუნებინა. ეგვიპტის სამზადისი შეუმჩნეველი არ დარჩენილა ისრაელისათვის, რომელიც ასევე ომისთვის ემზადებოდა.

ამერიკის შეერთებული შტატები და საბჭოთა კავშირი დიდი ყურადღებით ადევნებდნენ თვალს ახლო აღმოსავლეთში, უფრო მეტიც ორივე მათგანი ელოდა გარკვეულ

⁷⁸ ნასერი - აბდელ ჰამალ ნასერი (1918-1970) - ეგვიპტის სახელმწიფო და პოლიტიკური მოღვაწე. 1956 წლიდან ეგვიპტის პრეზიდენტი გარდაცვალებამდე. იყო მიუმხრობელი მოძრაობის ერთ-ერთი დამაარსებელი.

⁷⁹ 1967 წლის ახლო აღმოსავლეთის კონფლიქტი მიმდინარეობდა არაბულ სამყაროსა და ისრაელს შორის სინას ნახევარკუნძულზე. ეგვიპტემ, იორდანია და სირია შექმნეს სამხედრო-პოლიტიკური კავშირი ისრაელის წინააღმდეგ. პრეზიდენტმა ნასერმა 1967 წელს მიადწია რა გაეროს დამკვირვებლების გაყვანას სინას ნახევარკუნძულიდან შეიყვანა იქ ეგვიპტის ჯარები და 22 მაისს მოახდინა ტირანის სრუტის ბლოკირება. რომელიც ისრაელისათვის ხახიცოცხლო მნიშვნელობის საზღვაო არტერიას წარმოადგენდა. აქედან გამომდინარე, ისრაელის მიხისტრთა კაბინეტმა 1967 წლის 3 ივნისს მიიღო გადაწყვეტილება დაეწყო საბრძოლო ოპერაცია სახელით „მტრები“. საომარი მოქმედებები 7 დღე მიმდინარეობდა და დასრულდა ისრაელის არმიის სრული გამარჯვებით.

პოლიტიკურ დივიდენდებს მომავალი კონფლიქტიდან და მხად იყვნენ კონფლიქტის გაღვივების შემთხვევაში საკუთარი ინტერესების შესაბამისად ემოქმედათ. აღსანიშნავია, რომ ამ პოლიტიკურ თამაშში ორივე მათგანს გააჩნდა თავის სუსტი და ძლიერი მხარეები, რაც კონფლიქტის მიმდინარეობის დროს კარგად გამოვლინდა.

ევროპა და აშშ ნათობის უმსხვილესი მომხმარებლები და იმპორტიორები არიან და მათთვის მახლობელ აღმოსავლეთს სახიცოცხლო მნიშვნელობა აქვს. პოლიტიკური მეტოქეობაც უფრო აშკარა და თვალშისაცემი ჩანდა, რადგან ამ რეგიონში საბჭოთა კავშირსაც თავისი პოლიტიკური ინტერესები გააჩნდა.

ამერიკის შეერთებული შტატები და საბჭოთა კავშირი ცდილობდნენ მახლობელი აღმოსავლეთის კონფლიქტში საკუთარი პოლიტიკური თამაში ეთამაშათ, რომელიც მათთვის ნაცნობი იყო და არ შეიცავდა მოულოდნელობის ელემენტებს. მიუხედავად ამისა, 1973 წლის ომმა და შემდგომმა პროცესებმა სრულიად ახალი პოლიტიკური სურათი წარმოადგინეს მახლობელი აღმოსავლეთის მოულოდნელობებით აღსავსე ურთიერთობებში.

კონფლიქტის კვლევა უნდა დაეფუძნოს ხაერთაშორისო ურთიერთობების პოლიტიკური რეალიზმის თეორიას, რომლის დროსაც ხდება ფაქტების ანალოგია ისტორიულ მოვლენებთან და ზოგადი, დროის გარეშე არსებული

საერთო ჭეშმარიტების დადგენა.⁸⁰ პოლიტიკური რეალიზმის მეთოდი ამ შემთხვევაში განსაზღვრავს არამარტო სახელმწიფოთა ძალთა ბალანსს, არამედ მათი ეროვნული ინტერესების დაცვას. 1973 წლის კონფლიქტში ისრაელიც და ეკვიპტეც ცდილობდნენ ერთის მხრივ, დაეცვათ თავიანთი პოლიტიკური ინტერესები და ეროვნული უსაფრთხოება, მაგრამ ამავე დროს ორივე მათგანი დამოკიდებული იყო ამერიკის შეერთებული შტატებისა და საბჭოთა კავშირის სამხედრო დახმარებაზე. ახლო აღმოსავლეთის 1973 წლის კონფლიქტი, მართალია ამ ორი დიდი ქვეყნის პოლიტიკური სცენარით დაიწყო, მაგრამ ისინიც კი უძლურნი აღმოჩნდნენ გაეთვალისწინებინათ და გადაელახათ ის იმპულსურობა, რომელიც დამახასიათებელია ამ რეგიონის მოსახლეობისა და პოლიტიკური ელიტისათვის.

1973 წლის კონფლიქტის შესახებ სხვადასხვა სახის ლიტერატურა არსებობს, მათ შორის არის ტენდენციური ნარკვევებიც, მაგრამ განსაკუთრებული აღვილი უკავია ოფიციალურ დოკუმენტებს: გაეროს უშიშროების საბჭოს და გენერალური ასამბლეის მიერ მიღებულ რეზოლუციებს, ასევე სხვა სახის დოკუმენტაციას, რომელიც განთავსებულია გაეროს ოფიციალურ ვებ გვერდზე⁸¹. საინტერესოა ახლახან ინტერნეტში, აშშ-ს ეროვნული უშიშროების ოფი-

⁸⁰ ზ. დავითაშვილი, მეთოდის პრობლემა საერთაშორისო ურთიერთობების კვლევისას, წელიწადი „ქართული დიპლომატიკა“, ტ. 6. თბ. 1999. გვ. 256.

⁸¹ [http://www.un.org/\(documents\)sc/res/](http://www.un.org/(documents)sc/res/)

ციადურ ვებ გვერდზე განთავსებული 1973 კონფლიქტის ამსახველი მასალები უილიამ ბერის რედაქტორობით.⁸² თემის გარშემო არსებობს მრავალრიცხოვანი სხვადასხვა სახის ლიტერატურა, როგორც ინგლისურენოვანი ასევე რუსული, ყოველ ავტორს თავისი განსხვავებული ხედვა აქვს პრობლემისადმი, საბჭოური პერიოდის რუსი ავტორების გამოკვლევები იდეოლოგიზირებულია, სადაც ბერი საინტერესო მომენტი საერთოდ მიჩქმალულია და თუ მათ დავეუჯერებთ საბჭოთა კავშირს მხოლოდ და მხოლოდ ამ ქვეყნების ეროვნული ინტერესების დაცვა აინტერესებდა და არა თავისი გეოპოლიტიკური გავლენის გაფართოება ახლო აღმოსავლეთში. მიუხედავად ამისა, თუ კრიტიკულად მივუდგებით ამ გამოკვლევებს ეს საშუალებას მოგვცემს გავვეცნოთ საბჭოთა პოლიტიკის ხედვას აღნიშნული პრობლემისადმი.⁸³ საინტერესოა ქართველი ავტორების ნაშრომები, ისინი გამოირჩევიან პრობლემისადმი საინტერესო მიდგომით და ბევრ ფაქტოლოგიურ მასალასაც შეიცავენ.⁸⁴

⁸² W. Berr. The October War and US Policy. The National Security Archive USA. October 2003. <http://www.gwu.edu/~nsarchiv/NSAEBB/98/index2.htm#1>

⁸³ **Примаков Е.** История одного заговора. М 1988.; **Осипов А.** США и Арабские страны в. 70 в начале 80 годов. М 1983; **Наборов В. А.** Внешнеполитическая политика США и развивающиеся страны **Игнатов П. Д.** Военная тактика и стратегия в Арабо-Израильских войнах во второй половине XX в. М. 2001.

⁸⁴ ა. ციციანიძე. ახლო აღმოსავლეთის პრობლემის გადაწყვეტის ორი გზა თბ. 1989. ქართული დიპლომატიური ლექსიკონი. ტ. 1-2 თბ. 2000; შ. დათიაშვილი წყლის პრობლემა 78

საყურადღებოა, აშშ-ს პოლიტიკური მოღვაწის კ. კისინჯერის მოსაზრებები აღნიშნული პრობლემის გარშემო, რომელიც აშშ მიდგომას ასახავს ახლო აღმოსავლეთის პოლიტიკისადმი.

აშშ-სა და სსრკ-ს ინტერესების დაპირისპირება ახლო აღმოსავლეთში 60-70-იან წლებში. აშშ-სა და საბჭოთა კავშირის 60-70-იან წლებში თავისი პოლიტიკური ხედვა გააჩნდათ მახლობელ აღმოსავლეთში მიმდინარე პოლიტიკურ პროცესებზე. მას შემდეგ, რაც გადაწყდა, რომ მეორე მსოფლიო ომის შემდეგ, ინგლისის ყოფილ სამანდატო ტერიტორიაზე პალესტინაში, გაეროს რეზოლუციის თანახმად, უნდა დაარსებულიყო ორი სახელმწიფო – პალესტინა და ისრაელი, ეს რეგიონი დაძაბულობის კერად გადაიქცა. ისრაელს სურდა მხოლოდ ისრაელის სახელმწიფო დაარსებულიყო.⁸⁵ თავის მხრივ, არაბული სამყარო ვერ ურიგდებოდა ისრაელის სახელმწიფოს წარმოქმნას ამ რეგიონში. ისრაელს იმთავითვე ტერიტორიული პრეტენზიები და რამდენიმე სამხედრო კონფლიქტიც ჰქონდა მეზობელ არაბულ სახელმწიფოებთან.

XX საუკუნის 50-იან წლებში ეროვნულ-განმათავისუფლებელი მოძრაობის გაშლამ მახლობელი აღმოსავლეთის ქვეყნებში (პირველ რიგში ეგვიპტეში) კოლო-

ახლო აღმოსავლეთის ქვეყნების საერთაშორისო ურთიერთობებში, დიპლომატიური წყვილწლეული, ტ. 6, თბ. 2000; შ. დათიაშვილი, წყლის კრიზისი მდ. იორდანეს აუზში და 1967 წლის ომი, ქართული დიპლომატია, ტ. 7, თბ. 2001.

⁸⁵ ისრაელის სახელმწიფო დაარსდა 1948 წლის 14 მაისს

ნიური ურთიერთობების დემონტაჟის მიზნით შესაძლებელი გახადა ამ ქვეყნებში ხელისუფლების სათავეში ისეთი პოლიტიკური რეჟიმების მოსვლა, რომელთა იდეოლოგია ერთგვარი ნაზავი იყო არაბული ნაციონალიზმისა და სოციალიზმის ელემენტებისა. 1952 წელს ეგვიპტეში აბდელ ჰამალ ნასერის ხელისუფლებაში მოსვლის შემდეგ, მან ბრძოლა დაიწყო ქვეყნის სუვერენული უფლებების დაცვისათვის, ხოლო 1956 წელს სუეცის არხის ნაციონალიზაციის შემდეგ,⁸⁶ ფაქტობრივად, არაბული სახელმწიფოების ლიდერი გახდა. სუეცის არხის ნაციონალიზაციამ დასავლეთის სახელმწიფოებს ეგვიპტის მიმართ აგრესიული ქმედებისაკენ უბიძგა, რათა არ დაეშვათ არამარტო ეგვიპტის, არამედ სხვა არაბული სახელმწიფოების გახვლა მათი გავლენის სფეროდან. ეს მოვლენები საბოლოოდ 1956-1957 წლების სამხედრო კონფლიქტით დასრულდა ინგლის-საფრანგეთსა და ეგვიპტეს შორის. ეგვიპტის უკან საბჭოთა კავშირი იდგა, რომელიც აცხადებდა, რომ ნასერმა თავად მიმართა საბჭოთა კავშირს თხოვნით გაეწია მისთვის

⁸⁶ 1956 წლამდე სუეცის არხზე კონტროლს ინგლისელები ახორციელებდნენ, რომელთა ყოველწლიური შემოსავალი 100 მილიონ გირვანქას შეადგენდა გაეროს უშიშროების ხაჭომ 13 XII. 1956 წელს დაადასტურა ეგვიპტის სუვერენიტეტი არხზე. ეგვიპტის მხრიდან გაკეთდა განცხადება, რომ იგი პატივს სცემდა ნაოსნობის თავისუფლებას კონსტანტინოპოლის კონვენციის შესაბამისად. (კონსტანტინოპოლის კონვენციას სუეცის არხის შესახებ 1888 წელს ხელი მოაწერა საფრანგეთმა, დიდმა ბრიტანეთმა, რუსეთმა, ავსტრია-უნგრეთმა, პოლანდიამ და თურქეთმა. მოგვიანებით მას შეუერთდნენ საბერძნეთი, დანია, ნორვეგია, პორტუგალია, შვეიცია, ჩინეთი და იაპონია). ციტ. ქართული დიპლომატიური ლექსიკონი ტ. II გვ. 236.

სამხედრო და ეკონომიკური დახმარება, რომელიც შემდგომ ორი ქვეყნის მჭიდრო სამხედრო-პოლიტიკურ ურთიერთობებში გადაიზარდა.

გარდა ამისა, „ცივი ომის“ პირობებში საერთაშორისო ვითარების დაძაბულობამ მახლობელი აღმოსავლეთის რეგიონი ორ ზესახელმწიფოს კონფრონტაციის კერად შორის გადააქცია, რომლებიც მოქმედებდნენ თავიანთი მოკავშირეების მეშვეობით. ამავე დროს აშშ-სა და საბჭოთა კავშირს გააჩნდათ თავიანთი სამხედრო-პოლიტიკური და ეკონომიკური ინტერესებიც. აქტობრივად, ეს რეგიონი 60-იანი წლებისათვის ჩამოყალიბდა ფარული თუ აშკარა მეტოქეობის ზონად ორ მძლურ სამხედრო-პოლიტიკურ ბლოკს - ნატოსა⁸⁷ და ვარშავის პაქტის⁸⁸ სახელმწიფოებს შორის, ხოლო პალესტინის პრობლემამ⁸⁹ მას დამატებითი ინტრიგა შესძინა.

⁸⁷ნატო – ჩრდილო ატლანტიკური ხელშეკრულების ორგანიზაცია. ინგლისურად: North Atlantic Treaty Organisation, NATO – სამხედრო კავშირი, რომელიც შეიქმნა 1949 წლის 4 აპრილს ვაშინგტონში. იხილეთ ვებ-გვერდი: <http://www.nato.int>.

⁸⁸ ვარშავის პაქტი – ვარშავის პაქტი, ანუ ვარშავის ხელშეკრულება. დაარსდა 1955 წელს ვარშავაში ცენტრალური და აღმოსავლეთ ევროპული კომუნისტური ქვეყნების მიერ ნატოს აღიანისის მიერ შექმნილი სავარაუდო საფრთხის დასაბადანსებლად. ვარშავის პაქტი 1991 წლის ივლისში დაიშალა.

⁸⁹პალესტინის პრობლემა – ახლო აღმოსავლეთის რეგულირების საკვანძო საკითხი, რომელიც დაკავშირებულია პალესტინის ხალხის უფლების უზრუნველყოფასთან, თვითგამორკვევისა და საკუთარი დამოუკიდებელი სახელმწიფოს შექმნასთან. ეს პრობლემა სათავეს იღებს 1948 წლიდან, როდესაც გაეროს გენერალური ასამბლეის 1947 წლის 29 ნოემბრის 181 რეზოლუციის თანახმად, პალესტინა გამოცხადდა ებრაულ და არაბულ სახ-

ახლო აღმოსავლეთის რეგიონს აშშ-სთვის, საბჭოთა კავშირთან გლობალური დაპირისპირების პირობებში, სამხედრო სტრატეგიული მნიშვნელობა ჰქონდა. ომის შემთხვევაში აქედან შესაძლებელი იყო სსრკ-ზე სამხედრო დარტყმის მიყენება ხმელთაშუა ზღვაზე ბაზირებული ამერიკული ხომალდების მეშვეობით, მეორე მხრივ აშშ-სა და დასავლეთის ინტერესებს შეადგენდა რეგიონის უდიდესი ენერჯო რესურსები, რომელზედაც მნიშვნელოვანწილად იყო და დღესაც არის დამოკიდებული ამ ქვეყნების ეკონომიკური კეთილდღეობა, რაც შეეხება საბჭოთა კავშირის მიზნებს ახლო აღმოსავლეთში, ის ცდილობდა ამ რეგიონის ქვეყნებისათვის თავს მოეხვია თავისი პოლიტიკური და ეკონომიკური მოდელი და არ დაეშვა აშშ-ს სამხედრო - პოლიტიკური ჰეგემონობა ამ რეგიონში. სამხედრო თვალსაზრისით სსრკ ცდილობდა სამხრეთ საზღვრების უშიშროების უზრუნველყოფას, აღმოსავლეთ ხმელთაშუა ზღვის სანაპიროებთან (სირია, ეგვიპტე) თავისი სამხედრო ბაზების გაფართოებას, რითაც შეძლებდა საჭიროების შემთხვევაში აშშ-ს სამხედრო - საზღვაო ფლოტის ნეიტრალიზაციას. ეკონომიკური თვალსაზრისით სსრკ-ს მიზანი იყო განეხორციელებინა თავისი სამხედრო

ელმწიფოდ. ისრაელის სახელმწიფოს დაარსება მიუღებელი აღმინდა რიგი არაბული სახელმწიფოებისათვის, რაც გადაიზარდა 1948 წლის ომში, ამ ომმა იმსხვერპლა პალესტინის სახელმწიფო და პალესტინელების დიდი რაოდენობა დევნილებად გახადა მუხობელ სახელმწიფოებში

შეიარაღების ექსპორტი და ამ ქვეყნებიდან ბუნებრივი წიაღისეულის იმპორტი.

რაც შეეხება აშშ-ს ინტერესებს ის ეკონომიკურ და პოლიტიკურ ხასიათს ატარებდა, რეგიონში მისი მთავარი დასაყრდენი ისრაელი და პროდასავლურად განწყობილი არაბული სახელმწიფოები იყვნენ. აშშ-ის ახლოაღმოსავლური პოლიტიკა სხვადასხვა ადმინისტრაციის დროს გარკვეული განსხვავებით ხასიათდებოდა.⁹⁰ თუ ეიზენჰაუერის⁹¹ პოლიტიკა ხისტი იყო და არ ითვალისწინებდა შექმნილ რეალიებს მახლობელ აღმოსავლეთში, ჯონ კენედის⁹² პოლიტიკა უფრო გააზრებული და და ფრთხილი იყო. მან გამოაცხადა „ახალი საზღვრების პოლიტიკა“ და იყენებდა ეკონომიური და სამხედრო საშუალებების ერთობლიობას არაბული ქვეყნებისა და მათ შორის ეკვიპტის მიმართ. კენედი მომხრე იყო უფრო ზომიერი პოლიტიკის გატარებასა, ამასთან ერთად ეკონომიკური ურთიერთობების გაუმჯობესებისა, ხოლო აშშ-ს სახელმწიფო მდივანი ღინ რასკი

⁹⁰ **Наборов В. А.** Внешняя политика США и развивающиеся страны с. 89

⁹¹ დუაიტ ეიზენჰაუერი (1890-1969) – აშშ-ს 34-ე პრეზიდენტი 1953-1961 წლებში. ამერიკელი სახელმწიფო მოღვაწე და სამხედრო მოსამსახურე. აშშ-ს ერთ-ერთი მნიშვნელოვანი მთავარსარდალი. მეორე მსოფლიო ომის მონაწილე არმიის გენერალი. მან შექმნა სპეციალური დოქტრინა - აშშ-ს საგარეო პოლიტიკური კურსი ახლო და შუა აღმოსავლეთთან, რომელიც საერთაშორისო ურთიერთობების ისტორიაში ეიზენჰაუერის დოქტრინის სახელით არის ცნობილი.

⁹² ჯონ ფიცჯერალდ კენედი (1917-1963) – აშშ-ს 35-ე პრეზიდენტი 1961-1963 წლებში.

მას სთავაზობდა ნახერის მოწვევას აშშ-ში და მასთან მოლაპარაკების გამართვას⁹³. კენედის ტრაგიკულმა სიკვდილმა ცვლილებები გამოიწვია აშშ-ს საგარეო პოლიტიკაში. პრეზიდენტ ლინდონ ჯონსონის⁹⁴ კურსი ითვალისწინებდა ამ რეგიონში კონფლიქტურ სიტუაციებზე აშშ-ს კონტროლს და მასზე ზეგავლენას, მაგრამ ვიეტნამის ომმა ახლო აღმოსავლეთის პოლიტიკა მეორე პლანზე გადასწია, რაც არ ნიშნავდა იმას რომ აშშ-ის ზეგავლენას არ ახდენდა აქ მიმდინარე პროცესებზე⁹⁵ 70-იან წლებში ევროპაში დაძაბულობის შენელებამ თავისი გავლენა კპოვა მახლობელი აღმოსავლეთის პრობლემებში. რინარდ ნიქსონის ადმინისტრაცია მომხრე იყო ზომიერი მიდგომისა და ისრაელის სამხედრო უპირატესობის შენარჩუნებისა, რომელიც გარკვეულწილად ერთ-ერთი მნიშვნელოვანი ბერკეტი იყო არაბულ ქვეყნებზე სამხედრო-პოლიტიკური ზემოქმედებისა.

განსაკუთრებით გამწვავდა ვითარება მახლობელ აღმოსავლეთში 1967 წლის ექვსდღიანი ომის შემდეგ, როდესაც ისრაელმა დაიკავა ეგვიპტის (სინას ნახევარკუნძული, სუეცის არხი) იორდანის და ხირის ტერიტორიების

⁹³ W. Berr, The October War and US Policy. The National Security Archive USA

⁹⁴ ლინდონ ჯონსონი (1908-1973) - აშშ-ს 36-ე პრეზიდენტი დემოკრატიული პარტიიდან 1963-1969 წლებში.

⁹⁵ აშშ პოლიტიკაზე ისრაელის მიმართ დიდ გავლენას ახდენდა ებრაული ღობი, რაც ხშირ შემთხვევაში გადამწყვეტი იყო ისრაელის და აშშ ურთიერთობაზე.

ნაწილი და რაც მთავარია აღმოსავლეთ იერუსალიმი,⁹⁶ რომელიც მუსლიმანთათვის წმინდა ადგილად ითვლება. ებრაელთა ასეთი წარმატება შეუძლებელი იქნებოდა თუ არა ამერიკელთა სამხედრო-პოლიტიკური მხარდაჭერა. სამხედრო კომპანიის წარმატებამ, როგორც ებრაული გაზეტი „მარივი“ წერდა „შეერთებული შტატებისთვის ნათელი გახადა, რომ მას არა ჰყავს უფრო უკეთესი და უფრო ერთგული პარტნიორი, ვიდრე ისრაელია“. ხოლო ერთ – ერთი ამერიკული გაზეთი პირდაპირ მიუთითებდა, რომ „ისრაელმა საკუთარ თავზე აიღო ამერიკის შეერთებული შტატების როლი ახლო აღმოსავლეთში.“⁹⁷

არაბული ქვეყნების სამარცხვინო დამარცხებამ აიძულა საბჭოთა კავშირი მიემართა გაერთიანებული ერების ორგანიზაციის უშიშროების საბჭოსათვის, რომელსაც მიადებინა რეზოლუცია №242, მისი მთავარი არსი ისრაელის მიერ ოკუპირებული ყველა არაბული ტერიტორიიდან ისრაელის ჯარების გამოყვანა იყო⁹⁸. 1967 წლის შეიღლიანი ომის შედეგად, გარდა იმისა, რომ ოკუპირებულ იქნა არაბთა ტერიტორიის გარკვეული ნაწილი, ებრაელებმა კონტროლი დაამყარეს სუეცის არხზე და 1974 წლამდე

⁹⁶ მიუხედავად იმისა, რომ ეგვიპტეს გაახნდა კარგად შეიარღვრებული არმია, მან ვერ შეძლო წინააღმდეგობა გაეწია ისრაელის არმიის ელვისებური შეტევისთვის, რომლის მიზეზი ეგვიპტის და მისი მოკავშირეების შეუთანხმებელი მოქმედება და სხვა გარემოებები იყო.

⁹⁷ციტ. მოყვანილია ა. ციციაშვილი „ახლო აღმოსავლეთის პრობლემის გადაწყვეტის ორი გზა“ თბ. 1989. გვ. 45

⁹⁸ [http://www.un.org/\(documents\)sc/res](http://www.un.org/(documents)sc/res)

მასზე ნაოსნობა შეწყვეტილი იყო, ამან დიდი ზიანი მიაყენა მსოფლიო საზღვაო გადაზიდვებს, რომელმაც შეაფერხა, მათ შორის საბჭოთა კავშირის მიერ ჩრდილოეთ ვიეტნამის იარაღით მომარაგება. ებრაული პარტიის „ლიკუიდის“ ყოფილი ლიდერის მ. ბეგინის მოსწრებული თქმით „ტვირთების გადაზიდვის გახანრძლივებამ ბევრი ამერიკელი გადაარჩინა“.⁹⁹

ეგვიპტის დამარცხებამ მის ლიდერს კ. ნასერს რევანშის სურვილი აღუძრა, მითუმეტეს, რომ საბჭოთა კავშირმა მას აღუთქვა, „რომ ყველა საშუალებით დაეხმარებოდა, მოამარაგებდა უფასო შეიარაღებით და აანაზღაურებდა იმას, რაც ეგვიპტელებმა დაკარგეს სინაისთან ბრძოლებში.“¹⁰⁰ სსრკ-ს ასეთი „უანგარო“ პოზიცია გამოწვეული იყო შიშით, რომ არ დაეკარგა გავლენა მახლობელ აღმოსავლეთში და არ დაეშვა რაიმე სახის მოლაპარაკება მის ზურგს უკან ეგვიპტესა და ისრაელს შორის, რადგან ამის მცდელობა მანამდეც იყო, თუმცა ნასერი არ წავიდა მაშინ ასეთ ნაბიჯზე. კ. ნასერმა პირდაპირ განაცხადა, რომ „დათმობების გზით ჩვენ ვერ წავალთ, რადგან საქმე ეხება ყველა არაბის ბედს და ჩვენს სუვერენიტეტს“¹⁰¹ თავის მხრივ, ეგვიპტის ასეთი პოზიცია იმ პერიოდისათვის

⁹⁹ა. ციციაშვილი, ახლო აღმოსავლეთის პრობლემის გადაწყვეტის ორი გზა, გვ. 46

¹⁰⁰ **Нассер Г. А** Проблемы египетской революции. Избранные речи и выступления. с 239

¹⁰¹ **Нассер Г. А** Проблемы египетской революции . с. 194

გასაგებია, რადგან სეპარატულ მოლაპარაკებაზე წასვლა, ფაქტობრივად, არაბთა ხოლიდარობის იდეის დაღატკნ ნიშნავდა და მეორე მხრივ დამარცხების აღიარებას. რაც შეეხება აშშ-ს პოზიციას ამ სიტუაციაში მას სხვა გამოსავალი არ ჰქონდა, გარდა იმისა, რომ ისრაელის მეშვეობით ზეწოლა მოეხდინა არაბულ ქვეყნებზე და აუქულუბინა ისინი წასულიყვნენ დათმობაზე. კონფლიქტის ერთ-ერთი მიზეზთაგანი იყო არაბული ქვეყნების მიერ უარყოფითი დამოკიდებულება ისრაელის მიმართ, მათ მიაჩნდათ, რომ ისრაელის სახელმწიფოს არ ჰქონდა არსებობის უფლება¹⁰², რადგან ის შექმნილია არაბულ ტერიტორიაზე (თანაც მათთვის წმინდა მიწაზე) ასეთი დამოკიდებულება არაბების მხრიდან კონფლიქტს კიდევ უფრო ამწვავებდა.

სამხედრო მოქმედებების დასრულების შემდეგ, გაეროს ეგიდით დაიწყო აქტიური დიპლომატიური ზონდავი კონფლიქტის მონაწილე მხარეებს შორის, რომლის მიზანი იყო ერთი მხრივ მხარეების პოზიციების შესწავლა, მეორე მხრივ ისეთი გადაწყვეტილების მიღება რომელიც ორივე მხარისათვის მისაღები იქნებოდა და დაარეგულირებდა ვითარებას.¹⁰³ 1969 წელს ნიუ-იორკში დაიწყო ოთხმხრივი

¹⁰² ხაუელისხშია, რომ მსგავსი შეხედულებები დღესაც არსებობს და ამ კონფლიქტს 37 წლის შემდეგაც ფოტოქებადხაშიშ და მოუგვარებელ კრიზისად აქცევს.

¹⁰³ გაერომ შეუდ დიპლომატს გ. აირინგს დაეკავა ყოფილიყო შუამავალი ისრაელსა და არაბულ სახელმწიფოებს შორის კომპრომიზის მოძებნისა, მაგრამ საბოლოო ჯამში ამ მისიამ შედეგი ვერ მოიტანა.

კონსულტაციები მახლობელი აღმოსავლეთის პრობლემისადმი. ამ შეხვედრების დროს გამოიკვეთა მხარეთა პოზიციები. საბჭოთა კავშირისა და არაბთა პოზიცია იყო შემდეგი: ისრაელმა უნდა გაიყვანოს თავისი ჯარები 1967 წელს ოკუპირებული ყველა ტერიტორიიდან, როგორც კონფლიქტის მოგვარების აუცილებელი პირობა. აშშ-სა და ისრაელის პოზიცია შემდეგში მდგომარეობდა, არაბებს მოლაპარაკებებზე უნდა ეღიარებინათ ისრაელის სახელმწიფო და მისი საზღვრები თითოეულ არაბულ სახელმწიფოს შორის, რაც არაბების აზრით, ისრაელის აღიარებას და თავიანთ დამარცხებას ნიშნავდა¹⁰⁴. ასეთ ფონზე, რა თქმა უნდა, კონფლიქტის მონაწილეები ვერ შეძლებდნენ საერთო ენის გამონახვას, უფო მეტიც, მაშინ ნათელი იყო რომ ეგვიპტე და არაბული სამყარო შეეცდებოდა რევანშის აღებას დამარცხებისათვის და ახალი ომი გარდაუვალი იქნებოდა.

კონფლიქტის მხედველობა და მისი განმუხვების ამერიკული და საბჭოური მოდელი. ისრაელსა და ეგვიპტეს შორის სამხედრო კონფრონტაციის მორიგი ეტაპი 1973 წელს მოხდა, რომელსაც წინ მხარეების გამაღებული შეიარაღება უძღოდა. თვით ეგვიპტეში პოლიტიკური ხელმძღვანელობა შეიცვალა, ნასერის სიკვდილის შემდეგ ქვეყნის პრეზიდენტი ანვარ სადათი¹⁰⁵ გახდა. თუ ნასერი განასახიერებდა თავისი ქვეყნის შეუვალ პოზიციას ის-

¹⁰⁴ <http://www.un.org>

¹⁰⁵ ანვარ სადათი- მუკამედ ანვარ აბ სადათი (1918-1981) - ეგვიპტის მესამე პრეზიდენტი 1970 - 1981 წლებში. მარშალი.

რაელის მიმართ, სადათი უფრო კომპრომისული ფიგურა და პროამერიკულად განწყობილი პოლიტიკოსი იყო. განსხვავებით თავისი წინამორბედისაგან სადათი მზად იყო, საჭიროების შემთხვევაში, წასულიყო რიგ დათმობებზე ისრაელთან და ამით მოეგვარებინა ოკუპირებული ტერიტორიების საკითხი.

ეგვიპტე ამ ომისთვის ექვსი წლის მანძილზე ემზადებოდა. ისრაელის პრემიერ-მინისტრის გ. მეიერიც¹⁰⁶ კი იძულებული იყო ელიარებინა, რომ „რუსეთმა შეუესო ეგვიპტელებს ყველაფერი ის, რაც მან დაკარგა 1967 წლის ომში“¹⁰⁷ ეგვიპტის მიზანი იყო ამ ომის შეშვეობით¹⁰⁸ რეგიონში ისრაელისთვის ეჩვენებინა და დაებრუნებინა დაპყრობილი ტერიტორიები.

თუმცა ომის მთავარი მიზანი მაინც სინას ნახევარკუნძულის დაბრუნება იყო, რომელიც 1967 წელს „ექვსდღიანი ომის“ შედეგად ისრაელმა ხელთ იგდო. როგორც ჩანს, სადათი ომის გზით გეგმავდა სამხედრო – ფსიქოლოგიური გამარჯვების მოპოვებას და შემდგომ ისრაელთან მოლაპარაკებებისა და კომპრომისის მიღწევას.

¹⁰⁶ გოლდა მეიერი - ისრაელის პრემიერ-მინისტრი 1969-1974 წლებში. დაიბადა 1898 წელს კიევში, გარდაიცვალა 1978 წელს იერუსალიმში.

¹⁰⁷ ა. ციციანაშვილი ახლო აღმოსავლეთის პრობლემის გადაწყვეტის ორი გზა, გვ. 49

¹⁰⁸ არაბები დარწმუნებულები იყვნენ თავიანთ მომავალ გამარჯვებაში, რადგან მათ აქონდათ კარგი შეიარაღება და თითქმის ყველა არაბული სახელწიფო მზად იყო მიეღო უშუალო მონაწილეობა ამ ომში.

ეკვიპტის ახალი პრეზიდენტი სადათი წინამორბედისაგან განსხვავებით საბჭოთა კავშირს არ განიხილავდა ერთადერთ მოკავშირედ, ის ცდილობდა და არც თუ უშედეგოდ კარგი ურთიერთობები აქონოდა აშშ-თან, გარდა ამისა სადათი არ გამოირიცხავდა სეპარატულ შეთანხმებებს ისრაელთან, თუნდაც პალესტინელებისა და არაბული ქვეყნების ინტერესების იგნორირების ხარჯზე. არსებობდა კიდევ ერთი მნიშვნელოვანი მოსაზრება ომისათვის, ეს იყო მძიმე სოციალურ-ეკონომიური სიტუაციის განმუხტვა ომის მეშვეობით¹⁰⁹.

ომის დაწყების თარიღად ეკვიპტელებმა 1973 წლის 6 ოქტომბერი აირჩიეს (ეს დღე ემთხვეოდა ებრაელთა რელიგიურ დღესასწაულს რომელიც „განკითხვის დღის“ სახელით არის ცნობილი). ამ სამხედრო ოპერაციას გარკვეული სიმბოლიზმიდან გამომდინარე „განკითხვის დღე“ ეწოდა. მიუხედავად იმისა, რომ ეკვიპტელები ცდილობდნენ არ დაეშვათ ინფორმაციის გაჟონვა ომის დაწყების შესახებ, ებრაელები ისედაც ხვდებოდნენ და ინფორმირებული იყვნენ, რომ ომი ეკვიპტელებთან გარდაუვალი იყო, შესაბამისად ემზადებოდნენ კიდევ. მაგრამ ომის დაწყების წინ მთავარი საკითხი იყო თუ ვინ დაიწყებდა საომარ მოქმედე-

¹⁰⁹ ეკონომიკის განვითარების საბჭოურმა მოდელმა, მიუხედავდ რიგი წარმატებებისა, (ენერჯო სექტორის და მძიმე მრეწველობის დარგების შექმნა) მოსახლეობის ფართო ფენებს ეკონომიკური კუთილდღეობა არ მოუტანა. ქვეყანაში გაიზარდა ინფლაცია, მაღალი იყო კორუფციის დონე, დევნიდნენ ოპოზიციონერებს, რაც ქვეყანაში შიდა დაძაბულობას იწვევდა.

ბას პირველი, ისრაელი, როგორც ჩანს, გრძნობდა, რომ ომი გარდაუვალი იყო და ცდილობდა საომარი მოქმედებები ეგვიპტელებს დაეწყოთ, რათა შემდეგ აგრესიის მსხვერპლი ისრაელი იქნებოდა.

როგორი იყო არაბთა საომარი გეგმა? მათი მიზანი იყო შეეცნათ ისრაელის პოზიციებისთვის სხვადასხვა მხრიდან და დაექსაქნათ მისი ძალები. მთავარი იყო სიუეციის მიმართულება, და შემდეგ შეტევის განხორციელება სინას ნახევარკუნძულის მიმართულებით და მისი „განთავისუფლება“. პირველი ეტაპი წარმატებით დასრულდა და ეგვიპტელებმა არხის წარმატებით ფორსირება და გამავრება შეძლეს, მაგრამ ცოტაოდენი შეყოვნების შემდეგ ებრაელებმა უმოკლეს დროში ჩაატარეს თავიანთი ჯარების და რეზერვისტების მობილიზაცია და ელვისებური იერიში მიიტანეს არაბთა პოზიციებზე. ამის შემდეგ მოვლენები არაბთათვის არასახარბიელოდ განვითარდა. ეგვიპტის და მისი მოკავშირეების ჯარებმა უკან დახევა დაიწყეს, რაც ხავსებით რეალურს ხდიდა 1967 წლის მოვლენების გამეორებას.

1973 წლის ომის შესახებ სპეციალიზირებულ ლიტერატურაში ბევრი რამ არის დაწერილი, მაგრამ ერთი ფაქტი ყოველთვის იწვევს გაოცებას, რატომ ვერ შეძლო ეგვიპტემ მის მიერ ინიცირებულ ომში მაქსიმუმის მიღწევა, რასაც თავის დროზე, 1967 წლის კამპანიის დროს მიაღწია ისრაელმა? ალბათ სწორი არიან ის მკვლევარები, რომელთა

ახრით, „არაბებს ბევრი კარგი იარაღი აქვთ, მაგრამ ცუდი ჯარისკაცები არიან“. ჩვენი მხრიდან ავლნიშნავდით, რომ არაბებს უფრო არ უვარგოდათ ხელმძღვანელობა, რომელსაც კრიტიკულ მომენტში აკლდა სწორი გადაწყვეტილების მიღების უნარი.¹¹⁰ გარდა ამისა, უსათუოდ გასათვალისწინებელია ისრაელის არმიის შესანიშნავი მდგომარეობა და პატრიოტიზმი, ბრძოლისუნარიანობის მაღალი დონე და რაც მთავარია, მუდმივი მზადყოფნა არაბული სამყაროს აგრესიული პოლიტიკის გამო.

აშშ-სა და სსრკ-ს დიპლომატებმა სწრაფად შეაფასეს შექმნილი სამხედრო ვითარება, მეომარი მხარეების შეუხერხებლობის შემთხვევაში შეიძლება უმართავი პროცესები განვითარებულყო, რაც ორივე მხარისათვის შეიძლება სავალალო დასრულებულყო.

ომის პირობებში რა პოზიციები გააჩნდა აშშ-სა და საბჭოთა კავშირს, როგორი იყო მათი პოლიტიკური ხედვა მიმდინარე მოვლენებისადმი?

ომის პირველ ეტაპზე, როდესაც არაბებს პოზიციური უპირატესობა გააჩნდათ საბჭოთა კავშირი არ ჩქარობდა მოწოდებით მიემართა მეომარი მხარეებისათვის საომარი მოქმედებების შეწყვეტის შესახებ, პირიქით საბჭოთა კავშირი იარაღს აწოდებდა ეგვიპტეს და ხოლო საბჭოური პრესა ხოტბასა და დიდებას ასხამდა არაბთა გმირულ

¹¹⁰ არაბ - ისრაელის ომების შესახებ იხილეთ: **Игнатов П. Д.** Военная тактика и стратегия в Арабо-Израильских войнах во второй половине XXв. М.2001

ბრძოლას სიონიზმის წინააღმდეგ¹¹¹ და წინასწარმეტყველებდა „ოკუპირებული“ მიწების განთავისუფლებას. თავის მხრივ, აშშ-ს კონგრესი ნიქსონის ადმინისტრაციისაგან მოითხოვდა, მიეწოდებინათ საკმარისი იარაღი ისრაელისთვის, რათა არ დაეშვა მისი დამარცხება. ამ მიზნით აშშ-მ გრანდიოზული საჰაერო ხიდიც კი მოაწყო, რომლის საშუალებითაც თავისი მარაგიდან აუცილებელი სამხედრო აღჭურვილობა მიაწოდა ისრაელს. როდესაც ისრაელი იერიშზე გადავიდა და გამოიკვეთა ეგვიპტისა და მისი მოკავშირეების დამარცხების კონტურები 16 ოქტომბერს ქაიროში საბჭოთა კავშირის მინისტრთა საბჭოს თავმჯდომარე ნ. კოსიგინი¹¹² ჩავიდა, რათა დაერწმუნებინა სადათი შეეწყვიტა საომარი მოქმედება. ამვე დროს საბჭოთა კავშირის ელჩმა ა. დობრინინმა პ. კისინჯერს გადასცა დეონიდ ბრეჟნევის¹¹³ წერილი, რომელშიც კისინჯერი მიწვეული იყო მოსკოვში კონსულტაციებისთვის. კისინჯერი დათანხმდა ჩამოსვლაზე იმ პირობით, რომ ეგვიპტე და ისრაელი დაიწყებდნენ პირდაპირ მოლაპარაკებებს ცეცხლის შეწყვეტის თაობაზე.¹¹⁴ ამავე დროს საბჭოთა ელჩმა ქაიროში სადათს გადასცა ცეცხლის შეწყვეტის

¹¹¹ „Известия“ № 221 9 ოქტომბერი 1973 წელი.

¹¹² ალექსი კოსიგინი (1904-1980) – 1964-80 წლებში იყო საბჭოთა კავშირის მინისტრთა საბჭოს თავმჯდომარე.

¹¹³ დეონიდ ბრეჟნევი (1906-1982) - საბჭოთა კავშირის კომუნისტური პარტიის გენერალური მდივანი 1964-1982 წლებში. საბჭოთა სახელმწიფოს მეთაური. მონაწილეობდა მეორე მსოფლიო ომში.

¹¹⁴ W. Berr. The October War and US Policy, The National Security Archive USA

პირობები და რეზოლუციის პროექტი გაეროში განხილულადა.

1973 წლის 22 ოქტომბერს გაეროს უშიშროების საბჭომ მიიღო რეზოლუცია № 242¹¹⁵ ცეცხლის დაუყოვნებლივ შეწყვეტის და მშვიდობის დამყარების თაობაზე, მაგრამ ისრაელმა გააგრძელა სამხედრო მოქმედება, რომელიც წარმატებით ვითარდებოდა და მხოლოდ 24 ოქტომბერს შეწყვიტა ცეცხლი. რადგან ორივე მეომარი მხარის უკან იდგა ზესახელმწიფოები: აშშ და საბჭოთა კავშირი, ომის დრამატულ მომენტებში ისინი იძულებული გახდნენ აქტიურად ჩარეულიყვნენ ომის მსვლელობაში, უფრო მეტიც ორივე მხარე არ გამორიცხავდა უშუალო მონაწილეობას კონფლიქტში სხვადასხვა ფორმით. პირველი ვარიანტი – სამხედრო ჩარევა კონფლიქტში მეომარი მხარეების დაშორების მიზნით; მეორე ვარიანტი – სამხედრო ჩარევა გაეროს საშუალებით. ეგვიპტე, რომელიც აღმოჩნდა ახალი სამხედრო დამარცხების საშიშროების წინაშე, თანახმა იყო ეგვიპტისა და ისრაელის ჯარებს შორის ჩამდგარიყო აშშ-სა და საბჭოთა კავშირის სამშვიდობო ძალები.

განსხვავებით 1967 წლის მოვლენებისაგან აშშ-ს პოზიცია არ იყო ისეთი კატეგორიული, რომელიც ამართლებდა ისრაელის ასეთ ნაბიჯს. ვაშინგტონში კარგად აცნობიერებდნენ, რომ საჭირო იყო ეგვიპტის მოთხოვნების გათვალისწინებაც, რადგან იმ შემთხვევაში თუ არ

¹¹⁵ <http://www.un.org>

იქნებოდა მიღებული ეგვიპტის და არაბული ქვეყნების მოთხოვნები აშშ და ისრაელი მარტო დარჩებოდნენ, რაც შეარყევდა მათ იმიჯს და სათუოს გახდიდა აშშ-ს პოზიციებს მახლობელ აღმოსავლეთში. აშშ-სა და მის ევროპელ მოკავშირეებს ყველაზე მეტად აშინებდათ ის პერსპექტივა, რომ არაბული სახელმწიფოები მათზე ზეწოლის ყველაზე ეფექტურ საშუალებას – ნავთობს გამოიყენებდნენ. მისი ამოღების შემცირება ან ემბარგო კატასტროფული შედეგებით დასრულდებოდა დასავლეთის ეკონომიკისათვის. ზემოქმედების ეს საშუალება არაბულმა სახელმწიფოებმა ეფექტურად გამოიყენეს 1973 წლის ოქტომბერში, როდესაც ნავთობის ექსპორტიორმა არაბულმა სახელმწიფოებმა თავიანთი გადაწყვეტილებით შეუმცირეს ნავთობის მიწოდება დასავლეთის სახელმწიფოებს, რამაც ენერგეტიკული კრიზისი გამოიწვია ამ ქვეყნებში. ამან გარკვეული ზემოქმედება იქონია და „საერთო ბაზრის“ ქვეყნებმა 6 ნოემბერს თავიანთ ერთობლივ განცხადებაში მოუწოდეს ისრაელს დაეტოვებინა ოკუპირებული ტერიტორიები, რაც არაბთა გარკვეული წარმატება იყო მორალური თვალსაზრისით. საინტერესოა, რომ თვით ეგვიპტისა და მისი მოკავშირეების პოლიტიკური პოზიცია ყოველთვის არ იყო თანმიმდევრული და დამოკიდებული იყო, არა პერსპექტივაზე, არამედ ტაქტიკური უპირატესობის მოპოვებაზე დროის გარკვეულ მონაკვეთში. გასათვალისწინებელია ისიც რომ საბჭოთა ხელმძღვანელობამ იცოდა საიდუმლო

კონტაქტების შესახებ სადათხა და ამერიკელებს შორის, ამიტომ აქტიური სამხედრო დახმარება მხოლოდ ომის დასკვნით ეტაპზე განაახლა.¹¹⁶

აშშ-ს ამ ომის სხვადასხვა ეტაპზე სხვადასხვა პოზიცია ეკავა. გამომდინარე მიმდინარე მოვლენებიდან. ერთი მხრივ, ომის დაწყებით ეტაპზე ის მზად იყო განეხილა სხვადასხვა ვარიანტი ომის შეწყვეტისა, ხოლო მეორე მხრივ აჭიანურებდა გადაწყვეტილების მიღებას იმ იმედით, რომ ეს ისრაელს საშუალებას მისცემდა განევითარებინა შეტევა სინას და იორდანია-სირიის ფრონტებზე¹¹⁷, რათა ისრაელის პოზიცია უფრო მომგებიანი ყოფილიყო. ასეთმა ტაქტიკამ ისრაელს და აშშ-ს გარკვეული მანევრირების საშუალება მისცა, ამავე დროს აშშ-ს ეშინოდა, რომ საბჭოთა კავშირი უშალოდ არ ჩარეულიყო მოვლენებში (საბჭოთა კავშირი აცხადებდა, რომ ეგვიპტის ხელმძღვანელობა სთხოვდა ამის შესახებ ბრეჟნევის და ხავსებით შესაძლებელი იყო ასეთი რამ მომხდარიყო) 1973 წლის 25 ოქტომბერს ნიქსონმა ბრძანება გასცა საბრძოლო მზადყოფნაში მოყვანათ აშშ -

¹¹⁶ ეს არ ნიშნავდა იმას, რომ ისრაელს არ ეხმარებოდა ეგვიპტეს, პირიქით ომის დაწყებამდე მათ განაღდაგეს სარაკეტო დივიზიონები ეგვიპტეში და მონაწილეობდნენ, ფაქტიურად, საომარ მოქმედებებში (იხ. **Игнатов П. Д.** Военная тактика и стратегия в Арабо-Израильских войнах во второй половине XXв. sv. 56

¹¹⁷ მოლაპარაკებების გაჭიანურების ტაქტიკაზე თვით კისინჯერი ლაპარაკობდა ისრაელის უღი დიხიცთან.

ს შეიარაღებული ძალები ევროპაში¹¹⁸, მაგრამ ამ მოქმედებას გაგრძელება არ მოუოლია. აშშ-სა და საბჭოთა კავშირს კარგად ესმოდათ, რომ პრობლემის გადაწყვეტა შესაძლებელი იქნებოდა მხოლოდ მოლაპარაკების საფუძველზე გაეროს ეგიდით, რადგან შემდგომი ესკალაცია სამხედრო მოქმედებებისა შესაძლებელს ხდიდა ფართომასშტაბიან საერთაშორისო კონფლიქტს არამარტო არაბებსა და ისრაელს შორის არამედ ორ დიდ სახელმწიფოს შორის.

აშშ-სა და საბჭოთა კავშირის ინტერესები ამ კონფლიქტის დროს გამოიხატებოდა შემდეგში:

- 1) არ დაეშვათ პოზიციების შესუსტება მეომარი მხარეების მიერ;
- 2) ყველა საერთაშორისო მექანიზმი აემოქმედებინათ ცეცხლის შეწყვეტის შესახებ;
- 3) დაეზავებინათ ორივე მხარე, რომლის ინიციატორად გაერო გამოდიოდა (სინამდვილეში ეს აშშ-სა და საბჭოთა კავშირის გადაწყვეტილება იყო).

მიუხედავად დაძაბულობისა აშშ-მ და საბჭოთა კავშირმა შეძლეს კრიზისის გადალახვა და არ მიმართეს კონფლიქტის გადაწყვეტის ძალისმიერ მეთოდს, თუმცა ახლოს იყვნენ მასთან. რაც შეეხება არაბ - ისრაელის 1973 წლის კონფლიქტს მან საერთაშორისო სამართლებრივ სიბრტყეში გადაინაცვლა და მისი მოგვარების ფორმები ჟენევის კონფერენციის მსჯელობის საგანი გახდა.

¹¹⁸ არსებობს მოხაზრება, რომ ეს ნიქსონის დეპრესიულ მდგომარეობაში უოფნის შედეგი იყო, როდესაც ის ძლიერ განიცდიდა უთოერგეტის სკანდალში მონაწილეობას.

1973 წლის კონფლიქტის შედეგები აშშ და საბჭოთა კავშირისათვის. 1973 წლის ომმა სხვადასხვა გავლენა იქონია აშშ-სა და საბჭოთა კავშირის პოზიციებზე მახლობელ აღმოსავლეთში. ომმა გამოავლინა ერთი მხრივ, სადათის პროამერიკული პოლიტიკის გატარების მცდელობა საბჭოთა კავშირის ზურგს უკან, რომელიც შემდგომ რეალიზირებულ იქნა სეპარატულ შეთანხმებაში, მეორე მხრივ აშშ-ს მცდელობა გამოეთიშა სსრკ კონფლიქტის მოგვარების საქმეში.

კ. პრიმაკოვის აზრით, ევვიპტესა და საბჭოთა კავშირის შორის ურთიერთობების გაუარესება გამოწვეული იყო იმით, რომ „სადათმა გადაწყვიტა არაბული ინტერესების სრული იგნორირებით, პრობლემის ნაწილობრივ მოგვარება და მისი აზრით, კრიზისის პოლიტიკური გადაწყვეტის გასაღები აშშ-ს და არა სსრკ-ს ხელში იყო“¹¹⁹ თავის მხრივ ა. სადათისთვის ომში გამარჯვება თვითმიზანს არ წარმოადგენდა, მისთვის მთავარი აშშ-სა და ისრაელისთვის ძალის დემონსტრირება იყო და ნიადაგს ამზადებდა მოლაპარაკებისათვის. სადათი ხედავდა, რომ ხანამ ისრაელის უკან აშშ იდგა მასზე გამარჯვება შეუძლებელი იყო, გარდა ამისა იცოდა, რომ ისრაელი ფლობდა ბირთვულ იარაღს, რომელიც გოლდა მეიერის თქმით „საჭიროების შემთხვევაში ებრაელების ბოლო არ-

¹¹⁹ **ПРИМАКОВ Е.** *Анатомия Ближневосточного конфликта*. М. 1977. ст.

გუმენტი იქნებოდა¹²⁰ თუ კარგად ჩაეხედავთ მოვლენების განვითარების ქრონოლოგიას, ა. ხადათმა ისრაელი, აშშ და საბჭოთა კავშირი თავისი ინტერესების სახარგებლოდ გამოიყენა. აშშ-ს პოლიტიკა ამ კონფლიქტის დროს ერთმნიშვნელოვნად არ იყო ისრაელის მხარეს, რადგან მისი (ისრაელის) სიჯიუტე ხელს უშლიდა აშშ-ს პოლიტიკას უფრო მოქნილი ყოფილიყო, მაგრამ ამავე დროს ითვალისწინებდა, რომ ისრაელი იყო ის ძალა, რომლის გარეშეც აშშ-ს გავლენა ახლო აღმოსავლეთში ეფექტური არ იქნებოდა. აშშ-ს პოლიტიკა მიმართული იყო, როგორმე შეესუსტებინა სსრკ-ს გავლენა მახლობელ აღმოსავლეთში.

რა პოლიტიკური დივიდენდები მიიღეს აშშ-მ და საბჭოთა კავშირმა ამ კონფლიქტის შედეგად და შეესაბამებოდა თუ არა ის მათ გეგმებს? პირველ რიგში უნდა ავლნიშნოთ, რომ სამხედრო მეთოდებით საკითხის გადაწყვეტა ჰქმნიდა დიდ დამაბულობას არამართო რეგიონში, არამედ აშშ-საბჭოთა კავშირის ურთიერთობებშიც რაც გარკვეულ ეტაპზე საშიშროებას ჰქმნიდა მათი სამხედრო კონფრონტაციისათვის. მახლობელი აღმოსავლეთი თავისი ეკონომიკური მნიშვნელობით პრიორიტეტული იყო როგორც ამერიკისთვის, ასევე სხვა სახელმწიფოებისთვის. მათ გარდა ენერგეტიკული ინტერესებისა სხვა სახის ეკონომიკური ინტერესებიც გააჩნდათ. საბოლოო ჯამში, აშშ-ს პოლიტიკა მახლობელ აღმოსავლეთში ყოველთვის მიმარ-

¹²⁰ა. ციციანაშვილი. დასახ. ნაშ. გვ. 78.

თული იყო დაეცვა ისრაელის სახელმწიფო ინტერესები და აქედან გამომდინარე არაბული ქვეყნები ეცნოთ მისი უფლება არსებობაზე. სადათის მოსვლამ ხელისუფლებაში შექმნა ის წინაპირობა, რომელმაც შესაძლებელი გახადა ამის გაკეთება და გაწვეტა ის ჯაჭვი, რომელიც არაბული სოლიდარობის სიმბოლო იყო. ამერიკულმა დიპლომატიამ შეძლო იმის გაკეთება, რაც ვერ შეძლო იარაღმა. მან სხვადასხვა მეთოდებით დაარწმუნა ეგვიპტის მხარე წასულიყო სეპარატულ შეთანხმებაზე ისრაელთან და ამით, ნაწილობრივ, საშუალება მისცა ეგვიპტეს დაებრუნებინა ის ტერიტორიები, რომლებიც ოკუპირებული იყო ისრაელის მიერ 1967 წელს.¹²¹ ამ ნაბიჯით აშშ-მ, ერთი მხრივ დაანახა არაბებს, რომ თუ ისინიც მიბაძვდნენ ეგვიპტეს მათაც ექნებოდათ საშუალება (ეგვიპტის სირიას და იორდანias) ნაწილობრივ მიეღწიათ ტერიტორიული პრობლემის გადაწყვეტისათვის.¹²² თავის მხრივ, ეგვიპტის მიერ ისრაელის ცნობამ, კემპ-დევიდის¹²³ შეთანხმების შემდეგ, გაარღვია ის დიპლომატიური იზოლაცია, რომელშიც იმყოფებოდა ისრაელი და რომლის პრეცედენტიც მისთვის

¹²¹ ა. ციციანიშვილი. დას, ნაშ გვ-56

¹²² ისრაელის მიერ არაბთა ტერიტორიის ანექსია განპირობებული იყო არამარტო საკუთარი ტერიტორიის მექანიკური გაზრდით, არამედ თავისი უსაფრთხოების და სხვადასხვა ბუნებრივი რესურსების დაუფლების სურვილით. მათ შორის წყლის რესურსებითაც. იხ. შ. დათიაშვილი წყლის პრობლემა ახლო აღმოსავლეთის ქვეყნების საერთაშორისო ურთიერთობებში. დიპლომატიური წყლიდწლეული. ტ. 6. თბ. 2000.

¹²³ კემპ-დევიდის შეთანხმება -

მნიშვნელოვანი იყო. საბჭოთა კავშირის პოზიციები სადათის პროამერიკული კურსის შედეგად შესუსტდა, მაგრამ ამავე დროს შეძლო პოზიციების შენარჩუნება იმ არაბულ ქვეყნებში, რომლებიც მასზე იყვნენ ორიენტირებული და უარს აცხადებდნენ ისრაელთან ყოველგვარ კომპრომისზე. ეს კონფლიქტი სცილდებოდა პოლიტიკურ ფარგლებს და მასში აქტიურად დომინირებდა რელიგიური ფაქტორიც, რომელიც ისრაელ-არაბული ქვეყნების პოლიტიკურ დაპირისპირებაში ხიმბოლოდ იქცა.

1973 წლის მოვლენები საბჭოთა კავშირისათვის მეტად მტკივნეული აღმოჩნდა, რაც აისახა მის ურთიერთობაში ეგვიპტესთან, ფაქტობრივად შემდეგ დაიწყო მისი სწრაფი გაძევების პროცესი ამ რეგიონიდან.

ფაქტობრივად, 1973 წლის ომი იყო შედეგი იმ პროცესებისა, რომელიც ვითარდებოდა რეგიონში 40-იანი წლების ბოლოდან. აშშ-სა და საბჭოთა კავშირის პოზიციები ხშირ შემთხვევაში დამოკიდებული იყო იმ გეოპოლიტიკურ სიტუაციაზე რომელიც მაშინ არსებობდა. ამავე დროს ამ ომმა აჩვენა, რომ იარაღის ძალით პრობლემის გადაწყვეტა არ წყვეტს პრობლემის ფუნდამენტურ არსს და საჭიროა მუდმივი დიალოგი, რომელიც დაახლოვებს მხარეთა პოზიციას. აშშ-ს სურდა უშუალოდ ჩარეულიყო მოვლენებში, რადგან ამ ქვეყანამ როგორც იყო დაამთავრა ვიეტნამის კამპანია და მიხთვის მორალურად ძნელი იყო ახალ კონფლიქტში ჩათრევა. აშშ, რა თქმა

უნდა, ისრაელის მხარეს იყო, მაგრამ ამავე დროს სურდა
ეხილა ისრაელი „გამარჯვებული, მაგრამ გატყეხილი
ცხვირით“, რომელიც ისრაელს გახდიდა უფრო დამთმობს
და კომპრომისულს მისი არაბი მეზობლების მიმართ.

აშშ-ს ჩინეთთან ღაახლოების პოლიტიკა და
„შანხაის კომუნიაკი“

მეორე მსოფლიო ომის შემდეგ აზიის პოლიტიკურ რუკაზე განდა ახალი სახელმწიფოები, რომლებიც თავიანთი იდეოლოგიით ახლოს იდგნენ საბჭოთა კავშირის კომუნისტურ რეჟიმთან. ასეთ სახელმწიფოთა რიცხვს მიეკუთვნებოდა ჩინეთი. თავისი ტერიტორიული სიდიდით, მოსახლეობის რესურსებითა და ისტორიულ-კულტურული კავშირებით სამხრეთ-აღმოსავლეთ აზიის ქვეყნებთან ჩინეთის ურთიერთობის საკითხი ყოველთვის აქტუალური იყო საერთაშორისო პოლიტიკაში.

ჩინეთის ხელისუფლებაში მათ ძე დუნის მოსვლის შემდეგ ჩინეთის საგარეო პოლიტიკაში ახალი ეტაპი დაიწყო. ამ კურსის მთავარი მიზანი იყო დაენერგა კომუნისტური (მაოისტური) იდეოლოგია ინდოჩინეთის ქვეყნებსა და სამხრეთ-აღმოსავლეთ აზიის ქვეყნებში. ამერიკის შეერთებული შტატები შეშფოთებით ადვენებდა თვალყურს ჩინეთისა და საბჭოთა კავშირის გააქტიურებას ამ რეგიონში. ამერიკის შეერთებული შტატების პრეზიდენტის პარი ტრუმენის ახალი გეოპოლიტიკური დოქტრინა თვალისწინებდა კომუნიზმის შეკავებას არამარტო ევროპის ქვეყნებში, არამედ აზიის კონტინენტზეც. სსრკ-სა და ჩინეთის გააქტიურება ინდოჩინეთის რეგიონში ამერიკის პოლიტი-

კური წრეებისათვის მიჩნეული იქნა ყველაზე საშიშ მოუ-
ღენად მაშინდელი მსოფლიოს იდეურ-პოლიტიკურ არენაზე.
კორეისა და ინდონეზიის ომებმა ამერიკის შეერთე-
ბულ შტატებს დაანახა, რომ ჩინეთთან ურთიერთობის ნორ-
მალიზაციის გარეშე შეუძლებელი იქნებოდა აშშ-ს
პოლიტიკური გავლენის შენარჩუნება წყნარი ოკეანის
აუზში.

XX საუკუნის 60-იანი წლების დასაწყისში ჩინეთ –
საბჭოთა კავშირის დაპირისპირებამ ხელსაყრელი
პოლიტიკური ფონი შექმნა ამერიკის შეერთებული შტატე-
ბის დაახლოებისათვის ჩინეთის რესპუბლიკასთან, რომელ-
საც ასევე სურდა გაერღვია თეთიზოლაციის მოჯადოე-
ბული რკალი და დაბრუნებოდა დიდ პოლიტიკას.

აშშ-ს ჩინეთთან დაახლოების პოლიტიკა და
„შანხაის კომუნიკე“, წარმოაჩენს ამერიკის შეერთებულ
შტატების ჩინეთთან ურთიერთობების ისტორიის ერთ-ერთ
საინტერესო მონაკვეთს, რომლის ჭრილშიც კარგად ჩანს
ორი ქვეყნის დაინტერესების სფეროები, კერძოდ,

- ჩინეთის სურვილი დაეკავებინა გაერთიანებული ერე-
ბის ორგანიზაციაში თავისი კუთვნილი ადგილი.
- შეეჩვენებინა სამხედრო კონფრონტაციის შესაძლე-
ბლობები ამერიკის შეერთებულ შტატებთან
- აშშ-სთან დაეწყო მოლაპარაკება ტაივანის საკითხ-
თან დაკავშირებით.

- აშშ-სთან ერთად შეეჩერებინა საბჭოთა კავშირის პოლიტიკური და იდეოლოგიური გავლენის ზრდა სამხრეთ – აღმოსავლეთ აზიასა და ინდოჩინეთის ნახევარკუნძულზე.

თავის მხრივ, აშშ-ს პოლიტიკური წრეებისათვისაც მის-
აღები იყო ჩინეთთან დაახლოების პოლიტიკა, რადგან ამით

- ხელს შეუწყობდა რეგიონში საბჭოთა კავშირის პოლიტიკური გავლენის შესუსტებას.
- ჩინეთის საბჭოთა კავშირზე ჩამოცილების შემდეგ მისთვის პოლიტიკურად მომგებიანი იქნებოდა ჩაერთო იგი თავის გეოპოლიტიკურ გეგმებში, რითაც შეასუსტებდა ატომური დაპირისპირების საშიშროუ-
ბას ჩინეთთან.

მეორე მსოფლიო ომის შემდეგ შექმნილი ორი დაპირისპირებული ბანაკი მნიშვნელოვან საშიშროებას წარმოადგენდა მსოფლიოს მშვიდობიანი განვითარებისათ-
ვის. ორი სამხედრო – პოლიტიკური დაჯგუფების ჩამოყალიბების პირობებში, დიდი სახელმწიფოების მხრი-
დან მიმდინარეობდა გავლენის სფეროების ახალი გადანაწილების პროცესი. ძველი კოლონიური სახელმწი-
ფოები (საფრანგეთი და ინგლისი) პოლიტიკური არენიდან მიდიოდნენ, რადგან მათ არ შეეძლოთ ამ რეგიონში პოლიტიკური გავლენის შენარჩუნება. ხწორედ ამ დროს მეორე მსოფლიო ომში გამარჯვებული საბჭოთა კავშირი ანტიკოლონიური პროცესის გამოყენებით ცდილობდა კომუ-

ნისტური იდეოლოგიის დანერგვასა და თავისი პოლიტიკური გავლენის გაფართოებას. აღნიშნულ პროცესებს თან სდევდა ლოკალური კონფლიქტები, რომელშიც ჩათრეული აღმოჩნდა აშშ, ჩინეთი და სსრკ. ნდა აღინიშნოს ის ფაქტიც, რომ თავის მხრივ, ამ რეგიონებში გავლენის სფეროების შენარჩუნებასა და გაფართოებაზე მუშაობდა ამერიკის შეერთებული შტატების დიპლომატიაც.

აშშ-ს ჩინეთთან დაახლოების პოლიტიკა საერთაშორისო ურთიერთობების პოლიტიკური თეორიის თვალსაზრისით შეიძლება განვიხილოთ პოლიტიკური რეალიზმის თეორიის ჭრილში, როგორც ზემოთ აღვნიშნეთ ეს თეორია საერთაშორისო ურთიერთობათა მეცნიერებაში ერთ-ერთი ყველაზე გავრცელებული თეორიაა. ამ თეორიის თანახმად, საერთაშორისო ურთიერთობებში ძირითადი სუბიექტი სახელმწიფოა, ძირითადი მამოძრავებელი იდეა – სახელმწიფოს ეროვნული ინტერესები, განმსაზღვრელი ფაქტორი – ძალა (სამხედრო, პოლიტიკური, ეკონომიკური), ხოლო რეგულატორი – ძალთა წონასწორობა, რასაც ემორჩილება საერთაშორისო სამართალი და მორალი¹²⁴.

პოლიტიკური რეალიზმის ძირითადი პრინციპები 1513 წელს ჩამოაყალიბა ნიკოლო მაკიაველმა ნაწარმოებში „მთავარი“¹²⁵, თუმცა ამ თეორიის ცალკეული იდეები ჯერ

¹²⁴ აღ რონდელი, საერთაშორისო ურთიერთობები, მესამე განახლებული გამოცემა. თბ. 2006. გვ. 64-67

¹²⁵ ნიკოლო მაკიაველი, მთავარი. თარგმანი ბაჩანა ბრევეჯადისა, თბილისი 1984.

კიდევ ძველი წელთაღრიცხვის V საუკუნის ბერძენი ისტორიკოსის თუკიდიდეს „პელოპონესის ომების ისტორიაში“ გვხვდება. აღნიშნულმა პრინციპებმა შემდგომი განვითარება თომას პობსის „ღვეიანთაში“ კპოვა¹²⁶.

პოლიტიკური რეალიზმის თეორია, როგორც მეცნიერული თეორია XX საუკუნის შუა წლებში ჩამოყალიბდა, მას შემდეგ რაც 1946 წელს გამოქვეყნდა ე. ქარის „ოცწლიანი კრიზისი“, 1948 წელს გამოქვეყნდა კ. მორგენტაუს „პოლიტიკა სახელმწიფოებს შორის“¹²⁷. ამ ნაშრომებმა საფუძველი ჩაუყარეს პოლიტიკური რეალიზმის თეორიას საერთაშორისო ურთიერთობებში. ერთმანეთისაგან განასხვავებენ კლასიკური პოლიტიკური რეალიზმის თეორიას და ნეორეალიზმს, რომლის ძირითადი პრინციპები ჩამოყალიბებულია 1979 წელს გამოცემულ კ. უოლცის წიგნში „საერთაშორისო ურთიერთობათა პოლიტიკური თეორია“,¹²⁸ სადაც განმსაზღვრელ ფაქტორად მიხეულება არა ადამიანის ბუნება, არამედ საერთაშორისო სისტემის სტრუქტურა, კერძოდ, მისი ანარქიული ხასიათი¹²⁹.

ღღეს პოლიტიკური რეალიზმი ყველაზე გავლენიან თეორიას წარმოადგენს, რომელიც ემყარება ოთხ საკვანძო

¹²⁶ Томас Гоббс, Сочинения. Т. 2. М. 1991. с. 94-97.

¹²⁷ Morgentau H. Politics Among Nations. The Struggle for Power and Peace. N. Y. 1965. Моргентау Г. Четыре парадокса ядерной стратегии. Американцы размышляют, американцы критикуют: Проблемы внешней политики США. М. 1973.

¹²⁸ Waltz K. Theory of International Politics. Reading, Mass., 1979.

¹²⁹ იქვე გვ. 347

წარმოდგენას: 1. სუვერენული სახელმწიფოები არის საერთაშორისო ურთიერთობათა ძირითადი და ყველაზე მნიშვნელოვანი მოქმედი პირები. 2. სახელმწიფოები თეორიული ანალიზის ძირითადი ერთეულებია, 3. საერთაშორისო ურთიერთობების დისციპლინა სწავლობს ამ ერთეულების ურთიერთქმედებას.

საერთაშორისო პრობლემების იერარქიაში უმნიშვნელოვანესია ეროვნული უსაფრთხოება. სამხედრო და მასთან დაკავშირებული პოლიტიკური საკითხები მხოფლიო პოლიტიკაში პრიორიტეტით სარგებლობს. რეალიზმის კონცეფციის თანახმად „მაღალი პოლიტიკა“ არის სამხედრო უსაფრთხოება და სტრატეგიული საკითხები, ხოლო სოციალური და ეკონომიკური საკითხები ნაკლებად მნიშვნელოვანია.

ზემოთქმულიდან გამომდინარე, აშშ-ს მცდელობა გაეძლიერებინა თავისი გავლენა სამხრეთ-აღმოსავლეთ აზიასა და ინდოჩინეთის ნახევარკუნძულზე გამოწვეული იყო, ერთი მხრივ აშშ-ს სახელმწიფოს გეოპოლიტიკური და სტრატეგიული მიზნებით, ხოლო მეორე მხრივ ეკონომიკური ინტერესებით, რომელიც თავის მხრივ შედიოდა რეგიონში არსებული სახელმწიფოების ინტერესებშიც.

ჩინეთ-აშშ-ს ურთიერთობებზე ზემოთ განხილულ საკითხებშიც მოგვიხდა საუბარი. განსაკუთრებით მიზეზების გამო საბჭოურ ისტორიოგრაფიაში ამ თემის გარშემო დიდი ხნის განმავლობაში მხოლოდ პროპაგანდისტული ხასიოთის დიტ-

ერატურა არსებობდა, უკეთეს შემთხვევაში აშშ-ის პოლიტიკას საბჭოელი ავტორები გააკრით ეხებოდნენ, მაგრამ 80-იანი წლების დასაწყისში თანდათანობით განნდა ახალი სახის მასალა, რომელიც აშუქებდა ამა თუ იმ საკითხს აშშ-ჩინეთის ურთიერთობებში.¹³⁰

ინგლისურენოვან ისტორიოგრაფიაში ეს საკითხი უფრო დეტალურად არის შესწავლილი და წარმოჩენილი.¹³¹

აშშ-სა და ჩინეთის ურთიერთობები XX საუკუნის 50-60-იან წლებში. ჩინეთში კომუნისტური რეჟიმის მოსვლას მოჰყვა მისი ჩართვა საბჭოთა კავშირის მხარეს პოლიტიკურ ბლოკში.¹³² 1949 წლის ჩინეთის რევოლუციის შემდეგ შეიქმნა ჩინეთის სახალხო რესპუბლიკა და ამ სახელმწიფომ, როგორც ხემოთ აღენიშნეთ, აშკარა პროსაბჭოური პოლიტიკის გატარება დაიწყო. მიუხედავად ამისა, უკვე მაშინ შეინიშნებოდა განსხვავებული მიდგომა მთელი რიგი საერთაშორისო და რეგიონალური პრობლემების მიმართ

¹³⁰ Астафьев Г. В. США и Китай. М., 1983; Бажанов Е. П. Движущие силы политики США в отношении Китая. М., 1982; История международных отношений на Дальнем Востоке. 1945-1977 / Отв. Ред. С. Л. Тихвинский. Хабаровск. 1978; Капица М.С. КНР: три десятилетия – три политики. М. 1979; Ледовский А.М. Китайская политика США и советская дипломатия, 1942 – 1954. М. Международные отношения, 1985; Меркулов С. К. Американо-китайское сближение (вторая половина 70-х гг). М. Наука, 1980;

¹³¹ Kissinger H. White House years. Boston: Little Brown and Company, 1979 The joint U.S. – China communiqué, Shanghai, February 27, 1972 // America and island China, pp 23

¹³² История международных отношений на Дальнем Востоке. 1945-1977.

საბჭოთა კავშირსა და ჩინეთის სახალხო რესპუბლიკის მესვეურებს შორის.

ჩინეთში ხელისუფლების შეცვლამ და იქიდან გომინდანიის რეჟიმის განდევნამ, აშშ-ს პოლიტიკას მთელი რიგი პრობლემები შეუქმნა შორეულ აღმოსავლეთში, რადგან ის პოლიტიკური კონსტრუქცია, რომელიც მეორე მსოფლიო ომის და მის მომდევნო პერიოდში არსებობდა ამ რეგიონში ხელსაყრელი და მისაღები იყო აშშ-ს ადმინისტრაციისათვის.

მეორე მსოფლიო ომის შემდეგ კოლონიური სახელმწიფოების დასუსტებამ სამხრეთ აღმოსავლეთ აზიასა და შორეულ აღმოსავლეთში პოლიტიკური მოვლენების დიდი სისწრაფით ცვლილებები გამოიწვია.

სსრკ-ს მიერ განხორციელებულმა „იდეოლოგიური შეტევის“ პოლიტიკამ და აშშ-ს სათავეში რუზველტის სიკვდილის შემდეგ ახალი პოლიტიკური ხელმძღვანელობის მოხელამ ეტაპობრივად გამოიწვია მისი პოლიტიკის დაპირისპირება საბჭოთა კავშირის და მისი ბლოკის წევრი სახელმწიფოების წინააღმდეგ, ხოლო ჩერჩილის გამოსვლამ ფულტონში¹³³ იდეოლოგიური ნიადაგი შეუმზადა „ცივი ომის დაწყებას.“

¹³³ იხილეთ ჩერჩილის გამოსვლა ფულტონში: გ. კუპუტარია, უინსტონ ჩერჩილის სიტყვა, წარმოთქმული ქალაქ ფულტონში (აშშ) 1946 წლის 5 მარტს. ქართული დიპლომატია, წელიწდეული ტ. 10, თბ. 2003. გვ. 221-242.

შორეულ აღმოსავლეთში, კერძოდ კორეისა და ტაივანის საკითხთან დაკავშირებით, მწიფდებოდა სერიოზული სამხედრო-პოლიტიკური კონფლიქტი, რომელშიც აქტიურად ჩაერთო ჩინეთის სახალხო რესპუბლიკა. რატომ უნდა, კონტინენტალური ჩინეთის რესურსული ბაზა შორს იყო აშშ-ს სამხედრო - ეკონომიკურ პოტენციალთან. გარდა ამისა, ამბიციური ჩინეთისათვის ხელსაყრელი საბაბი იყო ტაივანის¹³⁴ საკითხის წინ წამოწევა, როგორც საშუალება მოესინჯა თავისი ძალები ახალ პოლიტიკურ რეალობაში.

აშშ შეეცადა სიტუაციის თავის სასარგებლოდ შეცვლას. მისი დახმარებით ტაივანზე გაქცეული გომინდანის ხელისუფლება საერთაშორისო არენაზე ცნობილი იქნა, როგორც ჩინეთის რესპუბლიკა რომელსაც სათავეში ჩან-კაი-ში ედგა. ორი ჩინეთის არსებობა ორი ლიდერისათვის შეუთავსებელი იყო როგორც მორალური თვალსაზრისით, ასევე პოლიტიკურადაც. ტაივანის პრობლემამ დიდი როლი ითამაშა აშშ - ჩინეთის ურთიერთობების გამწვავებაში, რომელიც დღესაც კი ლაიტმოტივად გახდევს ორი ქვეყნის ურთიერთობას.

¹³⁴ კ. ტაივანი 1895 შედიოდა ჩინეთის შემადგენლობაში, ხოლო ჩინეთ-იაპონიის ამის შემდეგ (1894), სიმონოსუკის ხელშეკრულებით ის იაპონიას გადაეცა, რომლის მფლობელობაში ის 1945 წლამდე იყო. 1949 წელს კუნძულს თავი შეაფარეს გომინდანელებმა, ტაივანი დღეს ნახევრად აღიარებული სახელმწიფოა, რომელიც შეიძლება შეუერთდეს ჩინეთს მისი სტატუსის განსაზღვრის შემდეგ.

ჩინეთისათვის ტაივანზე თავისი სუვერენიტეტის აღდგენა პრინციპული საკითხი იყო, რადგან მისი მმართველი ჩან კაი ში, მათ ძე დუნის მიერ მოიაზრებოდა თავის პოლიტიკურ ოპონენტად, რომელსაც საკუთარი ხედვა ჰქონდა ჩინეთის მომავალი განვითარებასა და როლზე საერთაშორისო ურთიერთობებში.

1950 წელს დაწყებული კორეის ომი ირიბად ჩინეთსკენაც იყო მიმართული. ტაივანის მხარდაჭერის პოლიტიკა აშშ-ს მხრიდან მიზნად ისახავდა ჩინეთის პოლიტიკურ იზოლაციას საერთაშორისო ურთიერთობებში და ჩინეთის ყურადღების გადატანას ამ საკითხის მიმართ. აშშ-ს ჩინეთზე ზემოქმედების სხვა ბერკეტებიც გააჩნდა, რომელსაც ეს უკანსკნელი მტკიცებულებად აღითქვამდა:

1. გაეროს ადგილი ჩინეთში ტაივანს უკავია. 2. აშშ-ს მხრიდან ტაივანის დაცვა, რათა იგი ჩინეთის აღტერნატიულ ძალად გადაექცია რეგიონში.

3. 1954 წელს აშშ-მა და ტაივანმა ხელი მოაწერეს ხელშეკრულებას ერთობლივი თავდაცვის შესახებ: ე. წ. „ფორმოზას რეზოლუციას“¹³⁵.

XX საუკუნის 50-იან წლებში ამერიკის შეერთებულ შტატებში შემუშავებული იქნა ე. წ. „დომინოს თეორია“¹³⁶,

¹³⁵ ფორმოზას რეზოლუცია - ხელშეკრულება აშშ-სა და ტაივანის ჩინურ სახელმწიფოს შორის, რომელიც ითვალისწინებდა სამხედრო-ეკონომიკურ დახმარებას.

¹³⁶ დომინოს თეორია - პოლიტიკური თეორია, რომელიც აშშ-ის საგარეო პოლიტიკაში XX საუკუნის 50-იან და 60-იან წლებში გახდა პოპულარული. ამ თეორიის მიხედვით, დომინიონის, იმავე

რომლის თანახმად რომელიმე პროდასავლური რეჟიმის დაცემა გარდაუვალად გამოიწვევდა მსგავსი რეჟიმების დაცემას მეზობელ ქვეყნებში. ამ თეორიის თანახმად ვიეტნამში კომუნისტური რეჟიმის დამყარება გამოიწვევდა მთელი ინდოჩინეთის გაწითლებას, რასაც მოჰყვებოდა სსრკ-ს პოლიტიკური გავლენის გაძლიერება და ამერიკის განდევნა რეგიონიდან. ამ ნიადაგზე 60-იან წლებში აშშ ჩათრეული აღმოჩნდა ვიეტნამის ომში, რის გამოც თანდათანობით კარგავდა გავლენის სფეროებს სამხრეთ აღმოსავლეთ აზიაში.

თავის მხრივ ჩინეთის საგარეო პოლიტიკაშიც იჩინა თავი ახლმა ტენდენციებმა, რომლის მიუხედავად ერთი მხრივ იყო საბჭოთა კავშირთან ურთიერთობების გაფუჭება და მეორე მხრივ არაადეკვატური მოქმედება მეზობელი სახელმწიფოების მიმართ. მიუხედავად ამისა, ჩინეთის ფაქტორი მნიშვნელოვანი იყო არამარტო სამხრეთ-აღმოსავლეთ აზიაში, არამედ მსოფლიო პოლიტიკაში, რადგან მის პოზიციაზე ბევრად იყო დამოკიდებული სამხრეთ-აღმოსავლეთ აზიის რეგიონში პოლიტიკური სტაბილიზაცია.

სახელმწიფოების წაქცევის მიზეზი ხაერთაშორისო კომუნიზმი იყო, რომლის ექსპორტს საბჭოთა კავშირი ეწეოდა. ამიტომ დაუშვებელი იყო, რომელიმე სახელმწიფოში კომუნიზმის გამარჯვება. დომინოს თეორიის მომხრეები განსაკუთრებულ ყურადღებას ვიეტნამისა და ინდოჩინეთის კომუნიზმისაგან დაცვას აქცევდნენ. დომინოს თეორიის ავტორებს კომუნიზმის როლის გაზვიადების გამო აკრიტიკებენ. სოციალურ და პოლიტიკურ ტერმინთა ლექსიკონი-ცნობარი, თბ. 2004. გვ. 67.

აშშ-ის პოლიტიკამ ინდონეზიაში ურთიერთობა გაურთულა მთელ რიგ სახელმწიფოებთან, გარდა ამისა აშკარად ნათელი იყო რომ აშშ ვერ შეძლებდა ვიეტნამის ომიდან გამოსვლას, თუ ის ვერ შეძლებდა საბჭოთა კავშირის ნეიტრალიზაციას. ამისთვის კი ყველაზე ხელსაყრელი საშუალება იყო ჩინეთთან კონტაქტების დამყარება და მისი აქტიური ჩართვა მსოფლიო პოლიტიკაში. აქტობრივად, ვიეტნამის ომმა ნაწილობრივ განსაზღვრა სავარაუდო მოკავშირის კონტური.¹³⁷ რ. ნიქსონის ადმინისტრაციამ შეიმუშავა ვიეტნამის ომის დამთავრების ფართომასშტაბიანი გეგმა, რომლის ერთ-ერთი პუნქტი ითვალისწინებდა უთანხმოების ჩამოგდებას, ვიეტნამის ორ მოკავშირეს – სსრკ-სა და ჩინეთს¹³⁸ შორის რადგანაც ვიეტნამი ეწინააღმდეგებოდა მოლაპარაკების დაწყებას და იძულებული გახდებოდა ეს ნაბიჯი გადაედგა თუ ჩინეთ-აშშ-ს ურთიერთობები დათბებოდა სამოკავშირებო დონეზე. ამ შემთხვევაში აშშ იოლად დათმობდა ვიეტნამს, რადგან წამყვანი სახელმწიფო-ჩინეთი უკვე მისი მოკავშირე იქნებოდა.

აშშ – ჩინეთის დაახლოებას ხელი შეუწყო იმ გარემოებამაც, რომ ამ დროს მოხდა დამანსკის ინციდენტი

¹³⁷ Меркулов С. К. Американско-китайское сближение (вторая половина 70-х гг). М. 1980. გვ. 78

¹³⁸ საგულისხმოა, რომ სსრკ-სა და ჩინეთს შორის ამ დროს უკვე საკმაოდ დაძაბული ურთიერთობები იყო, რამაც ხელი შეუწყო აშშ-ს ჩინეთთან დაახლოების პოლიტიკას.

(1969), რომელმაც ყველას დაანახა თუ როგორ შეიძლება კონფონტაციამდე მივიდეს საკმე ყოფილ მოკავშირეებს შორის. ურთიერთობების გაციება ყოფილ მოკავშირეებს შორის გამოიწვია ჩინეთის ტერიტორიულმა პრეტენზიებმა მეზობელი სახელმწიფოების მათ შორის საბჭოთა კავშირის მიმართ.

ახლი დიპლომატიური ხედვა აშშ-ს მხრიდან. აშშ -ს ჩინეთთან დაახლოების პოლიტიკას წინ უსწრებდა მთელი რიგი საკითხების შესწავლა, რომელიც აუცილებელი იყო პოლიტიკური ნაბიჯების გასათვლელად. პირველ რიგში ეს იყო: 1. აშშ-ს ურთიერთობა კომუნისტურ ჩინეთთან და ჩინეთის რესპუბლიკასთან (ტაივანთან) 2. ჩინეთის სახალხო რესპუბლიკის გეგმები აზიაში, 3. აშშ-ს ალტერნატიული მიდგომა ჩინეთსადმი და მასთან დაკავშირებული საფრთხეები და ა. შ; აშშ-ს დიპლომატიურმა წრეებმა, ჩინეთთან ურთიერთობების დარეგულირების მიზნით, შეიმუშავეს ე. წ. „სამკუთხა დიპლომატია“, რომლის ავტორი იყო აშშ-ს პრეზიდენტის რიჩარდ ნიქსონის მრჩეველი ეროვნული უშიშროების საკითხებში ჰენრი კისინჯერი.¹³⁹ მისი აზრით, დიდ სახელმწიფოებს შორის (აშშ და სსრკ)

¹³⁹ ჰენრი კისინჯერი - ამერიკელი სახელმწიფო მოღვაწე და დიპლომატი, აშშ-ს სახელმწიფო მდივანი 1973-1977 წლებში რიჩარდ ნიქსონისა და ჯერალდ ფორდის პრეზიდენტობის დროს. აშშ-ს პრეზიდენტის მრჩეველი უსაფრთხოების საკითხებში 1969-1975 წლებში; საერთაშორისო ურთიერთობების ექსპერტი. 1973 წელს მიენიჭა ნობელის პრემია მშვიდობის განმტკიცებაში შეტანილი წვლილისათვის.

Kissinger H. White House years. Boston. 1979.

ძალთა თანაფარდობის შესანარჩუნებლად აუცილებელია მხსამე სახელმწიფოს (ჩინეთის) მსოფლიო პოლიტიკაში ჩაბმა. გარდა ამისა, ჩინეთის სურვილს აშშ-სთან მოეგვარებინა ურთიერთობები გამოწვეული იყო ჩინეთში შექმნილი მძიმე ეკონომიკური და პოლიტიკური ფონით, სოციალურ-ეკონომიკურმა ექსპერიმენტებმა „დიდი ნახტომის პოლიტიკამ“, „კულტურულმა რევოლუციამ“ და ა.შ. ჩინეთი მძიმე კრიზისამდე მიიყვანა. ამას დაერთო ფაქტობრივი თვითიზოლაცია გარე სამყაროსგან, რომელიც ნეგატიურად აისახა ჩინეთის საგარეო პოლიტიკაში. ბუნებრივია, შექმნილი მდგომარეობიდან ჩინეთი ცდილობდა გამოსვლას, მაგრამ ისე, რომ შეენარჩუნებინა თავისი რენომე მცირერიცხოვანი მოკავშირეების თვალში.

აშშ-ს მხრიდან განხორციელებულმა დიპლომატიურმა სვლებმა თავისი შედეგი გამოიღო, როდესაც 1969 - 1970 წლებში აშშ-ს დიპლომატებმა შეძლეს ურთიერთობის დამყარება ჩინულ დიპლომატებთან. აღსანიშნავია, რომ აშშ-ს დიპლომატიას ამ მხრივ დიდ დახმარებას უწევდა პაკისტანი, სადაც 1969 წელს ვიზიტით იმყოფებოდა აშშ-ს პრეზიდენტის რინარდ ნიქსონი. სწორედ პაკისტანის პრეზიდენტის იკვაია ხანის¹⁴⁰ ვიზიტმა ჩინეთში გადაამწყვეტი როლი იქონია ჩინეთთან დიპლომატიური ურთიერთობების აღდგენის თვალსაზრისით. საგულისხმოა, რომ

¹⁴⁰ იკვაია ხანი - ალა მუკამედ იკვაია ხანი პაკისტანის პრეზიდენტი იყო 1969-1971 წლებში.

ურთიერთობების აღდგენაში დიდი როლი ითამაშა სახალხო დიპლომატიამ, რომელიც საერთაშორისო ურთიერთობების ისტორიაში „პინგპონგის დიპლომატიის“¹⁴¹ სახელით არის ცნობილი. ეს სახელი იმიტომ დაერქვა, რომ 1971 წლის 6 აპრილს იაპონიაში მსოფლიოს 31-ე ჩემპიონატზე მყოფმა ჩინეთის სახალხო რესპუბლიკის გუნდმა აშშ-ს სპორტსმენები მიიწვია ჩინეთში. 10 აპრილს ცხრა ამერიკელი სპორტსმენი, ოთხი ოფიციალური პირისა და ორი სპორტსმენის მეუღლის თანხლებით ჩინეთს ეწვია. ეს იყო ამერიკელთა პირველი ვიზიტი ჩინეთში 1949 წლის შემდეგ¹⁴².

1971 წლის 14 აპრილს ამერიკელი სპორტსმენები მიიღო ჩინეთის სახალხო რესპუბლიკის პრემიერმა ჯოუ ენ ლაიმ, რომელმაც სპორტსმენებს განუცხადა: „თქვენ გახსენით ახალი თავი ამერიკელი და ჩინელი ხალხის ისტორიაში“¹⁴³. იმავე 14 აპრილს აშშ-მ მოხსნა 20 წლიანი სავაჭრო ემბარგო ჩინეთის წინააღმდეგ.

¹⁴¹ პინგპონგის დიპლომატია – სახალხო დიპლომატია, რომელმაც სახელწოდება მიიღო აშშ-სა და ჩინეთს შორის პოლიტიკური ურთიერთობების აღდგენის მტკად საინტერესო ეპიზოდით, რომელიც მაგდის ჩოგბურთის სპორტსმენთა ისტორიასთან არის დაკავშირებული.

¹⁴² აშშ-სა და ჩინეთს შორის დიპლომატიური და სხვა სახის ურთიერთობები შეწყდა მას შემდეგ, რაც მათ ძე დუნმა 1949 წელს ნაციონალური გომინდანის მთავრობა ჩან კაი შის მეთაურობით ჩამოაგდეს და ჩინეთში კომუნისტური რეჟიმი გააშთავადეს.

¹⁴³ Kissinger H. White House Years. Boston 1979. გვ. 184.

1949 წლის შემდეგ ეს იყო ჩინეთის პირველი ინფორმაციული ბლოკადის გარღვევა. ამის შემდეგ 1970 წლის ბოლოს და 1971 წლის დასაწყისში აშშ-სა და ჩინეთს შორის მომწიფდა სიტუაცია, რათა მათი უმაღლესი პირები ერთმანეთს შეხვედროდნენ. 1971 წლის განმავლობაში პენრი კისინჯერი ორჯერ საიდუმლოდ ეწვია ჩინეთს ურთიერთობების აღდგენის მიზნით. ბუნებრივია, რომ ორივე ქვეყანა საბჭოთა აგრესიის არსებობის პირობებში ცდილობდა მოლაპარაკებების დაწყებას. ფაქტობრივად აშშ-სა და ჩინეთის უმაღლეს ხელისუფალთა შეხვედრა პენრი კისინჯერმა მოაწყო. 1971 წლის წლის ზაფხულში აშშ-ს პრეზიდენტმა რიჩარდ ნიქსონმა ოფიციალურად განაცხადა, რომ აუცილებლად გაემგზავრება ჩინეთში, რათა დაიწყოს მოლაპარაკებები ორ ქვეყანას შორის ურთიერთობების დარეგულირებასთან დაკავშირებით. აშშ-ს კონგრესი მიუსალმა ცნობას ნიქსონის ჩინეთში ვიზიტის შესახებ და ამასთან დაკავშირებით სპეციალური რეზოლუცია მიიღო. 1972 წლის 21 თებერვალს რიჩარდ ნიქსონი ჩინეთს ეწვია. აშშ-ს პრეზიდენტებს შორის იგი იყო პირველი ამერიკელი პრეზიდენტი რომელიც ჩინეთს ეწვია. რ. ნიქსონმა მოლაპარაკებები აწარმოა მათ ძე დუნთან და პრემიერ ჯოუ ენ ლაისთან. ორ ქვეყანას შორის კონტაქტების აღდგენას მართლაც დიდი საერთაშორისო რეზონანსი მოჰყვა, რადგან არავის ეგონა, რომ „ჩინური რკინის ფარდა“ ასე მოულოდნელად დაეშვებოდა და გზას გაუხსნიდა არამარტო ამ ორი

ქვეყნის ეკონომიკურ და პოლიტიკურ ურთიერთობებს, არამედ აზიის რეგიონში არსებული კონფლიქტური სიტუაციების დარეგულირებას¹⁴⁴.

შანხაის კომუნიკე და მისი როლი ჩინეთ-ამერიკის ურთიერთობებში. ნიქსონის ვიზიტმა დიდი საერთაშორისო რეზონანსი გამოიწვია მაშინდელ მსოფლიოში. 27 თებერვალს მხარეებმა ხელი მოაწერეს ერთობლივ კომუნიკეს, რომელიც საერთაშორისო ურთიერთობების ისტორიაში „შანხაის კომუნიკეს“ სახელითაა ცნობილი. 1949 წლის შემდეგ ეს იყო პირველი პოლიტიკური ხელშეკრულება აშშ-სა და ჩინეთს შორის. თვით „შანხაის კომუნიკე“ მცირე ზომის დოკუმენტია და რამდენიმე დებულებისაგან შედგება. ამ დებულებათა თანახმად ორ ქვეყანას შორის ურთიერთობები ხუთ ძირითად პრინციპს უნდა დაფუძნებოდეს: *ურთიერთპატივისცემას, ტერიტორიულ სუვერენიტეტს, საშინაო საქმეებში ჩაურევლობას, სამართლიანობას და მშვიდობიან თანაარსებობას.*

„შანხაის კომუნიკეს“-ს წინ უძღოდა მძიმე დიპლომატიური მოლაპარაკებები, მაგრამ მან მკვეთრად შეცვალა ძალთა ბალანსი აზიის რეგიონში. კომუნიკეში დაფიქსირებულია აშშ-სა და ჩინეთის ინტერესების სამი ძირითადი ასპექტი:

- ამერიკისა და ჩინეთის ინტერესები რეგიონში

¹⁴⁴ Brodin V. Selden M. Open secret the Kissinger Nixon doctrine in Asia. N.Y. 1982.

- საერთაშორისო ურთიერთობების ძირითადი პრინციპების დაცვა
- ტაივანის საკითხი.

აშშ-სა და ჩინეთის ინტერესები რეგიონში პირველ რიგში ითვალისწინებდა ინდოჩინეთის სკითხის მოგვარებას, როგორც დოკუმენტში იყო ნათქვამი „საგარეო ზეწოლის გარეშე“. აშშ ადასტურებდა თავის პოზიციას, რომ ინდოჩინეთის თითოეულ ქვეყანას თვითგამორკვევის უფლება ჰქონდა. ეს საკითხი ფაქტობრივად უკვე არც იყო დამოკიდებული აშშ-ზე. მაგრამ მისი აღიარება ათწლიანი ომის შემდეგ პოლიტიკური კულტურის საკითხი იყო.

გარდა ამისა, აშშ-მ დაადასტურა, რომ მისი მოკავშირეები კორეა და იაპონია რჩებიან გავლენის სფეროდ, რადგან მათთან განსაკუთრებული ურთიერთობები გააჩნია და ა.შ.

თავის მხრივ, ჩინეთმა დეკლარირებულად გამოაცხადა, რომ „დიდმა ერებმა მცირე ერები არ უნდა დააშინონ“ და რომ „ჩინეთი დაუჭერს მხარს იმ ხალხს, რომელიც თავისუფლებისა და დამოუკიდებლობისათვის იბრძვის. ყველა ერს აქვს უფლება, სურვილის მიხედვით აარჩიოს მისაღები სოციალური სისტემა.“¹⁴⁵

¹⁴⁵ Меркулов С. К. Американско-китайское сближение (вторая половина 70-х гг). М. 1980; История международных отношений на Дальнем Востоке. 1945-1977 / Отв. Ред. С. Л. Тихвинский. Хабаровск. 1978;

როგორც ცნობილია, ტაივანის საკითხი ყოველთვის განსაკუთრებით მწვევედ იდგა ორ ქვეყანას შორის. ჩინელები მოყოლებული 1955 წლიდან ამტკიცებდნენ, რომ არსებობს ტაივანის საკითხის გადაწყვეტის ორი ხაზე – სამხედრო და მშვიდობიანი. „შანხაის კომუნიკეში“ დაფიქსირდა ჩინეთის შემდეგი პოზიცია „ტაივანი არის ჩინეთის პროვინცია, რომელიც მშობლიურ მხარეს უნდა დაუბრუნდეს, ტაივანის საკითხი არის ჩინეთის საშინაო საქმე და არც ერთ ქვეყანას არ აქვს უფლება მასში ჩაერიოს. ჩინეთი ეწინააღმდეგება ისეთ პოლიტიკურ აქტივობას, რომელიც ეფუძნება შემდეგ პრინციპებს: „ერთი ჩინეთი, ერთი ტაივანი, ერთი ჩინეთის ორი მთავრობა ჩინეთის პრინციპია = ერთი ჩინეთი, ერთი მთავრობა“. აშშ იძულებული იყო დაეფიქსირებინა, რომ ის ცნობდა ერთ - ერთჩინეთს და ტაივანი არის მისი განუყოფელი ნაწილი¹⁴⁶.

ჩინეთის პრინციპულმა პოზიციამ ნაყოფი გამოიღო. სიტყვიერად მხარეები შეთანხმდნენ, რომ აშშ თანდათან შემცირებდა თავის სამხედრო აქტივობას ტაივანის სრუტეში და დაიწყებდა თავისი სამხედრო კონტინგენტის შემცირებას. რა თქმა უნდა, პირველი რანგის შეხვედრებმა ვერ გადაწყვიტა ყველა ის საკითხი, რომელიც დაგროვდა კონფრონტაციის პირობებში, მაგარმ ეს იყო მნიშვნელოვანი ნაბიჯი გადადგმული ორი ქვეყნის მიერ დაძაბულობის შე-

¹⁴⁶ Вопросы и ответы, касающиеся Белой Книги. Тайванский вопрос объединения Китая. Пекин. 1997.

ნელებისაკენ არამარტო სამხეთ-აღმოსავლეთ აზიაში, "არამედ შთელ ვეროაზიურ კონტინენტზე.

„შანხაის კომუნიკეს“ ძირითად აქტში დაფიქსირებული იყო, რომ მხარეებს უნდა განეგრძოთ თანამშრომლობა მეცნიერებისა და კულტურის სფეროში

„შანხაის კომუნიკემ“ დასაბამი მისცა ახალ ეპოქას აშშ-სა და ჩინეთის ურთიერთობებში. ფაქტობრივად, ეს იყო ახალი ტიპის პირველი ურთიერთობები სხვადასხვა სოციალური სისტემის მქონე სახელმწიფოებს შორის.

ამრიგად, „შანხაის კომუნიკემ“ დასაბამი მისცა ახალ საერთაშორისო ურთიერთობებს ე. წ. „სოციალისტური ბანაკის“ ქვეყნებსა და „კაპიტალისტურ“ ქვეყნებს შორის. მან პირველმა აჩვენა მაშინდელ მსოფლიოს, რომ ორ დიდ დაპირისპირებულ ბანაკს შორის არსებობდა ურთიერთობების დიდი შესაძლებლობები და რომ საგარეო პოლიტიკის წარმოება იდეოლოგიაზე დაყრდნობით წამგებიანი იყო და საჭირო იყო საერთაშორისო ურთიერთობების მეტი ლიბერალიზაცია.

აქედან გამომდინარე, ჩვენ შეგვიძლია დავასკვნათ რომ არც ერთი სახელმწიფო, როგორც სამხედრო – ეკონომიური პორტენციალიც არ უნდა პქონდეს მას, ვერ შეძლებს თავისი პოლიტიკის გატარებას თუ ის არ არის შეთანხმებული ან დეკლარირებული მის მიერ საერთაშორისო თანამეგობრობასთან.

XX საუკუნის საერთაშორისო ურთიერთობები, განსაკუთრებით მისი მეორე ნახევარი არის დაპირისპირების პერიოდი ორ მძლავრ სამხედრო პოლიტიკურ ბლოკს შორის. სამხრეთ - აღმოსავლეთ აზია გახდა მათი დაპირისპირების პოლიგონი. ჩინელები, ისევე როგორც ამერიკელები, გამომდინარე თავიანთი პოლიტიკური ხედვიდან, დიდი ხნის განმავლობაში ცდილობდნენ ამ რეგიონის პრობლემების ცალმხრივად გადაჭრას. მაგრამ ვერ შეძლეს ამის გაკეთება, რადგან ქვეყნებს შორის ურთიერთობების არარსებობამ XX საუკუნის 70-იან წლებამდე გადაუჭრელ ამოცანად აქცია ბევრი ისეთი საკითხის გადაწყვეტა, რომლის გარეშე არამარტო აზიაში, არამედ მთელ მსოფლიოში დაძაბულობის ტემპერატურა მაღალი იყო.

ჩინეთისა და აშშ-ს პირველი პირების ურთიერთობამ და შემდგომ „შანხაის კომუნიკეს“ გამოქვეყნებამ მძლავრი იმპულსი მისცა ორ ქვეყანას შორის ახალი პოლიტიკური პრინციპების ჩამოყალიბებას.

„შანხაის კომუნიკესა“ და აშშ-ს ჩინეთთან დაახლოებას მოჰყვა ტაივანის გარიცხვა გაეროდან 1972 წლის 25 ოქტომბერს.

კვიპროსის საპითხი XX საუკუნის 60-70-იანი წლების
საერთაშორისო ურთიერთობაში

მორე მხოვლიო ომის შემდეგ კუნძულ კვიპროსზე¹⁴⁷ განვითარებული მოვლენები კარგად გვიხვენებენ თუ რა შეიძლება მოჰყვეს ეთნო-კონფესიურ დაპირისპირებას, რომელიც უშუალო კავშირშია ქვეყნის ისტორიულ წარსულთან და მეზობელი სახელმწიფოების ინტერესებთან. აღნიშნულმა ინტერესებმა დიდი როლი და ადგილი ითამაშეს კონფლიქტის განაღების საქმეში, რომლის საბოლოო შედეგი კვიპროსის ბერძნულ და თურქულ ნაწილებად დაყოფა გახდა.

კუნძულ კვიპროსზე იმთავითვე გადაიკვეთა საბერძნეთის, თურქეთისა და ინგლისის გეოპოლიტიკური ინტერესები, რომლებიც ხშირად კარნახობდნენ პოლიტიკური მოვლენების განვითარებას, რაც ხელს უშლიდა ინტეგრაციული პროცესების დაჩქარებას ბერძნულ და თურქულ თემებს შორის. გარდა ამისა, ხშირ შემთხვევაში დაპირისპირებული მხარეების მიზანი იყო არა კვიპროსის, როგორც დამოუკიდებელი სახელმწიფოს არსებობა, არამედ

¹⁴⁷ კუნძული კვიპროსი მდებარეობს ხმელთაშუაზღვის აღმოსავლეთ ნაწილში, რომელზეც მდებარეობს კვიპროსის სახელმწიფო. მისი ტერიტორია შეადგენს 9251 კვ. კმ. დედაქალაქი არის ნიქოზია, ოფიციალური ენა ბერძნული. ეროვნული დღესასწაული 1 ოქტომბერი. ოფიციალური კალენდარი გრიგორიანული. კვიპროსი არის ევროკავშირის წევრი სახელმწიფო.

მისი გაერთიანება საბერძნეთან, ან თურქეთის სახელმწიფოებთან.

კვიპროსზე არსებული შინაგანი წინააღმდეგობანი თავის სათავეებს ჯერ კიდევ XVI საუკუნიდან იღებს, როდესაც 1571 წელს, ვენეციის დამარცხების შემდეგ, ოსმალეთმა ხელთ იგდო კუნძული და მასზე თავისი კონტროლი დაამყარა. თურქეთის მმართველი წრეები ადგილობრივ მართლმადიდებელ ბერძნულ მოსახლეობას განიხილავდა როგორც მეორე ხარისხოვანს, რომელიც რელიგიური შევიწროების გარდა ეკონომიურადაც დიდ წნეხს განიცდიდა. ასეთ დამოკიდებულებას ბერძნულენოვანი მოსახლეობის არაერთი უკმაყოფილება და შეიარაღებული გამოსვლები მოჰყვა.¹⁴⁸

1821-1829 წლებში ბერძენი ხალხის მიერ ოსმალეთის იმპერიის წინააღმდეგ მიმართული ეროვნულ-განმათავისუფლებელი მოძრაობა საბოლოოდ დამოუკიდებელი ბერძნული სახელმწიფოს აღმოცენებით დასრულდა¹⁴⁹, მაგრამ ეს არ ნიშნავდა ყველა იმ ტერიტორიების განთავისუფლებას, რომელიც ბერძნული მოსახლეობით იყო დასახლებული. ამ დროიდან მოყოლებული ბერძნული

¹⁴⁸ აღსანიშნავია 1764, 1804 და 1821 წლების აჯანყებები ოსმალთა ბატონობის წინააღმდეგ, რომლებიც ოსმალეთმა არსახელი სიხასტიკით წაახშევს.

¹⁴⁹ ალ. მენთეშაშვილი. საერთაშორისო ურთიერთობებისა და დიპლომატიის ისტორია. თბ. 2002. ტ. II, გვ. 106 – 109.

სახელმწიფოსთვის *ენოზისი*¹⁵⁰ გახდა მთავარი ღოზუნგი, რაც ითვალისწინებდა კუნძულების ფესვლიის, კრეტის, კვიპროსის და სხვა ტერიტორიების შემოერთებას. კვიპროსელი ბერძნები, რომლებიც არაერთხელ აჯანყებულან ოსმალების წინააღმდეგ, ამ ბრძოლის ავანგარდში იღვწენ. მაგალითად, 1821 წელს კვიპროსზე ოსმალების მიერ აჯანყების ჩახშობის შედეგად სიკვდილით დასაჯეს არქიეპისკოპოსი მაკარიოსი, სხვა მღვდელმთავრები და ქრისტიანი მოსახლეობა¹⁵¹.

კვიპროსზე ბერძნული მოსახლეობა უხსოვარი დროიდან ცხოვრობდა, ხოლო XVI საუკუნეში, ოსმალების მიერ კუნძულის დაპყრობის შემდეგ აქ თურქული ელემენტიც გაჩნდა, რომელიც უმეტესწილად ანატოლიის ცენტრალური ნაწილიდან გადმოსახლებული თურქებისაგან შედგებოდა. ისინი თანდათანობით იკავებდნენ თავიანთი მიწა-წყლიდან აყრილი ბერძნების ადგილს და დროთა განმავლობაში კვიპროსის ეთნოსის შემადგენელ ნაწილად ჩამოყალიბდნენ. ამის შემდეგ ბერძნები და თურქები კვიპროსზე ერთად ცხოვრობდნენ, მაგრამ მიუხედავად ამისა, ეს ორი ეთნიკური ჯგუფი ტრადიციულად ერთმანეთისაგან იზოლირებული და მტრულად განწყობილი იყო. კვიპროსელ თურქთა რაოდენობა მთელი მოსახლეობის 20-30% შეადგენდა, ცხოვრობდნენ, როგორც სოფლად, ასევე

¹⁵⁰ *ენოზისი* – ბერძენთა ბრძოლა ბერძნული მოსახლეობით დასახლებული ტერიტორიების შემოერთებისათვის.

¹⁵¹ *Papardaces C. Cyprus. Athens., 1958. გვ. 8-9.*

ქალაქებში, მაგრამ ისინი მხოლოდ თავიანთ უბნებში სახლდებოდნენ და ბერძნებისაგან განსხვავებულ ცხოვრების წესსა და ტრადიციებს მისდევდნენ. ეს განსხვავება თვით საცხოვრებელი სახლების არქიტექტურითაც კი იოლი შესამჩნევი იყო.

კვიპროსის საზოგადოებისათვის დამახასიათებელი იყო თავისებური დიფერენციალური სტრუქტურული პლურალიზმი, რაც გამოიხატებოდა ერთის მხრივ თურქი კვიპროსელების მისწრაფებით გაეკეთებინათ თავიანთი კარიერა სამხედრო, ადმინისტრაციულ ან სასულიერო სფეროში, ხოლო მეორე მხრივ ისეთი პროფესიები როგორც იყო ვაჭრობა, ხელოსნობა, მევახშეობა, ძირითადად ბერძნული მოსახლეობის არწევანს წარმოადგენდა. სანამ კვიპროსი ოსმალეთის იმპერიის შემადგენლობაში შედიოდა თურქი კვიპროსელების პოზიციები კუნძულზე მყარი იყო, მაგრამ, როდესაც 1878 წელს ის ხელთ იგდეს ინგლისელებმა¹⁵² მათი მდგომარეობა რადიკალურად შეიცვალა: თურქებმა დაკარგეს პოლიტიკური ხელისუფლება და ბერძნებთან შედარებით ეთნიკური უმცირესობის როლში აღმოჩნდნენ. ამიერიდან ნაწილობრივ ბერძნე-

¹⁵² კვიპროსის მნიშვნელობაზე ინგლისელთათვის მიუთითებს მაშინდელი პრემიერ-მინისტრის ბ. დიზრაელის სიტყვები, რომელიც ინგლისის დედოფალ ვიქტორიას უთხრა: „კვიპროსი-ადმონავლეთ აზიის გახადება“ ციტირებულია; **Buckle G.** The Life of Benjamin Disraeli. Earl of Beaconsfield, vol. VI-London 1920. გვ. 291.

ბის ხელში ხელში გადავიდა, როგორც ეკონომიკური ასევე პოლიტიკური უპირატესობა.¹⁵³

შექმნილ მდგომარეობაში კვიპროსელმა თურქებმა იმისთვის, რომ შეენარჩუნებინათ პოლიტიკური გავლენა და არ მოხვედრილიყვნენ ბერძნული თემის გავლენის ქვეშ, კოლონიურ ადმინისტრაციასთან თანამშრომლობა აირჩიეს, მაშინ როდესაც კვიპროსელი ბერძნების მთავარი პოლიტიკური ღოზუნგი კვლავ ენოზისი იყო და ცდილობდნენ ბრძოლა გაეგრძელებინათ ინგლისელთა წინააღმდეგ, რათა შეერთებოდნენ ბერძნულ სახელმწიფოს¹⁵⁴.

კვიპროსელი ბერძნების ეროვნულ – განმათავისუფლებელი ბრძოლა ინგლისელთა წინააღმდეგ განსაკუთრებით გაძლიერდა პირველი მსოფლიო ომის შემდეგ, რამაც თურქული წარმოშობის კვიპროსელები კიდევ უფრო დაახლოვა კუნძულის კოლონიურ ადმინისტრაციასთან. საგულისხმოა ის ფაქტი, რომ 1931 წელს თურქებით დასახლებულმა 218 სოფელმა (ანუ მთელმა მუსლიმანურმა მოსახლეობამ) ხელი მოაწერა ე. წ. დეკლარაციას, სადაც ისინი გამოხატეს ბერძნების გამოსვლებს ინგლისელების წინააღმდეგ და სოლიდარობას და მხარდაჭერას უცხადებდნენ კოლონიურ ადმინისტრაციას.¹⁵⁵

¹⁵³ Papardaces C. Cyprus., გვ. 16-17.

¹⁵⁴ იქვე

¹⁵⁵ Кузунис Н. Проблемы национально-освободительного движения на Кипре (20-50 годы XX в) М.1986. გვ. 79

კვიპროსის ბერძნული მოსახლეობა მეორე მსოფლიო ომის შემდეგაც საბერძნეთის მთავრობას განიხილავდა, როგორც თავის ბუნებრივ მოკავშირეს თავიანთი ინტერესების დასაცავად. XX საუკუნის 40-50-იან წლებში კვიპროსელი ბერძნების პოლიტიკური ორგანიზაციები, მიუხედავად თავიანთი პოლიტიკური შეხედულებებისა, ენოზისის ღოზუნგით განაგრძობდნენ ბრძოლას ინგლისელთა წინააღმდეგ. აღსანიშნავია ის გარემოება, რომ ბერძნული მართლმადიდებელი სამღვდელთა კონსილი ავანგარდში იყო¹⁵⁶. 1950 წლის იანვარში მათ ინგლისური კოლონიური ადმინისტრაციის დაუკითხავად მოაწვევეს პლებისციტი კუნძულის საბერძნეთთან გაერთიანების თაობაზე. პლებისციტის შედეგებმა აჩვენა რომ ბერძენთა 95% მხარს უჭერდა კუნძულის დეკოლონიზაციის ენოზისურ ფორმას,¹⁵⁷ ხოლო თურქი-კვიპროსელები პირიქით, როგორც ეს ადრე იყო, მთლიანად ინგლისელების მხარეს იყვნენ. უფრო მეტიც, კვიპროსის პოლიციის შემადგენლობის 70%-ს თურქები შეადგენდნენ. ინგლისელები სწორედ მათ იყენებდნენ ბერძენთა დემონსტრაციების დასარბევად, ან სხვა ქმედებების ჩასატარებლად, რაც თავის მხრივ იწვევდა მტრული ატმოსფეროს შექმნას ბერძნულ და თურქულ მოსახლეობას შორის.

¹⁵⁶ მაგალითად, კვიპროსელი ბერძნების ლიდერი 1950 წლიდან იყო არქიეპისკოპოსი მაკარიოსი.

¹⁵⁷ **Анисимов Л. Н.** Проблемы Кипра. Исторические и международно-правовые аспекты. М.1986, გვ. 21.

ბერძნული პოლიტიკური ორგანიზაციების ბრძოლის მეთოდები ინგლისელთა წინააღმდეგ სხვადასხვა იყო. მათ შორის იყო შეიარაღებული გამოსვლები. 1955 წელს ერთ-ერთმა ასეთმა პოლიტიკურმა ორგანიზაციამ – თავისუფლებისათვის მებრძოლთა ეროვნულმა ორგანიზაციამ (თმეო-eoka)¹⁵⁸ დაიწყო შეიარაღებული ბრძოლა ინგლისელ კოლონიზატორთა წინააღმდეგ. ეს ორგანიზაცია მოითხოვდა კვიპროსის გაერთიანებას „დედა-საბერძნეთთან“, როგორც ეს მოხდა კუნძულ კრეტისა (1913) და დოდოკანესის კუნძულების (1947) მიმართებაში. eokas აზრით, კვიპროსის მიერთება საბერძნეთთან იქნებოდა საბერძნეთის განთავისუფლების და გაერთიანების ბოლო ეტაპი, რომელიც ჯერ კიდევ 1821 წელს ოსმალეთის იმპერიის წინააღმდეგ აჯანყებით დაიწყო.

¹⁵⁸ eoka-ს არაღვრადული ორგანიზაცია შეიქმნა 1951 წელს საბერძნეთის არმიის პოდკოუნიკის და წარმოშობით კვიპროსელის გეორგი გრივასის (1908-1974) მიერ. ის ხაინტურესო ბიოგრაფიის მქონე პიროვნება იყო. დაიბადა კ კვიპროსზე შემდგომი ვაჭრის ოჯახში. კვიპროსში მიიღო დაწყებითი განათლება, სადაც პირველად უხიარა დოქტრინას ელინისტური ნაციონალიზმის შესახებ. 17 წლისამ დატოვა კვიპროსი და საბერძნეთში გადასახლდა, სადაც სწავლობდა ათენის სამხედრო აკადემიაში. მსახურობდა საბერძნეთის არმიაში. 1940 წელს, საბერძნეთში იტალიის არმიის შეჭრის შემდეგ შექმნა მემარჯვენე ყაიღის არაღვრადული ორგანიზაცია „ნაციონალური წინააღმდეგობის პარტია“. მუორე მსოფლიო ომის შემდეგ 1949 წელს დაბრუნდა კვიპროსში და შექმნა არაღვრადული სამხედრო-პოლიტიკური ორგანიზაცია eoka - კვიპროსის მებრძოლთა ნაციონალური ორგანიზაცია. რომლის მიზანი იყო კვიპროსის გაერთიანება საბერძნეთთან.

eoka - ს მოქმედების ფორმები კოლონიური ადმინისტრაციის მიმართ გამოიხატებოდა ინგლისელი სამხედრო და სამოქალაქო პირების მიმართ ტერორისტული აქტებით. ეს ტენდენცია განსაკუთრებით მას შემდეგ გაძლიერდა, რაც 1956 წელს არქიეპისკოპოსი მაკარიოსი¹⁵⁹ კვიპროსიდან იქნა გასახლებული. მაკარიოსი გრიგორი გრივასთან შედარებით თავისი შეხედულებებით ზომიერი იყო და არ იზიარებდა გრივასის უკიდურესად მემარჯვენე შეხედულებებს, გარდა ამისა სამხედრო ძალის გამოყენებას ის განიხილავდა როგორც ერთ-ერთ და არა მთავარ ფორმას მიზნის მისაღწევად. გრივასი თავისი პოლიტიკური შეხედულებებით უკიდურესი მემარჯვენე იყო და გამოდიოდა მოთხოვნით გაესახლებინათ კვიპროსელი თურქები კუნძულიდან. eoka- ს ტერორისტულმა მოქმედებამ კვიპროსში ბერძნულ და თურქულ მოსახლეობას შორის იმდენად დაძაბა ვითარება, რომ 1958 წლისთვის კუნძულზე ვითარება უკიდურესად დაიძაბა.¹⁶⁰ თავის მხრივ ბრიტანელები, რომლებიც გრძნობდნენ, რომ მათი ბატონობა დასასრულს

¹⁵⁹არქიეპისკოპოსი მაკარიოს III (1913-1977) - ერისკაცობაში მიხაილ ხრისტოდულოსი მუსკოს არქიეპისკოპოსი, კვიპროსის ავტოკეფალური ეკლესიის და ბერძნული თემის ღიადერი 1950 წლიდან. მონაწილეობდა კვიპროსის ეროვნულ-განმათავისუფლებელ მოძრაობაში, რომელიც მიმართული იყო ინგლისელთა ბატონობის წინააღმდეგ. 1959 წლიდან კვიპროსის პირველი პრეზიდენტი.

¹⁶⁰კვიპროსელმა თურქებმა, თავის მხრივ, შექმნეს შეიარაღებული ფორმირება „ჟულკანის“ სახელწოდებით, რომელიც დაუბრისპირდა eoka-ს და ენოხისის მომხრეებს კუნძულზე.

უახლოვდებოდა, ცდილობდნენ დროებით მაინც შეენარჩუნებინათ თავიანთი პოზიციები სამხედრო და პოლიტიკური თვალსაზრისით მნიშვნელოვან აღმოსავლეთ ხმელთაშუაზღვის რეგიონში და ცდილობდნენ გაეტარებინათ თავიანთი პოლიტიკის უცვლელი ხაზი „დაყავი და იბატონე“. კვიპროსის მოსალოდნელი დეკოლონიზაციის პრობები აქტიურად განიხილებოდა ინგლისის სახელისუფლო წრეებში, სადაც კუნძულის საბერძნეთთან გაერთიანება მიუღებელი იყო. კვიპროსთან მიმართებაში ლონდონის მოკავშირედ გამოდიოდა თურქეთი, რომელმაც 1955 წელს განაცხადა, რომ ენოზის კვიპროსთან მიმართებაში, რომელიც 60 კილომეტრშია თურქეთის სანაპიროსთან, დაუშვებელია, რადგან ეს საფრთხეს უქმნის ქვეყნის უსაფრთხოებას¹⁶¹. ამ პერიოდში კვიპროსელი ბერძნები წარმოადგენდნენ კუნძულის მოსახლეობის უმრავლესობას და შეპყრობილი იყვნენ ერთგვარი ეიფორიით - საბერძნეთთან მოსალოდნელი გაერთიანებით. ისინი უგულვებელყოფდნენ კვიპროსელი თურქების არსებობას და მათ სამართლებრივ უფლებებს. საქმის ასეთი ვითარება ხელს აძლევდა ინგლისელებს, რათა მომავალში ჩარეულიყვნენ კვიპროსის საქმეებში და მეორე მხრივ, აიძულებდა კვიპროსელ თურქებს მხარდამჭერი მოქმედნათ თურქეთში, რაც თავის მხრივ ამ ქვეყნის ინტერესებშიც შედიოდა. საგულისხმოა

¹⁶¹ **Почверия Б. М.** Внешняя политика Турции после второй мировой войны. М. 1976. გვ. 202.

ის ფაქტი, რომ პირველი და მეორე მსოფლიო ომების დროს კვიპროსელი თურქების პოზიცია ენოზისთან დაკავშირებით მკვეთრად უარყოფითი იყო. თურქი კვიპროსელების ლიდერების მოთხოვნა იყო ბრიტანელების ბატონობის შენარჩუნება, ან კუნძულის გაერთიანება თურქეთის რესპუბლიკასთან. მეორე მსოფლიო ომის შემდეგ კვიპროსელ თურქთა ლიდერმა ფ. ქუჩუქმა წამოაყენა კუნძულის გაყოფის იდეა-ტაქსიმა, რომელსაც თურქეთის მმართველი წრეებიც უჭერდნენ მხარს.¹⁶² კვიპროსელი ბერძნები, ისევე როგორც საბერძნეთის მთავრობა, ამ იდეას როგორც მოსალოდნელი იყო უარყოფითად შეხვდნენ. თუ გაითვალისწინებთ იმ გარემოებას, რომ თურქები და ბერძნები კვიპროსზე შერეულად ცხოვრობდნენ, კუნძულის გაყოფა დიდ პრობლემებთან იქნებოდა დაკავშირებული. ამ სიტუაციაში ინგლისელებმა წამოაყენეს წინადადება კვიპროსისთვის დამოუკიდებლობა მიენიჭებინათ იმ შემთხვევაში, თუ გათვალისწინებული იქნებოდა თურქ კვიპროსელთა ინტერესები და კვიპროსელი ბერძნები უარს იტყოდნენ ენოზისზე.

1959 წელს საბერძნეთმა ინგლისელთა ზეწოლის ქვეშ უარი განაცხადა ენოზისის პოლიტიკაზე კვიპროსთან მიმართებაში, რადგან უარის შემთხვევაში ინგლისი იმუქრებოდა, რომ კუნძულის ნაწილს თურქეთის რესპუბლიკას

¹⁶² ემზარ მაკარაძე, მადონა გოგიტიძე კვიპროსის საკითხი აღმოჩნდა პოლიტიკაში XX ს. 60-80-იან წლებში. ბათუმი. 2000. გვ.30-32.

გადასცემდა. იმავე წელს საბერძნეთმა კუნძულის მომავალ სტატუსზე მოლაპარაკება დაიწყო თურქეთთან. მოლაპარაკების შედეგად, რომელიც მიღწეული იქნა ლონდონში და ისტორიაში შევიდა ციურის-ლონდონის შეთანხმების სახელით, მხარეები შეთანხმდნენ კვიპროსის სტატუსზე, როგორც დამოუკიდებელ სახელმწიფოზე და ორივე თემის რაოდენობრივ წარმომადგენლობაზე ქვეყნის საკანონმდებლო ორგანოში. ინგლისის, საბერძნეთისა და თურქეთის სახელმწიფოები ხდებოდნენ კვიპროსის დამოუკიდებლობისა და ორივე თემის თანაბარი უფლებების გარანტები. ციურის-ლონდონის შეთანხმების საფუძველზე შეიმუშავეს კვიპროსის კონსტიტუცია, რომელიც ძალაში 1960 წელს შევიდა¹⁶³.

მიუხედავად იმისა, რომ დაინტერესებული მხარეები შეთანხმდნენ კვიპროსის სტატუსზე და კონსტიტუციაც შეიმუშავეს, რომელსაც უნდა უზრუნველყო დაპირისპირებული თემების მშვიდობიანი თანაარსებობა, ეს პოლიტიკური ნაბიჯი მაინც მიუღებელი აღმოჩნდა კვიპროსელი ბერძნებისა და თურქებისათვის, რადგან მათი წარმომადგენლები არ მონაწილეობდნენ კონსტიტუციის შემუშავებაში და მათ მაგივრად ინგლისი, საბერძნეთი და

¹⁶³Анисимов Л. И. Проблемы Кипра. Исторические и международно-правовые аспекты... გვ. 39-40. Tomaritis C. Cyprus and its Constitutionale and other Legal problems. Nikosia. 1980. გვ. 41. აღსანიშნავია, რომ კვიპროსის კონსტიტუციის ავტორი არის ინგლისელი იურისტი ლორდი რედკლიფი.

თურქეთი ცდილობდნენ თავიანთი პოლიტიკური ინტერესების განხორციელებას: საბერძნეთის მიზანი იყო არ დაეშვა კვიპროსის ნაწილის გადაცემა თურქეთისათვის; თურქეთი ცდილობდა თავიდან აეცილებინა კვიპროსის გაერთიანება საბერძნეთთან; ინგლისი აპირებდა მომავალში კვიპროსზე შეენარჩუნებინა თავისი პოლიტიკური და სამხედრო გავლენა. სწორედ მათი ინტერესებიდან გამომდინარე, კვიპროსის კონსტიტუციაში შეტანილი იქნა მუხლები, რომელიც ღახავდა ამ ქვეყნის სუვერენიტეტს. კერძოდ, კუნძულზე შენარჩუნებული იქნებოდა ინგლისელთა სამხედრო ბაზების ექსტერიტორიულობა, რომელიც 150 კვ. კილომეტრს აღწევდა. გარდა ამისა, კვიპროსზე უნდა განლაგებულიყო საბერძნეთის და თურქეთის სამხედრო ნაწილები, რაც იძლეოდა ქვეყნის საშინაო საქმეებში ჩარევის საშუალებას. ამავე დროს იკრძალებოდა ენოზისისა და ტაქსიმას მომხრე ორგანიზაციების მოქმედება¹⁶⁴.

კონსტიტუცია, რომელიც ინგლისმა, საბერძნეთმა და თურქეთმა შეიმუშავა კვიპროსის ახალ მთავრობას დიდ სიმწელებს უქმნიდა ქვეყნის მართვაში. ეს გამოიხატებოდა, პირველ რიგში იმაში, რომ სახელმწიფო სტრუქტურებში არაპროპორციულად დიდი იყო კვიპროსელი თურქების რაოდენობა ბერძნებთან შედარებით¹⁶⁵, გარდა ამისა,

¹⁶⁴ **Crawshaw N.** The Cyprus Revolt. An Account of the struggle for union with Greece. L. 1978. გვ. 349-341.

¹⁶⁵ კონსტიტუციის თანახმად, კვიპროსის მთავრობაში, სახელმწიფო დაწესებულებებში, პოლიციაში და კანდარმერიაში 30%

ქვეყნის ვიცე-პრეზიდენტს, რომელიც თურქი უნდა ყოფილიყო ვერტოს უფლება გააჩნდა. ამ კონსტიტუციის თანახმად, იქმნებოდა ცალკე სასამართლოები ბერძნებისა და თურქებისთვის, ცალკე მუნიციპალიტეტები და პარლამენტის პალატები და ა.შ. პრივილეგიების ასეთი ინსტიტუტიზაცია ხელს აძლევდა კვიპროსის თურქულ თემს, რადგან მომავალში ისინი ბერძნებისაგან ეკონომიკურად და პოლიტიკურად დამოუკიდებელნი ხდებოდნენ და საჭიროების შემთხვევაში შეეძლოთ მოეხდინათ ქვეყნის სახელმწიფო სტრუქტურების მუშაობის პარალიზება და აუცილებლობის შემთხვევაში წინააღმდეგობა გაეწიათ ენოზისის მომხრეებისათვის. კომპრომისის ეს ფორმა მისაღები იყო როგორც თურქი კვიპროსელებისათვის, ასევე თურქეთისათვის, რომლებიც ძალღონეს არ იშურებდნენ თავიანთი ინტერესების დასაცავად.

თურქებისაგან განსხვავებით, ციურის-ლონდონის შეთანხმების მიმართ საბერძნეთსა და კვიპროსელ ბერძნებს მკვეთრად ნეგატიური დამოკიდებულება გააჩნდათ. უფრო მეტიც, მიუხედავად იმისა, რომ საბერძნეთი იყო ერთ-ერთი ხელმომწერი მხარე ამ შეთანხმებისა მას უარი არ უთქვამს კუნძულის შემოერთებაზე, რადგან ამ მხრივ დიდი მხარ-

უნდა ყოფილიყვნენ კვიპროსელი თურქები, არმიაში კი 40%. მას შემდეგ იხინი მოხახლეობის მხოლოდ 18% -ს შეადგენდნენ, ხოლო კვიპროსელი ბერძნები 78%-ს. იხ. თ. კიკნაძე, ეთნოკონფლიქტურ წინააღმდეგობათა ევოლუცია კვიპროსზე 1878-1992წწ. საკანდიდატო დისერტაციის მაცნე, თბ. 1993. გვ.14.

დაჭერა ჰქონდა კვიპროსის ბერძნული მოსახლეობის ნაწილისაგან, რომელიც თვლიდა, რომ ეს ხელშეკრულება თავს მოხვეული იყო ინგლისელებისა და თურქების მიერ და საჭირო იყო ბრძოლის გაგრძელება ენოზისისთვის. ამიტომ გასაკვირი არ იყო, რომ კვიპროსის დამოუკიდებელ სახელმწიფოდ გამოცხადების შემდეგ კვიპროსელი ბერძნები კონსტიტუციას და სახელმწიფო წყობილებას აღიქვამდნენ, როგორც გარდამავალ ეტაპს და დროებით მოვლენას, რომელიც შემდგომში უნდა გადაზრდილიყო ენოზისში.¹⁶⁶ კვიპროსელი ბერძნები იმდენად თვითდაჯერებული იყვნენ თავიანთ გამარჯვებაში, რომ 1962 წელს კვიპროსის შინაგან საქმეთა მინისტრმა და *eoka*-ს ერთ-ერთმა ლიდერმა გეორგიადისმა პირდაპირ განაცხადა, რომ „კვიპროსი ყოველთვის იყო ბერძნული და საბერძნეთთან გაერთიანების ოცნება მალე ასრულდება“¹⁶⁷, რა თქმა უნდა ამ განცხადებამ კვიპროსელი თურქების დიდი აღშფოთება გამოიწვია და დაძაბა ისედაც დაძაბული ვითარება ორ თემს შორის.

პოლიტიკური სისტემა, რომელიც ციურიხ-ლონდონის შეთანხმების საფუძველზე ჩამოყალიბდა, არაუფექტური აღმოჩნდა, რადგან ის არ ემყარებოდა ორი შეურიგებელი თემის ინტერესებს, გარდა ამისა ის კომპრომისი, რომელიც თავს იქნა მოხვეული დაპირისპირებული მხარეებისადმი, არაუფექტური აღმოჩნდა. მაგალითად, კვიპროსელი

¹⁶⁶ *Шахбазов В. А.* Проблемы Кипра в политике Турции в 1960-1980 годах. Орджоникидзе. 1983. გვ. 11.

¹⁶⁷ იქვე გვ. 10.

თურქები უკმაყოფილო იყვნენ, რომ არ ხორციელდებოდა მათი წარმომადგენლების დანიშვნა სახელმწიფო სტრუქტურებში, და ბერძნების მიერ უგულვებელყოფილი იქნა ვიცე-პრეზიდენტის მიერ ვეტოს დადების უფლება. ამ დასხვა გარემოებების გამო 1961 წელს თურქმა დეპუტატებმა, ფაქტობრივად, ბოიკოტი გამოუცხადეს პარლამენტის მუშაობას. მათ უარი თქვეს ხმა მიეცათ საგადასახადო კოდექსისათვის, ერთიანი კვიპროსის არმიის შექმნაზე და ა.შ. 1963 წელს კვიპროსის პრეზიდენტმა მაკარიოსმა სცადა მიეღო ისეთი კანონები, რომელიც გააძლიერებდა კვიპროსის სახელმწიფო სტრუქტურებს, მაგრამ ეს ნაბიჯი კვიპროსელი თურქების მიერ აღქმული იქნა, როგორც მათი ინტერესების შელახვა. დაპირისპირება თურქულ და ბერძნულ თემებს შორის სამხედრო შეტაკებაში გადაიზარდა, რომელშიც აქტიურად მინაწილეობდნენ კუნძულზე დისლოცირებული საბერძნეთისა და თურქეთის სამხედრო ნაწილები¹⁶⁸. ამ მოვლენებიდან მოყოლებული თურქ-კვიპროსელთა ლიდერებმა შეიმუშავეს კვიპროსის გაყოფის გეგმა ეთნიკური ნიშნის მიხედვით და, ფაქტობრივად, მიზნად დაისახეს კვიპროსის თურქული ნაწილის შეერთება თურქეთის რესპუბლიკასთან.¹⁶⁹ ამ გეგმის რეალიზაციის მიზნით თურქები გამოვიდნენ კვიპროსის პარლამენტიდან, რომელშიც მხოლოდ ბერძენი დეპუტატები დარჩნენ და გა-

¹⁶⁸ იქვე გვ. 10-11.

¹⁶⁹ Анисимов Л. Н. Проблемы Кипра... . გვ. 61

ნაცხადეს, რომ კვიპროსის პარლამენტი და მთავრობა ვერ ჩაითვლება კანონიერ ნაციონალურ მთავრობად და ისინი ქმნიან პარალელურ სტრუქტურებს თურქი კვიპროსელებისათვის - ე. წ. „გენერალურ კომიტეტს“, რომელშიც შევიდნენ ყოფილი თურქი დეპუტატები და მინისტრები. გენერალურ კომიტეტს სათავეში ჩაუდგა ფ. კუჩუკი, რომელიც იმ პერიოდში კვიპროსელი თურქების ლიდერი იყო. პირველ რიგში, მან გასცა ბრძანება ყველა თურქს თავი მოეყარა კუნძულის ჩრდილოეთ ნაწილში, საიდანაც ბერძნები უნდა გამოედევნათ, ამით შეიქმნებოდა ანკლავი, რომელიც თავისუფალი იქნებოდა კვიპროსელი ბერძნებისაგან. 1964 წლისთვის ამ ანკლავში, რომელიც კუნძულის 1,5%-ს შეადგენდა თავი მოიყარა 50 ათასმა თურქმა კვიპროსელმა, ამავე დროს მათ დაგეგმეს, რომ მომავალ თურქულ ნაწილში უნდა ყოფილიყო კუნძულის ტერიტორიის 38%. ამით მათ სურდათ წინააღმდეგობა გაეწიათ ენოზისის მომხრეებისათვის, რომელსაც მხარს უჭერდა საბერძნეთის მთავრობა და რომელმაც კვიპროსზე ფარულად გაგზავნა დამატებითი საჯარისო ნაწილები.¹⁷⁰

საყურადღებოა ის ფაქტი, რომ თვით კვიპროსელ ბერძნებს შორის იყვნენ ისეთი ძალები, რომლებიც ენოზისის წინააღმდეგ გამოდიოდნენ. ძირითადად, ეს იყო მემარცხენე მიმართულების ძალები, რომლებსაც

¹⁷⁰ ითვალისწინებდა რა კვიპროსში შექმნილ მდგომარეობას გაეროს უშიშროების საბჭომ მიიღო გადაწყვეტილება გაგზავნა გაეროს ჯარები კვიპროსზე.

პრეზიდენტი მაკარიოსი ხელმძღვანელობდა. მათი აზრით, კვიპროსის საბერძნეთთან გაერთიანება ნახტარევი ნაბიჯი იქნებოდა და პირველ ეტაპზე საჭირო იყო ახალგაზრდა სახელმწიფოს გაძლიერება და იმ ურთიერთობების დარეგულირება, რომელიც ქვეყნის ორ ეთნიკურ ჯგუფს აპირისპირებდა. მაკარიოსი, რომელიც ზომიერი პოლიტიკის მომხრე იყო და რომელიც ხედავდა, რომ ამ დაპირისპირებას შეიძლება ქვეყანა ორად გაეხლინა, ყველა ზომებს მიმართავდა, რათა არ დაეშვა კვიპროსის გაყოფა. მაგრამ თავისი პოლიტიკის გასატარებლად ის სრულყოფილად ვერ ფლობდა სახელისუფლებო ბერკეტებს, გარდა ამისა, მასზე ერთი მხრივ, ზეგავლენას ახდენდნენ ენოზისის მომხრეები, რომლებიც შქმნილ სიტუაციაში მოითხოვდნენ კუნძულის გაერთიანებას საბერძნეთთან, მეორე მხრივ, ტაქსიმას მომხრეები, რომლებიც მოითხოვდნენ კუნძულის გაყოფას ეთნიკური ნიშნის მიხედვით¹⁷¹. ქვეყნის შიგნით შექმნილ პოლიტიკურ სიტუაციას კიდევ უფრო ამძაფრებდა საბერძნეთისა და თურქეთის აქტიური ჩარევა ქვეყნის საშინაო საქმეებში¹⁷². ამის მაგალითია თუნდაც ის, რომ როდესაც კვიპროსელმა თურქებმა ჩამოაყალიბეს თავიანთი საჯარისო ფორმირებები, მათ სათავეში თურქი გენერალი

¹⁷¹Анисимов Л. Н. Проблемы Кипра. გვ. 75.

¹⁷²1965 წელს აშშ-ს სახელმწიფო მდივანმა დინ ანესონმა შეიმუშავა გეგმა, რომელიც ითვალისწინებდა კვიპროსის შეერთებას საბერძნეთთან და იქ „თურქული კანტონების“ შექმნას, მაგრამ ეს გეგმა თურქეთმა და კვიპროსმა უარყო.

ჩაუდგა. შესაბამისად, საპასუხოდ ბერძნებმაც შექმნეს ნაციონალური გვარდია, რომელიც 24 ათას გვარდიელს ითვლიდა. საბერძნეთის მთავრობის დაქინებული მოთხოვნით ნაციონალურ გვარდიას ბერძენი გენერალი გეორგი გრივასი ჩაუდგა, რომელიც ენოზისის აქტიური მომხრე იყო. სწორედ ის სარდლობდა საბერძნეთიდან ფარულად ჩამოყვანილ დივიზიასაც, რომლის კვიპროსზე ყოფნამ უკიდურესად დაძაბა ვითარება, ხოლო გრივასის მოქმედებებმა და მისმა უკიდურესად ნაციონალისტურმა პოზიციამ გამოიწვია მაკარიოსის მთავრობის მუშაობის პარალიზება, რომელიც კუნძულის ერთიანობის შენარჩუნებას ცდილობდა. ქრონიკულმა პოლიტიკურმა დაძაბულობამ ნეგატიურად იმოქმედა კვიპროსის ეკონომიკაზე, რომელიც მაშინ მთლიანდ იყო დამოკიდებული აშშ-ს, ინგლისისა და და სხვა ქვეყნების დახმარებაზე. ამ ფონზე მოსახლეობის ბერძნულ ნაწილში დაიწყო უარყოფითი დამოკიდებულების ჩამოყალიბება ენოზისისადმი, ხოლო თურქი კვიპროსელები პირიქით თავისი გაუსაძლისი პირობების შექმნაში მთლიანად ბერძნებს ადანაშაულებდნენ, რისთვისაც კუნძულიდან მათ განდევნას ცდილობდნენ.

1967 წლის 21 აპრილს საბერძნეთში მოხდა სამხედრო გადატრიალება და ქვეყნის სათავეში მოვიდა სამხედრო ხუნტა¹⁷³, რომელიც თავისი ანტიდემოკრატიული

¹⁷³ 1967 წლის 21 აპრილის სამხედრო გადატრიალების შედეგად საბერძნეთის პრემიერ – მინისტრი გახდა სამხედრო ხუნტის

საქმიანობით საბერძნეთის მოსახლეობაშიც და კუნძულ კვიპროსზეც ძალიან არაპოპულარული იყო. ამის შემდეგ კვიპროსის ბერძნულ მოსახლეობაში კიდევ უფრო დამკვიდრდა აზრი, რომ კვიპროსი საბერძნეთისაგან დამოუკიდებლად უნდა განვითარებულიყო, თუმცა უნდა შეენარჩუნებინათ მჭიდრო პოლიტიკური, ეკონომიკური და კულტურული კავშირები. ამ გარემოებამ ნაციონალისტებს გეორგი გრივასისა და მისი მომხრეების სახით (პირველ რიგში საბერძნეთის ხუნტის აქტიური მხარდაჭერით, რომელიც თავისი შელახული ავტორიტეტის აღდგენას ცდილობდა) გადაადგმევინა ნაბიჯი, რომელიც საბედისწერო აღმონდება კვიპროსისთვის.

1967 წლის ნოემბერში პრეზიდენტ მაკარიოსის დაუკითხავად გ. გრივასმა თურქულ ანკლავებზე შეტევის ბრძანება გასცა.¹⁷⁴ მიუხედავად ენოზისის მომხრეების რიცხობრივი უპირატესობისა გრივასმა, ვერ შეძლო თურქი კვიპროსელების და თურქეთის არმიის ნაწილების წინააღმდეგობის დაძლევა. ამ გარემოებამ ისე დაძაბა ურთიერთობა საბერძნეთსა და თურქეთს შორის, რომ საქმე ღამის ომამდეც კი მივიდა, მაგრამ ეს დაპირისპირება

მეთაური პოლკოვნიკი გ. პაპანდოპულოსი, სამხედროები ქვეყნის შიგნით ხდევნიდნენ დემოკრატიულ ძალებს და თავიანთ საგარეო პოლიტიკაში გამოდიოდნენ „დიდი საბერძნეთის“ შექმნის იდეით, ხადაც კვიპროსის ხაკითხი ერთ-ერთი უმთავრესი იყო.

¹⁷⁴თ. კიკნაძე, კვიპროსის დამოუკიდებლობის გამოცხადება და ბერძნულ-თურქული კონფრონტაციის გამწვავება. „ისტორია და თანამედროვეობა“, თბ., 1993. გვ. 14-15.

საშიში პრეცედენტი იქნებოდა ნატოს წევრი ქვეყნებისათვის, რომლის წევრები საბერძნეთი და თურქეთი იყვნენ. ამიტომ აშშ-სა და ინგლისის დაიხმებული მოთხოვნით 1968 წლის დასაწყისში საბერძნეთი იძულებული გახდა კვიპროსიდან გაეყვანა კუნძულზე ფარულად მყოფი საბერძნეთის ჯარები, ხოლო გენერალი გრივასი თანამდებობიდან გადააყენეს და კვიპროსიდან გაასახლეს.¹⁷⁵ ამის შემდეგ, საბერძნეთმა და თურქეთმა, შეთანხმების საფუძველზე შეამცირეს თავიანთი სამხედრო კონტინგენტი¹⁷⁶.

1967 წლის მოვლენებმა თურქი კვიპროსელები აიძულა დაეწყოთ თავიანთი ადმინისტრაციული სტრუქტურების შექმნა, რომელიც დამოუკიდებელი იქნებოდა კვიპროსის ცენტრალური ხელისუფლებისაგან. 1967 წლის 29 დეკემბერს თურქი კვიპროსელების ლიდერებმა შექმნეს დროებითი ადმინისტრაცია, რომელშიც შევიდა 10 თურქი მინისტრი მათი ლიდერის ფ. კუნუკის ხელმძღვანელობით. თურქი კვიპროსელების სამხედრო ფორმირებებში შემოიღეს თურქეთის არმიის სამხედრო ფორმა და მათი განმასხვავებელი ნიშნები.

გ. გრივასის ავანტურის დამარცხებამ და საბერძნეთის ჯარების გაყვანამ კუნძულიდან ენოზისის მომხრეებს შორის დიდი გულგატეხილობა გამოიწვია, თუმცა მათ ფარ-ხმალი არ დაუყრიათ, რადგან მათ უკან

¹⁷⁵ Анисимов Л. Н. Проблемы Кипра. გვ. 52.

¹⁷⁶ შეთანხმების თანახმად საბერძნეთის უფლება აქონდა კუნძულზე აკოლოდა 960 ჯარისკაცი, ხოლო თურქეთის 650.

საბერძნეთი იდგა, რომლის სათავეში მყოფი სამხედრო ხუნტა მხოლოდ ხელსაყრელ დროს ეძებდა, რათა კვლავ ეცადა კვიპროსის შექმნა. ახალ პირობებში ენოზისის მთავარ ძალას არაღვგალურად მოქმედი ორგანიზაცია **eoka-2** წარმოადგენდა, რომელსაც სათავეში კვიპროსზე 1971 წელს არაღვგალურად დაბრუნებული გეორგი გრივასი ჩაუდგა. ეოკა-2 და მისი ხელმძღვანელები მიზნის მისაღწევად გეგმავდნენ პოლიტიკურ დესტაბილიზაციას კვიპროსზე, რაც შეიძლება გამხდარიყო საბერძნეთის არმიის ინტერვენციის მიზეზი კვიპროსზე, ამას მოჰყვებოდა მისი გაერთიანება საბერძნეთთან.

ეოკა-2-ის ტერორისტული აქციები ხელაყრელ პირობებს უქმნიდა თურქ კვიპროსელებს, რომლებიც კუნძულის გაყოფას მოითხოვდნენ. მათი ღიადურები კვიპროსის მთავრობისაგან მოითხოვდნენ უცნოთ კვიპროსელი თურქების დროებითი ადმინისტრაცია და ფაქტობრივად კუნძული ეთნიკური ნიშნის მიხედვით გაეყოთ¹⁷⁷.

შექმნილ ვითარებაში პრეზიდენტი მაკარიოსი, პირველ რიგში, ცდილობდა არ დაეშვა კვიპროსის გაყოფა და აღეკვეთა საბერძნეთის სათავეში მდგომი სამხედრო ხუნტის ჩარევა ქვეყნის საშინაო საქმეებში, მაგრამ ამოდ. 1974 წლის 15 ივლისს კვიპროსში მოხდა სამხედრო

¹⁷⁷ 1974 წელს კვიპროსელმა თურქებმა მათ მიერ კონტროლირებად ტერიტორიაზე დაიწყეს თავიანთი საფოსტო მარკების გამოშვება. გარდა ამისა ფულის ერთეულად კვიპროსელი ფუნტის ნაცვლად დაიწყეს თურქული ლირის გამოყენება.

გადატრიალება, რომლის ინიციატორებიც იყვნენ ნაციონალური გვარდია, ეოკა-2 და ენოხისის სხვა მომხრეები, მათ გადააყენეს მაკაროისი და პრეზიდენტად გამოაცხადეს ნიკოლას სამპსონი¹⁷⁸. ფაქტობრივად, ამ მოვლენების უკან იდგნენ საბერძნეთის სამხედრო ხუნტა და კვიპროსელი ულტრანაციონალისტები. ამ გადატრიალების შედეგები სავალალო აღმოჩნდა კვიპროსისთვის. დაიწყო იმ ბერძნების დევნა, რომლებიც საბერძნეთის ხუნტის წინააღმდეგ გამოდიოდნენ. კვიპროსის ნაციონალურმა გვარდიამ დაიკავა კვიპროსელი თურქებით დასახლებული სოფლები, რის შედეგად ბევრმა მათგანმა ვერ მოახწრო კვიპროსის ჩრდილოეთში, თურქულ ანკლავებში გაქცევა და ციხეებში მოხვდა. ამით ისარგებლა თურქეთმა და კვიპროსელი თურქების დასაცავად 1974 წლის 20 ივლისს კვიპროსში თავისი ჯარები შეიყვანა.

კვიპროსში მიმდინარე მოვლენებს სასწრაფოდ გამოეხმაურა გაერო, რომელმაც 1974 წლის 20 ივლისს (იმავდღეს, როცა ცნობილი გახდა თურქეთის არმიის ნაწილების შესვლა კვიპროსში) შემდგარ უშიშროების საბჭოს სხდომაზე განიხილა კვიპროსში შექმნილი მდგომარეობა და მოუწოდა ყველა ქვეყანას (იგულისხმებოდა პირველ რიგში

¹⁷⁸ნიკოლას სამპსონი (1935-1996) – ნამდვილი სახელი ნიკოს გეორგიადისი. გრივასის გარდაცვალების შემდეგ, 1974 წლის იანვარში. სათავეში ჩაუდგა ეოკა-2ს სამპსონი, ისევე როგორც გრივასი, გამოირჩეოდა უკიდურესი ნაციონალისტური შეხედულებებით.

საბერძნეთი და თურქეთი) პატივი ეცათ კვიპროსის სუვერენიტეტისათვის და დაუყოვნებლივ გაეყვანათ ქვეყნიდან უცხო ქვეყნის ჯარები. გაეროს მოთხოვნამ და კვიპროსის მოსახლეობის დიდი ნაწილის დამოკიდებულებამ პუტჩისტებისადმი აიძულა ნ. სამსონი 23 ივლისს გადამდგარიყო. ქვეყნის დროებითი მეთაური გახდა პარლამენტის თავმჯდომარე გ. კლირიდისი, რომელსაც კონსტიტუციის თანახმად, საჭიროების შემთხვევაში შეეძლო შეეცვალა პრეზიდენტი.¹⁷⁹

კვიპროსზე მომხდარმა მოვლენებმა დიდი გავლენა იქონია თვით საბერძნეთში არსებული სამხედრო მმართველობის დასასრულზე. 1974 წლის 24 ივლისს საბერძნეთში ხელისუფლება გადავიდა სამოქალაქო მთავრობის ხელში, რომელსაც სათავეში კ. კარამანლისი ჩაუდგა. ნატოს წევრ ქვეყნებს შორის (საბერძნეთი და თურქეთი) გამწვავებულმა ურთიერთობამ, აიძულა ნატოს პოლიტიკური ხელმძღვანელობა მოეთხოვა დაპირისპირებული მხარეებისათვის საკითხი გადაეწყვიტათ დიალოგის და მოლაპარაკების გზით. 1974 წლის 25 ივლისიდან 14 აგვისტომდე კენევაში საბერძნეთისა და თურქეთის წარმომადგენლებს შორის მიმდინარეობდა მოლაპარაკება, რომელშიც კვიპროსის ბერძნული და თურქული თემების წარმომადგენლები კვლავ არ მონაწილეობდნენ. მხოლოდ ბერძნული მხარის

¹⁷⁹ Tornaritis C. Cyprus and its Constitutionale and other Legal problems. gv. 36.

დაქინებული მოთხოვნის შედეგად ჩართული იქნენ მოლაპარაკებაში კვიპროსის მოსახლეობის წარმომადგენლები – გ. კლირიდისი და რ. ბენკტაში¹⁸⁰.

მოლაპარაკებების დროს თურქეთმა და კვიპროსელმა-თურქებმა წამოაყენეს კუნძულზე ფედერალური სახელმწიფოს შექმნის იდეა, რომელშიც იქნებოდა ბერძნული და თურქული ავტონომიური ოლქები. კვიპროსელმა ბერძნებმა უარყვეს ეს წინადადება, რადგან ამ შემთხვევაში, ფაქტობრივად, კვიპროსის დიდი ნაწილი თურქების ხელში გადადიოდა. გარდა ამისა, თურქების ხელში ხვდებოდა მიწების დიდი ნაწილი, რომელიც ბერძნების საკუთრება იყო და რომელიც ყველაზე ნაყოფიერი იყო (ეს მოიცავდა კვიპროსის ტერიტორიის დაახლოებით 30%-ს), გარდა ამისა, ასეთი ადმინისტრაციული დაყოფა არასწორი და უსამართლო იყო თუნდაც იმიტომ, რომ „კვიპროსის თურქული მოსახლეობა, რომელიც მაშინ კვიპროსის მოსახლეობის 18%-ს შეადგენდა, ქმნიდა ეროვნული შემოსავლის მხოლოდ 10%-ს. გარდა ამისა, მიწა, რომელიც რეგისტრირებული იყო კვიპროსელ თურქებზე

¹⁸⁰რაფუ ბენკტაში შემდგომში კვიპროსის არ აღიარებული თურქული ნაწილის პრეზიდენტი. დაიბადა 1924 წელს. განათლება მიიღო ინგლისში. მუშაობდა კვიპროსზე ინგლისის კოლონიურ ადმინისტრაციაში. 1956-1959 წლებში იყო კვიპროსის გენერალური პროკურორის მოადგილე. 1963-1968 წლებში ტერორისტული საქმიანობისთვის იძალდებოდა თურქეთში. 1975 წლიდან „კვიპროსის თურქული ფედერაციული სახელმწიფოს პრეზიდენტი“. ხილდა 1983 წლიდან ე.წ. ანტილოეთ კვიპროსის თურქული რესპუბლიკის პრეზიდენტი.

შეადგენდა კვიპროსის მთელი მიწის ფონდის მხოლოდ 12,5%-ს. მაშინ, როდესაც ბერძნების სახელზე რეგისტრირებული იყო მიწის 58,8%, დარჩენილი 27% მიწისა სახელმწიფოს საკუთრება იყო და თუ მოხდებოდა მათი გადანაწილება მოსახლეობის რაოდენობის მიხედვით კვიპროსელი თურქების წილი საერთო ჯამში მიწის 17, 9% დარჩებოდა¹⁸¹. თავად კვიპროსელი ბერძნები იმ პერიოდში, ვერდნობოდნენ რა თავიანთ რიცხოვრივ უპირატესობას, სატიროდ არ თვლიდნენ წასულიყვნენ ფედერალური სახელმწიფოს შექმნაზე და კუნძულის ორ თემს შორის სრულ პოლიტიკურ და ეკონომიურ თანასწორებაზე. მოლაპარაკებების დროს არც ერთი მხარე არ წავიდა დათმობაზე რის შედეგადაც კომპრომისის მიღება ვერ მოხერხდა.

სანამ ვენევაში მოლაპარაკებები მიდიოდა თურქები გეგმაზომიერად იკავებდნენ კვიპროსის იმ ნაწილებს, რომელიც ბერძნებით იყო დასახლებული, ამ მოვლენებს თანსდევდა ვანდალიზმისა და გენოციდის აქტები.¹⁸² ეს იყო გამოხეული პოლიტიკა, რომელიც თურქების მიერ იყო შემუსავებული, რათა გამოეწვიათ პანიკა ბერძნულ მოსახლეობაში და აეძულებინათ ისინი დაეტოვებინათ თავიანთი სახლ - კარი.

¹⁸¹ გაეროს უშიშროების საბჭოს მსხალეები 1974 წლის ივლისის, აგვისტოს, სექტემბრის მსხალეები. გაერთიანებული ერების ორგანიზაცია, ნიუ-იორკი, 1975. გვ. 167. (ინგლისურ ენაზე)

¹⁸² Анисимов Л. Н. Проблемы Кипра. Исторические и международно-правовой аспекты, гв. 92.

ქვეყნის კონფერენციის ჩაშლის შემდეგ თურქეთის არმიამ დაიწყო მასობრივი შეტევა და 1974 წლის 16 აგვისტოს მიაღწია იმ საზღვარს, რომელიც, ჯერ კიდევ 60-იან წლებში, თურქების მიერ დაგეგმილი იქნა საზღვრად ბერძნულ და თურქულ თემებს შორის. თურქებმა ხელთ იგდეს 9251 კვ. კმ, რომელიც კვიპროსის ტერიტორიის 37%-ს შეადგენდა, აქ მოხვდა ნიქოზიის ჩრდილოეთი ნაწილი და ყველა მნიშვნელოვანი პორტი, ხილისა და ციტრუსების გადამამუშავებელი საწარმოები, სასტუმროები და სხვა ინფრასტრუქტურა, რომელიც კვიპროსის ეკონომიკის მნიშვნელოვან ნაწილს შეადგენდა. საერთო გათვლებით ამ კონფლიქტის შედეგად კვიპროსის სამხრეთ ნაწილში იძულებით გადასახლდა 200 ათასი ბერძენი, ხოლო 40 ათასი კვიპროსელი თურქი ქვეყნის ჩრდილოეთ ნაწილში.¹⁸³

თურქეთის მთავრობის ამ ქმედებებმა დიდი ზიანი მიაყენა საბერძნეთის მთავრობის მცდელობას კონფლიქტის მშვიდობიან მოგვარებაში, რომელმაც დაგმო საბერძნეთის ხუნტის ავანტიურა კვიპროსის მიმართ და უარი თქვა ენოზიზის პოლიტიკაზე. კვიპროსელმა თურქებმა და თურქეთის სახელმწიფომ კი პირიქით, შექმნილი მდგომარეობა გამოიყენეს კვიპროსის ორად გაყოფისათვის, რათა შემდგომში იგი შეეერთებინათ თურქეთს.¹⁸⁴ საბერძნეთისა

¹⁸³ Tornaritis C. Cyprus and its Constitutionale and other Legal problems. გვ. 65.

¹⁸⁴ საუკულისხმოა, რომ ამ ფაქტს აფხაზი სეპარატისტები ხშირად ასახელებენ მაგალითად, როცა საუბრობენ აფხაზეთის რუსეთის ფედერაციის შემადგენლობაში შეყვანაზე.

და კვიპროსის მთავრობათა უარმა ენოზისზე შეაფერხა თურქული ტაკსიმას პოლიტიკა, რადგან ამიერიდან არ არსებობდა კვიპროსის საბერძნეთთან მიერთებისა და კუნძულზე ბერძენთა სამხედრო ინტერვენციის საშიშროება. ამიტომ თურქულმა მხარემ ფორმალურად უარი თქვა ტაკსიმას პოლიტიკაზე და გამოვიდა მოთხოვნით კვიპროსში ფედერალური სახელმწიფოს შექმნაზე. იმავდროულად კვიპროსელი თურქების მთავარი საზრუნავი იყო მიტაცებული ტერიტორიის სწრაფი ეკონომიკური და პოლიტიკური ინტეგრირება თურქეთის რესპუბლიკასთან. უფრო მეტიც, 1975 წლის თებერვალში კვიპროსელმა თურქებმა, მათ მიერ კონტროლირებად ტერიტორიაზე, ცალმხრივად გამოაცხადეს ე.წ. „კვიპროსის თურქული ფედერაციული სახელმწიფოს“ შექმნა. თურქების ასეთი მოქმედება, რომლებიც კვიპროსელი თურქების უკან იდგნენ, არავითარი კავშირი არ ქონდა, როგორც კვიპროსის კონსტიტუციასთან ასევე საერთაშორისო სამართლის ნორმებთან და როდესაც კვიპროსის თურქულ ნაწილში ჩატარდა რეფერენდუმი, სრულიად იგნორირებული იქნა იმ 200 ათასი კვიპროსელი ბერძნის აზრი, რომელიც ცხოვრობდა ამ მიწებზე და შემდგომში განდევნილ იქნენ და დევნილებად იქცნენ თავისივე ქვეყანაში. თურქული კვიპროსის პრეზიდენტად გამოცხადებულ იქნა კვიპროსელი თურქების ლიდერი რ. ბენკტაში, რომელიც ფორმალურად 1973 წლიდან იყო კვიპროსის ვიცე-პრეზიდენტი. კვიპროსის ამ ნაწილში შეიქმნა საკანონმდებლო ორგანო და მთავრობა,

რომელშიც უმრავლესობა კვიპროსის თურქეთთან გაერთიანების მომხრე იყო. ასევე შეიქმნა ადმინისტრაციული და ტერიტორიული ორგანოები. 1976 წელს კვიპროსის თურქულ ნაწილში მიიღეს კონსტიტუცია, რომელშიც პირდაპირ ეწერა, რომ კვიპროსი არის თურქეთის განუყოფელი ნაწილი, ხოლო ჩრდილოეთში დარჩენილი კვიპროსელი ბერძნები ცხადდებოდნენ უცხო სახელმწიფოს მოქალაქეებად, რომელთა ქონება, მათი გასახლების შემდეგ, ექვემდებარებოდა კონფისკაციას კვიპროსელი თურქების სასარგებლოდ¹⁸⁵. დაიწყო კვიპროსის ერთი ნაწილის თურქიზაციის პროცესი, კერძოდ ქალაქების და სოფლების ბერძნული სახელები შეიცვალა თურქულით. მაგ. ნიქოზიის თურქული ნაწილი გახდა ლეფკოშა და ა.შ. მოსახლეობაში ინერგებოდა თურქული შოფინიზმი, იდეენებიდნენ ის მცირერიცხოვანი ძალები, რომლებიც მოითხოვდნენ კვიპროსის ერთიან სახელმწიფოდ შენარჩუნებას. დაიწყო კვიპროსის თურქული ნაწილის სწრაფი მილიტარიზაციის პროცესი, რომელშიც აქტიურად მონაწილეობდა თურქული მხარე. ასევე სწრაფი ტემპით დაიწყო თურქული კვიპროსის ეკონომიკის ინტეგრირება თურქულ ეკონომიკაში. თურქული ღირა გახდა თურქული კვიპროსის ფულის ერთეული, თურქეთის კონტროლ ქვეშ გადავიდა კავშირგაბმულობის ყველა სახეობა

¹⁸⁵ Tornaritis C. Cyprus and its Constitutionale and other Legal problems. . . გვ.78.

Анисимов Л. Н. Проблемы Кипра. Исторические и международно-правовые аспекты. ст.92

(ფოსტა, ტელეგრაფი, ტელეფონი), საზღვაო და საჰაერო კომუნიკაციები. იქმნებოდა შერეული საწარმოები, სოფლის მეურნეობის, გადამამუშავებელი, ტურიზმის და სხვა დარგებში. თურქეთი ყოველნაირად ცდილობდა ეკონომიურად დაეინტერესებინა კვიპროსელი თურქები. ამ მიზნით მათ თავის თავზე აიღეს თურქული კვიპროსის ბიუჯეტის ნახევრის დაფინანსება. თურქების ეკონომიურმა დახმარებამ კვიპროსელი თურქების მიმართ თავის შედეგი გამოიღო და თუ 1977 წელს მათი ნაციონალური შემოსავალი ხელ რა-დაც 3 მილიარდ თურქულ ლირას შეადგენდა, 1982 წელს 33 მილიარდი ლირა შეადგინა. ეკონომიკის ზრდამ 1982 წელს 2,5% შეადგინა, საგარეო ვაჭრობის მოცულობამ 2- დან 28 მილიარდი ლირა შეადგინა. გარდა ამისა, აიღო რა ორიენტირი თურქულ ეკონომიკურ მოდელზე, თურქული კვიპროსის ყველა მსხვილი საწარმო გაერთიანდა „სამრეწველო პოლინგში“ რაც ამჟღავნებდა მათ ეკონომიკურ ეფექტს.

XX საუკუნის 70-იან წლებში კვიპროსის ჩრდილოეთ ნაწილში დაიწყო ანატოლიის თურქების ჩამოსახლება. ორგანიზატორების აზრით ეს ხელს შეუწყობდა თურქული კვიპროსის სწრაფ ინტეგრაციას თურქულ სახელმწიფოსთან. გარდა ამისა, ყველა გადმოსახლებული ღებულობდა იმ ქონებას და მიწას, რომელიც ბერძნების მიერ იყო მიტოვებული(!). რა თქმა უნდა, გადმოსახლებულები თავიანთი ინტერესებიდან გამომდინარე, ყოველმხრივ უჭერდნენ მხარს თურქული კვიპროსის ინტეგრაციას თურქეთთან. გადმოსახლებული თურქებისაგან იქმნებოდა

პოლიტიკური პარტიები, რომელთა ლიდერები ისეთი როგორიც იყო თურქეთის არმიის ყოფილი პოლკოვნიკი ი. ტეზერი და რომელიც რ. დენკტაშის ერთ-ერთი მინისტრთაგანი იყო, პირდაპირ მოითხოვდა ჩრდილოეთ კვიპროსის თურქეთთან მიერთებას და მის შემადგენლობაში ყოფნას. ასე, რომ კვიპროსელ თურქებმა ამ პერიოდში ბევრი მომხრე გაიზინეს თავისი მიზნის მისაღწევად რაც გასაკვირი არ უნდა იყოს.

თურქული კვიპროსის ლიდერები ცდილობდნენ საერთაშორისო არენაზე თავიანთი მიზნებისთვის გამოუყენებინათ ისლამური ფაქტორიც. მათ დამკვირვებლის სტატუსი მიიღეს ისლამის ქვეყნების კონფერენციაში. 80-იან წლებში საუდის არაბეთის პრინცმა მოჰამედ ალ - ფეისალ ას-საუდის ინიციატივით თურქულ კვიპროსში გაიხსნა საერთაშორისო ინსტიტუტი ისლამური ბანკებისა და ეკონომიკისა, ასევე გაიხსნა კვიპროსის ისლამური ბანკი, რომლის კაპიტალიც 10 მილიონ დოლარს შეადგენდა და რომლის მიზანიც ეკონომიკის სხვადასხვა სექტორის დაფინანსება იყო (პირველ რიგში ტურიზმის სფერო). საუდის არაბეთის გარდა აქტიური ეკონომიკური თანამშრომლობა დაიწყო იორდანიაში, ირანში, პაკისტანში და სხვა მუსლიმანურმა სახელმწიფოებმა, რომლებიც ასევე აქტიურად თანამშრომლობდნენ კვიპროსელ თურქებთან.

საერთაშორისო არენაზე კვიპროსელი თურქები და მის უკან მდგარი თურქეთის სახელმწიფო ცდილობდნენ არ

დაეშვათ გაერთიანებული ერების ორგანიზაციის მიერ მათ მიმართ სანქციების დაწესება კვიპროსის ნაწილის უკანონო ოკუპაციისთვის. ამ მიზნით კვიპროსელი თურქები გაეროს ეგიდით აქტიურად მონაწილეობდნენ სხვადასხვა სახის მოლაპარაკებებში. ყოველივე ეს სჭირდებოდათ დროის მოსაგებად, რათა მსოფლიო საზოგადოებრივი აზრი შეგუებოდა თურქული კვიპროსის არსებობას და მიეღწიათ მისი აღიარებისათვის. ბერძნულ და თურქულ თემებს შორის ათწლიანი უნაყოფო მოლაპარაკებების შემდეგ, თურქულმა მხარემ 1983 წელს შეწყვიტა მოლაპარაკება და გადადგა კიდევ ერთი ნაბიჯი თურქეთთან ინტეგრაციისკენ. 1983 წლის 15 ნოემბერს, ადგილობრივ საკანონმდებლო ორგანოში ე.წ. კვიპროსის თურქულმა ფედერაციულმა სახელმწიფო მიიღო რეზოლუცია კვიპროსის თურქული ნაწილის თვითგამორკვევის შესახებ. ამ რეზოლუციის თანახმად, იმავე წლის 15 ნოემბერს გამოცხადდა „ჩრდილოეთ კვიპროსის თურქული რესპუბლიკის“ შექმნის შესახებ, რომლის პრეზიდენტი კვლავ გახდა რ. დენკტაში. მან პირველსავე საჯარო გამოსვლაში განაცხადა, რომ იმედი აქვს თურქეთის არამარტო მხარდაჭერის, არამედ პოლიტიკური აღიარებისაც. თურქეთმა არ დააყოვნა და ეს სეპარატისტული წარმონაქმნი მაშინვე სცნო დამოუკიდებელ სახელმწიფოდ. (დღემდე კვიპროსის ამ ნაწილის დამოუკიდებლობას სცნობს მხოლოდ თურქეთი და ყოფილი ავღანეთის თალიბანის რეჟიმი). მიუხედავად კვიპროსელი

თურქების და მათი მფარველების არაერთი მცდელობისა მსოფლიო თანამეგობრობამ არ აღიარა ჩრდილოეთ კვიპროსის თურქული რესპუბლიკა. უფრო მეტიც, გაეროს უშიშროების საბჭომ თავის რეზოლუციებში გამოხატა სერიოზული შეშფოთება თურქული თემის სეპარატისტულ მოქმედებასთან დაკავშირებით და მათი გადაწყვეტილება გამოცხადდა უკანონოდ. გაერომ, 1984 წლის 15 მაისის რეზოლუციით, ყველა სახელმწიფოს მოუწოდა არ ეცნოთ ე.წ. ჩრდილოეთ კვიპროსის თურქული რესპუბლიკა, ხოლო კონფლიქტის მხარეებს მოუწოდა დიალოგისა და მოლაპარაკებების განახლებაზე.¹⁸⁶

ორ დაპირისპირებულ მხარეს შორის დიალოგის მცდერლობა არაერთხელ ყოფილა. ჯერ კიდევ 1968 წლის 3-5 ივნისს ქ. ბეირუთში შედგა კვიპროსის ორი თემის წარმომადგენლების გ. კლირიდისის და რ. ბენკტაშის შეხვედრა, სადაც მიღწეულ იქნა შეთანხმება, რომლის თანახმად, იმავე წლის 24 ივლისს კვიპროსზე, გაეროს წარმომადგენლების მონაწილეობით, დაიწყებოდა მოლაპარაკება. მოლაპარაკებები შედგებოდა რამდენიმე ეტაპისაგან და მისი მთავარი მიზანი იყო მხარეებს ერთმანეთისთვის გაეცნოთ თავიანთი ხედვა საკანონმდებლო და აღმასრულებელი ხელისუფლების, სასამართლო სისტემის, პოლიციის, ადგილობრივი თვითმართველობის საკითხების შესახებ.

¹⁸⁶ Resolutions Adopted by the United Nation on the Cyprus problem. 1964-1993. Nikosia, 1993. გვ. 25.

კვიპროსელი ბერძნების მოსახრება ქვეყნის მოწყო-
ბის შესახებ წარდგენილი იქნა 1970 წლის სექტემბერში
გამართული მოლაპარაკებების დროს. მათი აზრი
ჩამოყალიბებული იყო რამდენიმე პუნქტად: 1. კვიპროსი
უნდა ყოფილიყო უნიტარული და სუვერენული სახელმ-
წიფო თავისი I კონსტიტუციით, რომელიც დაფუძნებული
იქნებოდა დემოკრატიის პრინციპებზე და გაეროს წესდე-
ბაზე. 2. კვიპროსის ყველა მოქალაქეს განურჩევლად რა-
სისა და რელიგიური შეხედულებებისა უნდა ჰქონოდა თა-
ნაბარი და სრული უფლებები. 3. კვიპროსელი თურქებისათ-
ვის ავტონომიის მონიჭება განათლების, კულტურის და
რელიგიის საკითხებში და ა.შ. როგორც ამ დოკუმენტიდან
ჩანს, კვიპროსელი ბერძნები მომხრე იყვნენ არა ფედერ-
ალური სახელმწიფოს შექმნაზე, როგორც ამას მოითხოვდა
მეორე მხარე, არამედ უნიტარულზე და ეროვნული უმცირ-
ესობისთვის ფართო კულტურული ავტონომიის მინიჭე-
ბაზე. მაგრამ 1974 წლის მოვლენებმა მათი პოზიციები
შეარბილა. 1975 წლის 10 თებერვალს გ. კლირიდისმა
კვიპროსელი თურქების ლიდერს რ. ბენკტაშს გაუგზავნა
ახალი წინადადებების პაკეტი,¹⁸⁷ რომელშიც ჩამოყალიბე-
ბული იყო სახელმწიფო მოწყობის ახალი გეგმა. კერძოდ,
- კვიპროსი უნდა ყოფილიყო დამოუკიდებელი სუვერენული
სახელმწიფო.

¹⁸⁷ доклад Генерального секретаря ООН Совету Безопасности о
событиях на Кипре. Приложение А. док.ООН S/II 624.

- მის ძირითად კანონს წარმოადგენდა კონსტიტუცია, რომელიც ქვეყნის ფედერალურ მოწყობას აღიარებდა.
- კვიპროსელ თურქებს საშუალება ექნებოდათ მართონ ქვეყნის ჩრდილოეთ ნაწილი ზღვის ორივე მხარეს.
- სხვა რაიონებიც შეიძლება მართონ, თუ მოსახლეობის უმრავლესობას კვიპროსელი თურქები შეადგენდნენ.
- ცენტრალურ მთავრობას ფედერალურ სახელმწიფოში უნდა პქონოდა ფართო უფლებები.
- იმ კვიპროსელი ბერძნების სამართლებრივი სტატუსი, რომლებიც იცხოვრებდნენ თურქების რაიონებში, უნდა ყოფილიყო განსაზღვრული და დაკანონებული.
- კონსტიტუციით, ადამიანის უფლებები უნდა ყოფილიყო გარანტირებული, რომლითაც განსაზღვრული იქნებოდა კუნძულზე თავისუფალი გადაადგილების უფლება.
- განსაზღვრული და დაცული უნდა ყოფილიყო საკუთრებისა და მისი გამოყენების უფლება კვიპროსის ნებისმიერ რაიონში და ადგილას.

1975 წლის 13 თებერვალს კვიპროსელმა თურქებმა ბერძნული მხარის ამ წინადადებებს უპასუხეს შემდეგი კონტრ-წინადადებით: კვიპროსი უნდა ყოფილიყო „დამოუკიდებელი და საერო რესპუბლიკა, რომელიც უნდა შედგებოდეს ორი (ბერძნულ და თურქულ) რეგიონალური ფედერაციული სახელმწიფოსაგან, თავისი კონსტიტუციითა და თავისი სამართლებრივი სისტემით. ფაქტობრივად, ეს ნიშნავდა კუნძულის ორ ნაწილად გაყოფის დაკანონებას.

რომელზეც ბერძნული მხარე კატეგორიულად უარს ამბობდა, მაგრამ თანახმა იყო ქვეყნის მოწყობის ფედერაციულ პრინციპებზე. სადაც ორივე თემს თანაბარი უფლებები ექნებოდა.

მიუხედავად ამისა თურქეთის მთავრობა ცდილობდა ყოველმხრივ დახმარებოდა და მხარდაჭერა გამოეხატა თავის ანკლავის მიმართ, როგორც დიპლომატიური, ვეე ეკონომიკური თვალსაზრისით¹⁸⁸. ეკონომიკური ინტეგრაცია გამოიხატა კერძო ინვესტიციების მოზიდვაში. ამ მიზნით ჩრდილოეთ კვიპროსის პარლამენტმა მიიღო კანონი პორტო-ფრანკოსა¹⁸⁹ და თურქეთის არმიის მიერ ოკუპირებულ ფამაგუსტაში თავისუფალი ეკონომიკური ზონის შექმნის შესახებ. ამ ქალაქს თურქული სახელი მაგოსი ეწოდა და იგი ფრიად მიმზიდველი იყო უცხოელი ინვესტორებისათვის.

არ გამართლდა თურქეთისა და ჩრდილოეთ თურქეთის მესვეურების იმედი მუსლიმანური სახელმწიფოების მიერ ჩრდილოეთ კვიპროსის აღიარების შესახებ. მათ ყურად იღეს გაეროს უშიშროების საბჭოს შეფასება, რომელშიც დამოუკიდებელი თურქული ჩრდილოეთ

¹⁸⁸თურქეთის სანაპიროდან ჩრდილოეთ კვიპროსის სანაპირომდე ზღვის ფსკერზე გაყვანილ იქნა 100 მეგავატიანი წყალქვეშა ელექტრო კაბელი, რომელმაც ხრულად დააკმაყოფილა ჩრდილოეთ კვიპროსის მთხოვნილება ელექტროენერგიაზე, რომელიც მანამდე კვიპროსის ცენტრალურ მთავრობაზე იყო დამოკიდებული.

¹⁸⁹ პორტო-ფრანკო - თავისუფალი ნავსადგური.

კვიპროსის რესპუბლიკის გამოცხადება განიხილებოდა, როგორც არალეგიტიმური იურიდიული აქტის მქონე ქმედება.

მიუხედავდ იმისა, რომ ევროპის ქვეყნები და აშშ მხარს უჭერდნენ კვიპროსის ერთიანობას, გასათვალისწინებელია ის ფაქტი, რომ მახლობელ აღმოსავლეთში დაძაბული პოლიტიკური ვითარების ფონზე მათი ინტერესები ამ რეგიონის მიმართ გაიზარდა. რეგიონში მშვიდობის შენარჩუნებისათვის აშშ-მ ჩრდილოეთ კვიპროსის ტერიტორიაზე, ლუფაკონიკოს მახლობლად, სამხედრო აეროდრომი ააშენა, რომელსაც ძალიან დიდი სამხედრო სტრატეგიული მნიშვნელობა გააჩნია და რომლის ღირებულება 500 მილიონი დოლარი არის. ეს ფაქტი მიუთითებს, რომ ამ რეგიონში აშშ-ს თავისი ინტერესები გააჩნია, რაც ხელს აძლევს ჩრდილოეთ კვიპროსის მთაურობასაც და აშშ-ს სამხედრო ყოფნას რეგიონში განიხილავს, როგორც საერთაშორისო იზოლაციის გარღვევის ერთ-ერთ მნიშვნელოვან საშუალებას.

ჩრდილოეთ კვიპროსის მიერ დამოუკიდებლობის გამოცხადებამ და ხელსაყრელმა საინვესტიციო ფონმა მართლაც მიიზიდა უცხოური კაპიტალი. ამ მხრივ, განსაკუთრებული აქტიურობით გამოირჩევიან მუსლიმანური ქვეყნები: საუდის არაბეთი, იორდანია, კუვეიტი და სხვა

მდიდარი არაბული სახელმწიფოები რომლებმაც დიდი ინვესტიციები ჩადეს კვიპროსის ამ ნაწილში.¹⁹⁰

ამასობაში კვიპროსის სამხრეთი გაერთიანებული ევროპის ნაწილი გახდა, რომლის გორდიეს კვანძად დღემდე რჩება კვიპროსის გადაუჭრელი საკითხი. ზემოთხსენებული მოვლენები აშკარად მიუთითებს, რომ კვიპროსზე არსებული ეთნოკონფლიქტი, ფაქტობრივად წარმოადგენს ორი ქვეყნის პოლიტიკურ ბრძოლას კვიპროსზე გაბატონებისათვის. ეს მოვლენები კიდევ ერთხელ გვჩვენებენ რა შეიძლება მოჰყვეს ულტრანაციონალისტური შეხედულების გავრცელებას მოსახლეობაში, რომლის უკან ყოველთვის დგანან დაინტერესებული ძალები და ცდილობენ შექმნილი პოლიტიკური ვითარება თავის სასარგებლოდ გამოიყენონ. ძნელია იმის თქმა, როდის გადაწყდება ეს კონფლიქტი, მაგრამ ახლო მომავალში ქვეყნის სახელმწიფოებრივ მოწყობაზე მხარეებს შორის პირდაპირი დიალოგი გარდაუვალია.

¹⁹⁰ საუდის არაბეთმა ნიქოზია – კირინეას ავტონომიის ასაშენებლად 450 მილიონი დაღარი გამოაყოფინა, გაცა 100 მილ. დოლარი საცხოვრებელი სახლებისა და შენობების მშენებლობისათვის და ა. შ.

ამრიგად, ჩვენი ძირითადი მიზანი იყო გაგვეშუქებინა XX საუკუნის II ნახევრის საერთაშორისო ურთიერთობების უმნიშვნელოვანესი კრიზისები, რომლებმაც დიდი როლი ითამაშეს ამ ეპოქის მსოფლიო პოლიტიკის ფორმირებასა და განვითარებაზე. განხილული პრობლემები სხვადასხვა კუთხით, მაგრამ მაინც აელენენ მსგავსებას საქართველოში არსებულ კონფლიქტებთან: შეიძლება ეს იყოს საერთაშორისო ინსტიტუციების მხრიდან საკითხისადმი მიდგომა, აგრესიულად განწყობილი სახელმწიფოების დამოკიდებულება თუ სხვა. თუმცა ისტორიული თვალთახედვით, ჩვენს მიერ განხილული არცერთი კრიზისი არ ჰგავს აფხაზეთისა და ცხინვალის რეგიონში განვითარებულ მოვლენებს. აღნიშნული კონფლიქტები შეიძლება შეფასდეს, როგორც რუსეთ-საქართველოს პოლიტიკური კრიზისი და არა როგორც ეთნოკრიზისი. ტერიტორიულად დიდი სახელმწიფოს აგრესია პატარა, მაგრამ თავისუფლებისმოყვარე ქვეყნის მიმართ.

**The Issues of International Relations of the 2nd half of the
20th century**

The most important issues of international relations play a significant role in the international relations of the 2nd half of the 20th century. For understanding and realization of modern political researches it is necessary to study these issues in the context of political theories, methods and methodology.

In the given work the important issues of international relations of the 2nd half of the 20th century are presented, which impacted on the formation of political relations, character and political processes of the epoch.

In the work there is presented transformation of France's policy towards the countries of Indochina in the 50-70s of the 20th century, the issue of Taiwan and its possible parallels towards Abkhazia and Tskhinvali regions, the issue of Korea in the foreign policy of the USA in 1945-1974, the conflict of Near East of the year 1973 in the relations of the USA and the Soviet Union, "Communique of Shanghai", the issue of Cyprus in the international relations of the 60-70s of the 20th century.

The research topic "Policy transformation of Charles de Gaulle towards the countries of Indochina in the 50-70-ies of the

XX Century“ is about the political events developed on the peninsula of Indochina at the time of establishing the new world order after the second world war. The countries of Indochina – Vietnam, Cambodia, Laos were the colonies of France since the end of the XIX and the beginning of the XX centuries and remained under its control till the end of the second world war. After the second world war the attempt of the government of France to maintain its influence in these countries eventually failed, because “Communist China“ did its best to realize its geopolitical, strategic and ideological interests in this region and “the Communist Russian empire-the Soviet Union“ supported it as well. France that was weakened in the second world war couldn’t resist growing political interests of China and the Soviet Union, that eventually aimed to introduce Communism ideology in Indochina and to make this region its own geopolitical and strategic platform.

In this situation the doctrine of stopping “the communism danger“ was worked out in the USA, which was directed towards the ideological expansion of the USSR and China and was conditioned by the interests of the USA in Southern-Eastern Asia. The USA saw that France couldn’t maintain its influence in the region, that followed domination of communist China and the Soviet Union on the peninsula of Indochina. It’s obvious that diplomacy of the USA would not admit it which caused the tempo-

rary opposition of the interest between the USA and France in the region. Despite it, in the countries of Indochina the main opposition parties represented on the one hand – USA and on the other hand the Soviet Union and Communist China. In such conditions, and relevantly France elaborated a new policy towards the countries of Indochina.

In the south-east Asia, especially, within the international situation created on the peninsula of Indochina France was forced to withdraw and agree with Geneva Agreements, as a result of which the region remained totally under the influence of the USA. But China and the Soviet Union attempted to maintain their interests in these countries. In 60s of XX century the events occurred in Vietnam forced the USA to go out of Vietnam which became the ground of pursuing the new foreign political course of France towards the countries of Indochina. Policy transformation of France was connected to the name of Charles de Gaulle, the president of France of that time, who elaborated a new tactics and strategy towards the countries of Indochina. This political course mainly took into consideration to respect political sovereignty and independence of these countries and the issue of their political “neutralization”. In the 70-ies of the XX century France could keep definite influence in the countries of Indochina, that was the result of the new foreign policy of Charles de Gaulle.

Thus, from 50s to 70s of XX century France's external political course towards the countries of Indochina had evolutionally developed and experienced a great change. In spite of the new political course of France's authority and Charles de Gaulle was finally directed towards maintaining France's political influence in the region, even the high level of French political culture and incredible improvements and developments of social thought was reflected in it. In Charles de Gaulle's epoch French social-political opinion generated not a one similar policy that gave the French colonies the opportunity of freedom and independent development.

The results of the research are summarized in the conclusion.

ბიბლიოგრაფია:

1. არდაშელია ო., აღვირის კრიზისი და შარლ დე გოლის პოლიტიკა, *ქ. თაყაიშვილის სახელობის საქართველოს საისტორიო საზოგადოება, აფხაზეთის ორგანიზაციის წელიწადეული* „საისტორიო ძიებანი“, № VI, თბ. 2003.
2. აფხაზეთის ლაბირინთი, ავტორთა კოლექტივი, თბ. 1999;
3. ბეუზინსკი ზ. დიდი საჭადრაკო დაფა, თბ. 2004.
4. გაეროს უშიშროების საბჭოს მასალები 1974 წლის ივლისის, აგვისტოს, სექტემბრის მასალები. გაერთიანებული ერების ორგანიზაცია. ნიუ-იორკი. 1975. გვ. 167. (ინგლსურ ენაზე).
5. გეგეჭკორი დ. შანხაის კომუნიკე, ქართული დიპლომატია, წელიწადეული, 12. თბ. 2005;
6. დათიაშვილი შ. წყლის პრობლემა ახლო აღმოსავლეთის ქვეყნების საერთაშორისო ურთიერთობებში. დიპლომატიური წელიწადეული. ტ. 6. თბ. 2000;
7. დათიაშვილი შ. წყლის კრიზისი მდ. იორდანეს აუზში და 1967 წლის თბი, ქართული დიპლომატია, ტ. 7. თბ. 2001.

8. დავითაშვილი ზ. მეთოდის პრობლემა საერთაშორისო ურთიერთობების კვლევისას, წელიწადეული „ქართული დიპლომატია, ტ. 6. თბ. 1999
9. კუკუტარია გ. უინსტონ ჩერჩილის სიტყვა, წარმოთქმული ქალაქ ფულტონში (აშშ) 1946 წლის 5 მარტს. ქართული დიპლომატია, წელიწადეული ტ. 10. თბ. 2003.
10. სოციალურ და პოლიტიკურ ტერმინთა ლექსიკონი – ცნობარი, თბ. 2004.
11. შაკარაძე ე. გოგიტიძე მ. კვიპროსის საკითხი აღმოსავლეთ პოლიტიკაში XX ს. 60-80-იან წლებში. ბათუმი. 2000.
12. მენთეშაშვილი აღ. დიპლომატიის ისტორია ტ. II თბ. 2002
13. ა. ციციაშვილი „ახლო აღმოსავლეთის პრობლემის გადაწყვეტის ორი გზა“ თბ. 1989.
14. პაპასქირი ზ. ნარკვევები აფხაზეთის ისტორიიდან ტ. II. თბ. 2007.
15. რონდელი აღ. საერთაშორისო ურთიერთობები, მესამე განახლებული გამოცემა თბ. 2006.
16. ქართული დიპლომატიური ლექსიკონი. ტ. 1-2 თბ. 1999-2000

17. **Арзаканян, М.** Де Голль и реформа государственного устройства Франции // Отечественные записки. - 2004. - № 2;
18. **Астафьев Г. В.** США и Китай. М. 1983;
19. **Анисимов Л. Н.** Проблемы Кипра. Исторические и международно-правовые аспекты. М.1986.
20. **Барышников В.Н., Гончаров С.Н.** К вопросу о воссоединении Тайваня с КНР // Проблемы Дальнего Востока. 1984. №3;
21. **Бажанов Е. П.** Движущие силы политики США в отношении Китая. М. 1982;
22. **Васильев Н.В., Мироненков Е.Г.** Тайваньский фактор в американо-китайских отношениях // Проблемы Дальнего Востока, 1985, №2;
23. **Воронцов В. Б** Корея в планах США в годы второй мировой войны. М. 1962
24. **Иноземцев В.А** Военная политика США на тихоом океане М. 1972.
25. **Игнатов П. Д** .Военная тактика и стратегия в Арабо-Израильских войнах во второй половине XXв. М.2001
26. **Гаврилюк 1962:** Гаврилюк В. А. Распад французской колониальной империи. М. 1962.
27. **Губер А.А.** Вьетнам во время и после второй мировой войны. М. 1962
28. **Голль Шарль Де** . мемуары М. 1972

29. Новейшая история Франции. М. 1989.
30. Конституция и законодательные акты Французской Республики. М. 1958. www.francaices.doc.org
31. **Игнатов П. Д.** Военная тактика и стратегия в Арабо-Израильских войнах во второй половине XX в. М.2001;
32. **Киссинджер Г.** Дипломатия. М 1997.
33. **Капица М.С.** КНР: три десятилетия – три политики. М. 1979;
34. **Керов В.Л.** Французская колонизация островов Индийского океана: XVII–XVIII вв. М., 1990;
35. **Кузупис Н.** Проблемы национально-освободительного движения на Кипре (20-50 годы XX в) М.1986;
36. **Лакоба С.** Очерки политической истории Абхазии. Сухум. 1990;
37. **Ледовский А.М.** Китайская политика США и советская дипломатия, 1942 – 1954. М.:1985
38. **Лакоба С.** Очерки политической истории Абхазии. сух. 1990;
39. **Ляхе М.** Женевские соглашения 1954 г. об Индокитае, М. 1956.
40. **Меркулов С. К.** Америко-китайское сближение (вторая половина 70-х гг). М. 1980;
41. Международные отношения в Южной Юго-Восточной Азии и на Дальнем Востоке (1945-1962) М. 1978.

42. Новейшая история Франции. М. 1989.
43. **Осипов А. И.** Политика США на ближнем востоке. М 1991;
44. **Осипов А. И.** США и Арабские страны в. 70 в начале 80 годов. М 1983;
45. Рузвельт Элиот. Его глазами. М. 1947.
46. **Примаков Е.** История одного заговора. М 1988;
47. **Протопопов А.С. Козьменко В.М. Елманова Н.С.** История международных отношений и внешней политики России (1648-2000). Учебник для вузов /Под ред. А.С. Протопопова - М.: Аспект Пресс, 2001.
48. **Петухов В.** США против воссоединения Тайваня с КНР // Азия и Африка сегодня, 1988;
49. **Поцхверия Б. М.** Внешняя политика Турции после второй мировой войны. М. Международные отношения в Южной Юго-Восточной Азии и на Дальнем Востоке (1945-1962) М.1978.
50. История Израиля . М. 2004;
51. История Корей т. II. М. 1978;
52. История международных отношений на Дальнем Востоке. 1945-1977 / Отв. Ред. С. Л. Тихвинский. Хабаровск. 1978;
53. **Шахбазов В. А.** Проблемы Кипра в политике Турции в 1960-1980 годах. Орджоникидзе. 1983.

54. **Черкасов П. П.** Франция и Индокитай. М. 1976.
55. **Цветков И. А.** Политика США по отношению к таиванской проблеме 1949-1999 М. 2000;
56. **Харба В.** Агрессия Грузии и международное право. Сухум. 1995.
57. **Tornaritis C.** Cyprus and its Constitutionale and other Legal problems. Nikosia.1980;
58. The One China Principle and Taiwan Issue. The Taiwan Affairs office and the information office of the State council People Republic of China. February. 2000;
59. **Salan R.** Memoires. Fin d'un Empire. t.2. Le Viet-minh mon adversaire (octobre 1946—octobre 1954), Paris, 1971.
60. **Parker L.K.** French colonies in the Americas. New York. 2003
61. **Crawshaw N.** The Cyprus Revolt. An Accaunt of the struggle for union with Greece. L. 1978.
62. **Kerr G.** Formosa betrayed. Boston: Houghton Mifflin, 1965
63. **Kissinger H.** White House years. Boston: Little Brown and Company, 1979;
64. International Institutions and State Power: Essays in International Relations Theory (Boulder: Westview Press, 1989).

65. Resolutions Adopted by the United Nation on the Cyprus problem. 1964-1993. Nikosia, 1993.
66. **Tucker N.** Taiwan, Hong Kong, and the United States, 1945-1992 : uncertain friendships. New York : Maxwell Macmillan International, 1994;
67. **Truman H.** Years of trial and hope. Garden City, New York 1956.
68. La France d'outre-mer (1930–1960): temoignages d'administrateurs et de magistrates. Paris, 2003;
69. <http://www.abkhazia.ru>
70. <http://www.2facts.com/archive/search/1971103700.asp>
71. nevtaiwan.virtualave.net
72. www.taivan.org
73. <http://nevtaiwan.virtualave.net>
74. www.francaices.doc.org
75. www.natoinfo.ge
76. <http://www.INTERNATIONALINTEREST.COM>
77. ჰაზგოთი: Washnigton poste,
78. ჰაზგოთი: Frankfurten Algemeinen. 2008. 4 04.
79. internet-masalebi: www.infoplease.com; www.wikipedia.org. Foreign relations of Cyprus; www.cypriot.ru; www.investincyprus.gov.cy; www.mfa.gov.cy; www.mfa.gov.cy; და სხვები.
80. „Известия“ № 221 9 თებერვალი 1973 წელი.

შინაარსი

შ ე ს ა ვ ა ლ ი	3
თავი I. საფრანგეთის პოლიტიკის ტრანსფორმაცია ინდონეზიის ქვეყნების მიმართ XX საუკუნის 50-70-იან წლებში	9
თავი II. ტაივანის საკითხი და შესაძლო პოლიტიკური პარალელები	33
თავი III. კორეის საკითხი აშშ-ს საგარეო პოლიტიკაში 1945-1974 წლებში	66
თავი IV. 1973 წლის ახლო აღმოსავლეთის კონფლიქტი აშშ-სა და საბჭოთა კავშირის ურთიერთობებში	74
თავი V. აშშ-ს ჩინეთთან დაახლოების პოლიტიკა და „შანხაის კომუნიკე“	103
თავი VI. კვიპროსის საკითხი XX საუკუნის 60-70-იანი წლების საერთაშორისო ურთიერთობებში	124
დასკვნა	161
The Issues of International Relations of the 2nd half of the 20th century	162
ბიბლიოგრაფია	166